


明會典便覽




			九	漢書門
一	一	〇	〇	
二	二	四	〇	
冊	架	函	號	類

庫	文	閣	內	
九	九			漢書
函	一	〇		
二	二	〇		
架	冊	號	類	


共十二  
政去九号

內閣文庫			
番號	漢	9200	
冊數	12 ( 5 )		
函號	294	36	

五









大明會典目錄

大明會典目錄

第五冊

卷之五十八 蕃國禮

禮部儀制司

蕃王來朝儀 蕃國遣使進表朝貢儀附

聖節正旦冬至蕃國望闕慶祝儀

蕃國迎詔儀 受印物儀附

卷之五十九

官員禮

庶人禮



卷之六十 冠服一

皇帝冕服

皇后冠服 冊寶附

皇妃冠服 冊印附

皇嬪冠服 冊附



大明會典卷之五十八

目錄



内命婦冠服

皇太子冠服 冊實附

皇太子妃冠服

親王冠服 冊實附

親王妃冠服

公主冠服

世子冠服

世子妃冠服

郡王冠服

郡王妃冠服

長子冠服

郡主冠服

長子夫人冠服

鎮國將軍冠服

鎮國將軍夫人冠服

輔國將軍冠服

輔國將軍夫人冠服

奉國將軍冠服

奉國將軍淑人冠服

鎮國中尉冠服

鎮國中尉恭人冠服

輔國中尉冠服

輔國中尉宜人冠服

奉國中尉冠服

奉國中尉安人冠服

縣主冠服

郡君冠服

縣君冠服

鄉君冠服

卷之六十一 冠服二

文武官冠服

儀賓冠服

命婦冠服

進士巾服

狀元冠服

生員巾服

吏員巾服

士庶巾服 公使人等附

士庶妻冠服 婢使人等附

教坊司冠巾服

卷之六十二



房屋器用等第

卷之六十三 冠禮一

皇帝冠禮

卷之六十四 冠禮二

皇太子冠禮

卷之六十五 冠禮三

皇太孫冠禮

卷之六十六 冠禮四

品官冠禮

卷之六十七 婚禮一

皇帝納后儀 選用宮人附

卷之六十八 婚禮二

皇太子納妃儀

卷之六十九 婚禮三

親王婚禮

卷之七十 婚禮四

公主婚禮 選擇駙馬教習駙馬附

卷之七十一 婚禮五

品官納婦

庶人納婦

卷之七十二 宴禮

大宴儀 中宴常宴附

卷之七十三



大宴樂

小宴樂

東宮宴樂

卷之七十四

傳制儀

進春儀

有司鞭春儀附

頒誥勅儀

官員受誥封贈并焚黃儀附

開讀儀

迎接招赦等儀附

進書儀

卷之七十五

表箋儀式

卷之七十六

奏啟題本格式

行移署押體式

大明會典卷之第五十八

禮部十六

蕃國禮國初諸蕃來朝必見皇太子及親王 皇帝親御殿待宴後

止朝見上賜宴會同館命禮部待之其蕃使進表亦不宣讀蕃王來

朝儀

蕃國遣使進表朝貢儀附

洪武二年定凡蕃王來朝至龍江驛驛官具報應

天府府報中書省及禮部以聞遣侍儀通贊舍人二員接伴遣應天

府知府至驛禮待前期館人於正廳陳設蕃王座於廳之西北東向

知府座於廳之東南西向知府至館以賓主接見具酒食宴待畢知

府還蕃王送出門外次日清晨從官復伴送蕃王入會同館禮部尚

書奉旨即館中宴勞尚書至蕃王服其國服出迎相見宴享如龍江

驛酒行作樂宴畢尚書及從官皆出蕃王與其從官送至館門外明

日中書省奏知命官一員詣館如前宴勞禮部告示侍儀司以蕃王



大明會典卷五十四 禮部  
及其從官具服於天界寺習儀三日擇日朝見前一日內使監陳設御座香案於奉天殿尚寶司設寶案於御座前侍儀司設蕃王與其從官次於午門外蕃王拜位於丹墀中道稍西及御座之南其從官拜位於蕃王丹墀拜位之後俱北向設方物案於丹墀之北中道東西方物狀案於御前及丹墀中受方物官位於方物案之東西知班二人位於蕃王拜位之北引蕃王舍人二人位於蕃王之北引蕃王從官舍人二人位於蕃王之北俱東西相向餘如朝會儀是日鼓初嚴禮部陳方物於午門外舉案者就案次嚴執事官俱入就位接伴舍人引班舍人引蕃王及其從官立俟於午門外三嚴文武官具朝服入就侍立位執事者舉方物案蕃王等從其後由西門入奉天西門至殿前丹墀西俟立侍從奉迎 皇帝具禮服御輿以出大

樂鼓吹振作陞座樂止捲簾鳴鞭報時訖蕃王及其從官各就拜位執事者以方物案置蕃王拜位前贊拜樂作蕃王及其從官皆四拜樂止引班導蕃王陞殿宣方物官取方物狀從行俱由西陞樂作從殿西門入內贊接引蕃王至御前樂止贊拜蕃王再拜跪稱茲遇某節欽詣 皇帝陛下稱賀致詞訖宣方物官跪於御前西宣狀承制官跪承制詣蕃王前立宣制訖贊拜蕃王俯伏興再拜蕃王及宣方物狀官俱由西門出樂作復位樂止贊拜樂作蕃王及其從官皆四拜樂止禮畢鳴鞭 皇帝興樂作至謹身殿樂止引班導蕃王及其從官俱出見皇太子前一日禮部官以蕃王所獻東宮方物啓知內使監設皇太子位於東宮正殿蕃王及其從官次於東宮門外又設蕃王拜位於殿門外及殿中其從官拜位於殿下中道之東西俱北



向引班二人於蕃王拜位之北引從官二人於從官拜位之北皆東西相向餘陳設如朝會儀質明蕃王朝見皇帝訖常服至東宮門外文武官公服入侍從皇太子皮弁服出樂作陞座樂止引班引蕃王入樂作至位樂止其從官俟立於殿下東西相向贊拜樂作蕃王再拜皇太子立受樂止引班引蕃王至殿西門內贊接引至殿中跪稱茲遇某節詣皇太子殿下稱賀致詞訖俯伏興蕃王復位贊拜樂作再拜皇太子答拜樂止蕃王出皇太子坐引班引蕃王從官就拜位贊拜樂作從官皆四拜樂止禮畢皇太子興樂作出殿門樂止蕃王及其從官以次出接伴舍人引見親王前期王府官設王座於正殿東稍北西向蕃王座於殿西稍南東向蕃王拜位於座之南王答拜位於座之北蕃王從官拜位於殿門外北向內贊二人位於殿上之

東西承傳二人位於殿門外之東西接伴舍人位於內贊之南東西相向引從官二人位於拜位之北王府官侍立位於殿上左右俱東西相向是日所司陳儀仗於殿之東西蕃王至王府門外執事者先入就位王皮弁服出陞座蕃王至殿下由西階升王降座出迎於殿門外既見王府官引王由中門入舍人引蕃王由西門入各就拜位贊拜蕃王再拜王答拜就座蕃王亦就座引班引蕃王從官就拜位皆四拜禮畢蕃王詣王座前王降座蕃王舉手揖畢王還府蕃王出王府官送至門外擇日錫宴於謹身殿拱衛司設黃麾仗於殿廷左右內使擎執如奉天殿受朝賀儀內使監陳設御座於殿中皇太子座於御座東偏稍南諸王座皆以次而南俱西向又設諸王座於西偏與東偏諸王座相對俱東向蕃王座於殿中之西第一行東向次



設文武一品陪宴座第二行二品三品三行俱東西相向蕃王從官文武三品陪宴官俱以序坐於西廡東向北上和聲郎陳大樂細樂舞隊於殿之南楹光祿寺設御尊於殿中之南皇太子諸王蕃王至二品官酒尊於殿門左右之東西御位司壺二人尚酒尚食二人東偏皇太子諸王司壺二人奉酒食二人西偏諸王如之蕃王司壺一人奉酒食一人文武官第一行及左右第二行各司壺四人兼供酒食光祿寺直長於西廡各置酒尊及司壺供酒食之人光祿寺卿陳御食案及皇太子諸王食案寺丞設蕃王食案於殿中直長設殿上左右文武官及西廡食案各於其座前諸執事者各供事舍人引文武官常服侍立於殿門之左右又引蕃王服其國服侍立於百官之北引進引皇太子諸王常服侍立殿內之左右侍儀導引 皇帝常

服陞御座大樂鼓吹振作鳴鞭樂止皇太子諸王各就座禮部官取旨導蕃王入就座光祿寺卿舉御食案進於御前禮部侍郎光祿寺少卿舉食案置於皇太子諸王之前禮部郎中光祿寺丞舉食案置於蕃王前文武官及蕃王從官各以次就坐內使監令於御前斟酒司壺於皇太子諸王以下各斟酒細樂作奏太清之曲和聲郎北面立舉手唱上酒 皇帝舉爵飲皇太子以下皆飲畢樂止酒再行細樂作奏感皇恩之曲飲畢樂止內使監令於御前進食供事者自皇太子以下各供食大樂作和聲郎唱上食 皇帝進食皇太子以下皆食畢樂止酒三行細樂作奏賀聖朝之曲飲畢樂止進食奏大樂食畢樂止凡五進食皆如之酒四行細樂作奏普天樂之曲飲畢樂止進食酒五行細樂作舞諸國來朝之舞飲畢樂舞止進食酒六行



細樂作奏朝天子之曲飲畢樂止進食酒七行細樂作奏醉太平之  
曲舞長生隊之舞飲畢樂舞止進食其西廡斟酒進食之次亦如殿  
中惟不用樂宴畢 皇帝興樂作皇太子諸王侍從還宮樂止蕃王  
文武官俱以次出東宮擇日宴蕃王是日宿衛陳設如朝會儀中書  
省大都督府御史臺俱取旨宴樂蕃王陛辭其陳設行禮如朝見儀  
惟不設宿衛及傳制方物案宣狀等官辭東宮亦如見儀惟不跪致  
詞禮畢中書省率禮部官送至龍江驛禮部設宴如初至禮部官還  
應天府官送起行二十七年更定凡蕃國王來朝先遣禮部勞於會  
同館明日各服其國服如嘗賜朝服者則服朝服於奉天殿朝見行  
八拜禮畢卽詣文華殿朝皇太子行四拜禮見親王亦如之親王立  
受二拜荅二拜其從官隨蕃王班後行禮凡遇宴會蕃王班次居侯

伯之下其蕃國使臣及土官朝貢皆如常朝儀蕃國遣使進表洪武  
二年定前期所司於王宮內外及國內街巷結綵設闕庭於殿上正  
中表箋案於闕庭前香案於表箋案前司香二人於香案左右王拜  
位於殿中衆官位於王後俱北向司禮二人於王位北引禮二人於  
王左右引班四人於衆官左右俱東西相向使者立位於香案東捧  
表箋二人於香案西設樂於衆官拜位之後龍亭於殿南正中儀仗  
鼓樂於龍亭前是日清晨司印者陳印案於殿中滌印訖以表箋及  
印俱置於案王具冕服衆官具朝服詣案前用印畢用黃袱裹表紅  
袱裹箋各置於匣中仍各以袱裹之捧表箋官捧置於案使者與捧  
表箋官各就位引禮引王及衆官俱入就拜位贊拜樂作再拜樂止  
王詣香案前跪衆官皆跪王三上香訖捧表官取表東向跪進王王



大明會典卷之五十五 禮部 五  
受表以進於使者使者西向跪受興置於案贊興王復位贊拜樂作  
王與衆官皆四拜樂止禮畢捧表箋官捧表前行置於龍亭中金鼓  
儀仗鼓樂前導王送至宮門外還衆官朝服送至國門外使者乃行  
蕃使朝貢洪武十八年定蕃國初附遣使奉表進貢方物先於會同  
館安歇禮部以表副本奏知儀禮司引蕃使習儀擇日朝見其日錦  
衣衛陳設儀仗和聲郎陳大樂於丹陛如常儀儀禮司設表案於奉  
天殿東門外丹陛上方物案於丹陛中道之左右設文武百官侍立  
位於文武樓南東西相向蕃使服其服捧表及方物狀至丹墀跪授  
禮部官受之詣丹墀置於案執事者各陳方物於案畢典儀內贊外  
贊宣表展表官宣方物狀官各具朝服其餘文武官常服就位儀禮  
司官奏請陞殿 皇帝常服出樂作陞座樂止鳴鞭訖文武官入班

叩頭禮畢分東西侍立引禮引蕃使就丹墀拜位贊四拜典儀唱進  
表序班舉表案由東門入至於殿中內贊贊宣表外贊令蕃使跪宣  
表宣方物狀訖蕃使俯伏興四拜禮畢駕興樂作還宮樂止百官及  
蕃使以次出其蕃國常朝及爲國事謝 恩遣使進表貢方物皆如  
前儀唯不宣表聖節正旦冬至蕃國望闕慶祝儀蕃王奉正朔稱朝  
貢者其國中有慶祝禮頒自朝廷使遵行之儀具於後洪武二年定  
前期執事者於王宮正殿南向陳香燭案於闕庭前王拜位於殿中  
褥位於香案前衆官拜位於王之後俱北向司禮司替於王拜位之  
北司香二人於香案前俱東西相向是日陳軍仗於王宮門之外樂  
工陳樂於拜位之後衆官先具朝服引班於王宮門外東西執事俱  
就位王於後殿具冕服未賜者服其服衆官入俟立於殿庭東西王



出樂作由西陞陞至拜位樂止衆官就拜位贊拜樂作王與衆官皆  
四拜樂止王由東門入樂作至褥位樂止贊跪王與衆官皆跪王三  
上香畢俯伏興衆官皆興王由東門出樂作還位樂止贊拜樂作王  
與衆官皆四拜樂止贊搢笏三舞蹈跪三拱手加額呼萬歲出笏俯  
伏興贊四拜禮畢王與衆官以次出蕃國迎詔儀受印物 儀附皇帝登極  
及冊立皇儲則遣使頒詔蕃王受封則賜印或有賚予故有蕃王迎  
接之儀洪武十八年定凡使者入蕃國境先遣人馳報於王王遣官  
遠接詔前期令有司於國門外公館設幄結綵設龍亭於正中設香  
案於龍亭之南備金鼓儀仗鼓樂伺候迎引又於國城內街巷結綵  
王宮內設闕庭於殿上正中設香案於闕庭之前設司香二人於香  
案之左右設詔使立位於香案之東設開讀案於殿陛之東北設蕃

王拜位於中道北向設蕃國衆官拜位於蕃王拜位之南異位重行  
北向設捧詔官位於開讀案之北宣詔官位於捧詔官之南展詔官  
二人位於宣讀官之南俱西向司禮二人位於蕃王拜位之北引禮  
二人位於司禮之南引班四人位於衆官拜位之北俱東西相向陳  
儀仗於殿庭之東西設樂位於衆官拜位之南北向遠接官接見詔  
書迎至館中安詔於龍亭中遣人馳報王王卽率國中衆官及耆儒  
僧道出迎於國門外至館中具冕服衆官具朝服行五拜禮訖迎詔  
出館至國門金鼓在前次僧道耆儒次衆官次王次儀仗鼓樂次詔  
書龍亭使者常服行於龍亭後迎至殿中金鼓分列門外之左右置  
龍亭於殿上正中使者立於東引禮引王入就拜位引班引衆官人  
等各就拜位使者詣前南向立稱有制司贊唱拜樂作蕃王及衆官



以下皆四拜樂止引禮引蕃王由西階陞詣香案前北向立引禮唱  
跪司贊唱衆官皆跪引禮唱上香司香捧香跪進於王之左王三上  
香訖引禮唱俯伏興平身蕃王及衆官以下皆俯伏興平身引禮引  
蕃王復位司贊唱開讀宣詔官展詔官陞案使者詣龍亭捧詔書授  
捧詔官捧詔官前受詔捧至開讀案授宣詔官宣詔官受詔展詔官  
對展司贊唱跪蕃王及衆官以下皆跪宣詔官宣詔書捧詔官於宣  
詔官前捧詔書仍置於龍亭司贊唱俯伏興平身蕃王及衆官以下  
皆俯伏興平身司贊唱拜樂作蕃王及衆官以下皆四拜樂止司贊  
唱搢笏鞠躬三舞蹈三拱手加額山呼萬歲山呼萬歲再山呼萬萬  
歲出笏俯伏興樂作四拜興平身樂止禮畢引禮引蕃王退引班引  
衆官以次退蕃王及衆官釋服使者以詔書付所司頒行蕃王與使

者分賓主行兩拜禮使者居東蕃王居西如蕃國陪臣行禮使者立  
受正德元年題准凡使者齋捧詔節前往安南等國若國王請留詔  
書為傳國之寶者聽嘉靖十六年題准凡禮制詔告天下者遇有蕃  
國朝貢使臣依式膳黃一道付齋回國徑自開讀行禮其恭遇國家  
大典禮應該遣使詔諭者仍遵照舊例施行蕃國受印物洪武三年  
定使者至蕃國境先遣關人入報蕃王遣官遠接前期有司於國門  
外公館設幄結綵設龍亭於館之正中備金鼓儀仗鼓吹於館所以  
伺迎引又於國城內街巷結綵又於王宮設闕庭於殿上正中設香  
案於闕庭之前設蕃王受賜予位於香案之前設蕃王拜位於殿庭  
正中北向衆官拜位於王拜位之南異位重行北向設樂位於衆官  
拜位之南北向司贊二人於蕃王拜位之北引禮二人於司贊之南



引班四人於衆官拜位之北俱東西相向陳儀仗於殿庭之東西遠接官接見使者迎至館所以 上賜安奉於龍亭中遣使馳報王是日蕃王率百官出迎於國門外遠接官迎 上賜出館至國門金鼓在前次衆官常服乘馬行次王乘馬行次儀仗鼓樂次 上賜龍亭使者常服乘馬行於龍亭之後迎至殿中金鼓分列於門外之左右衆官分立殿庭之東西置龍亭於殿上正中使者立於龍亭之東引禮引蕃王引班引衆官各就拜位立定司贊唱拜樂作蕃王及衆官皆四拜樂止引禮引蕃王詣龍亭前使者稱有制引禮贊跪司贊唱跪蕃王與衆官皆跪使者宣制曰 皇帝勅使某持印賜爾國王某并賜某物宣畢使者捧所賜印并某物西向授蕃王蕃王跪受以授左右訖引禮唱俯伏興平身司贊唱同蕃王及衆官皆俯伏興平身引禮引蕃王出復位司贊唱拜樂作蕃王及衆官皆四拜樂止司贊唱禮畢引禮引蕃王入殿西立東向使者東立西向引禮唱使者與蕃王行兩拜禮使者降自東階蕃王降自西階遣官送使者還館

卷之第五十九

禮部十七

官員禮朝廷尙爵故官員禮類依品級等次凡拜揖序立行走迴避尊卑上下森然各有儀節故備述之而儀從到任禮附焉○凡官員拜揖洪武二十年定凡公侯駙馬相見各行兩拜禮一品官見公侯駙馬一品官居右行兩拜禮公侯駙馬居左荅禮二品見一品二品居右行兩拜禮一品居左荅禮三品見二品三品居右行兩拜禮二品居左荅禮四品見三品四品居右行兩拜禮三品居左荅禮五品見四品五品居右行兩拜禮四品居左荅禮六品以下倣此如三品



見一品四品見二品行兩拜禮一品二品官答受從宜餘品倣此如有親戚尊卑之分從行私禮二十九年令凡王府將軍與駙馬儀賓公侯相見將軍居左駙馬等居右皆再拜與文武一品至三品官相見將軍居中各官拜將軍答禮與四品以下官相見各官拜將軍坐受三十年令凡百官以品秩高下分尊卑其品級近者相見行禮則東西對立稍卑者居西高者居東其品秩相越二三等者卑者居下尊者居上其相越四等者則卑者拜下尊者坐而受禮有事則跪白如一品與二品相見二品居西行禮一品居東答禮與三品四品相見三品四品居下行禮一品居中答禮與五品以下相見一品坐受稟事則跪餘倣此○凡司屬官品級亞於上司官者稟事則跪凡近侍官員難拘品級行跪拜禮亦不許與外官交接凡同僚官品級有

高下者不拘凡大小官員於內府相見不許跪拜弘治十一年議准王府長史不許行走三司中門若相見之際須以禮待十五年奏准陝西行太僕寺卿與御史相見比遼東山西等處例出入行中門正道○凡官員聚坐洪武二十年定凡文武官公聚各依品級序坐若資品相同者各照衙門次第若王府官屬與朝官坐立各照品級俱在朝官之次二十四年令凡學官位於雜職之上宣德三年令御史給事中照品級坐景泰三年令六科都左右給事中內外序坐書銜俱居御史之左成化二年奏准凡鎮守總兵巡撫等官列坐總兵係伯爵以上者居左巡撫係僉都御史以上者居右若總督提督軍務等官自僉都御史以上俱坐於總兵官侯伯之左列名於前五年奏准在京法司會官審囚俱於承天門外東西重行列位公侯駙馬伯



列於東班都督等官列於東班後行尚書都御史侍郎等官列於西班通政司大理寺佐貳官并六科掌科給事中列於西班後行禮部會議民情俱於闕左門東直房序坐尚書左右都御史等官上坐侍郎副都御史等官對坐通政司叅議大理寺寺丞等官列於東傍六科掌科都給事中列於西傍南京文武衙門公事會集序坐亦如之八年奏准御史郎中員外郎主事奉勅同差者俱照所差職名先後序坐若郎中等官奉勅會同御史或御史奉勅會郎中等官行事當以奉勅之人坐左次者居右其各衙門一應公差有關會御史者俱讓御史居左若不係同差別處政務相關止依品級序坐十四年定在外總兵巡撫官位次左右都督與左右都御史並都督同知與副都御史並都督僉事與僉都御並俱文武東西伯以上則坐於左十

五年奏准都御史係總督及提督軍務者不分左右副僉俱坐於左總兵官雖伯以上亦坐於右○凡官員相遇迴避洪武二十年定凡駙馬遇公侯分路而行一品二品遇公侯駙馬引馬側立須其過二品見一品二品趨右讓道而行三品遇公侯駙馬引馬迴避遇一品引馬側立遇二品趨右讓道而行四品遇一品以上官引馬迴避遇二品引馬側立遇三品趨右讓道而行五品遇二品以上官引馬迴避遇三品引馬側立遇四品趨右讓道而行六品遇三品以上官引馬迴避遇四品引馬側立遇五品趨右讓道而行七品遇四品以上官引馬迴避遇五品引馬側立遇六品趨右讓道而行八品遇五品以上官引馬迴避遇六品引馬側立遇七品趨右讓道而行九品遇六品以上官引馬迴避遇七品引馬側立遇八品趨右讓道而行品



級相等者分路而行如有親戚尊卑之分聽從迴避○凡遇王府將軍於道駙馬儀賓公侯讓左文武一品至三品官引馬側立四品以下官下馬○凡內官出入遇駙馬於道必須下馬遇公侯一品二品官引馬側立遇三品四品官分路而行○凡公侯駙馬一品二品官隨從火者人等非跟隨本官而私自出入者凡遇文武百官必須下馬違者治罪○凡所屬官遇上司官引馬迴避所屬官品級高者遇上司官卑者分路而行○凡官員應合迴避而路窄不可迴避者則下馬拱立應分路者不得占中道○凡文武官員出入應合開道而自不開道致令應避官員不曾迴避者不問若因而生事者止問上官○凡街市軍民人等買賣及乘坐驢馬出入者遙見公侯駙馬一品以下至四品官過往即便下馬讓道○凡官員當避路者若承宣

召及祠祭官詣祠所并有捕逐者在道雖遇應避之官不避○凡屬官見上司洪武二十年令凡屬官見上司官必序立於堂階之上總行一揖上司拱手首領官答揖其公幹節序見上司官皆行兩拜禮長官拱手首領官答禮四年令凡揖禮下見上躬身舉手齊眼爲敬上官隨坐隨立無答其次下官舉手齊口上官舉手齊心答之五年令凡內外掾史令史書吏宣使奏差人等晨謁長官必序立階下一揖乃退長官不答禮幕官拱手十六年令教官生員見上司一遵憲綱行禮如有出郭迎送及妄行跪禮過爲稱呼者聽巡按御史按察司官依律究問若上司故違憲綱者亦行糾奏嘉靖八年令巡按御史於守令官不許作威挫辱知府相見不許行跪禮○凡官員公座洪武二十年定凡大小衙門官員每日公座行肅揖禮佐貳官揖長



官長官答禮首領官揖長官佐貳官長官佐貳官拱手○凡官員儀從洪武二十年定凡文武百官自四品以上儀從并依舊制從宜五品官止許引導一人六品以下不許引導其出郊在外儀從仍依舊制不拘此例二十四年更定官員儀從公十人侯八人伯六人一品至三品六人四品至六品四人七品至九品二人其役使奴婢公侯之家不過二十人一品不過十二人二品不過十人三品不過八人成化元年令凡京官出外四品以上引導三對用錫槩鋼叉藤棍七品以上引導二對用錫槩藤棍在外方面堂上官引導三對用錫槩鋼叉藤棍各府及鹽運司等衙門四品以上官引導二對用錫槩藤棍七品以上引導一對用藤棍八品九品用竹篋一對引導雜職不許引導若府州縣官僅微用竹篋荆杖巡捕用义刀之類導引者不

在禁限其京官回還鄉里本府州縣並不許引導及責罰吏民違者從巡按御史按察司官究治若風憲官僭用亦許諸司指實具奏○凡官員到任洪武十八年定一有司新官受職赴任者未到城一舍二三十里而止先令人報知禮房吏告示官屬及父老人等相率出城來會令灑掃合祀神祇祠宇備牲醴祭儀以候謁告比至城外齋宿三日第四日清晨父老人等導引入城遍詣諸神祠如儀致祭其祝文曰維某年月日某官奉命來官務專人事主典神祭今者謁神特與神誓神率幽冥陰陽表裏予有政事未備希神默助使我政興務舉以安黎民予倘怠政姦貪陷害僚屬凌虐下民神其降殃謹以牲醴致祭神其鑒之尚饗○一祭神之禮新官到任之日詣神廟祭祀禮房先備牲酒等物陳設禮生文老人等導引新官同僚屬官



吏詣廟贊禮唱排班班齊鞠躬拜興平身贊唱行初獻禮引贊引新官詣神位前贊唱跪新官跪贊唱衆官皆跪贊唱獻爵執事者捧爵于左跪新官獻畢仍授執爵者以爵奠於神位前贊唱讀祝執事者取祝跪讀畢贊唱俯伏興平身贊唱行亞獻禮執事以爵酌酒奠於神位前終獻如亞獻儀畢贊唱鞠躬拜興平身禮畢○一新官到任之日本衙門合備儀仗皂隸前期一日出城伺候至日清晨首領官率領各房吏典并合屬生員人等迎接入城先詣神廟祭祀畢引至本衙門儀門前下馬具公服從中道入先於月臺上望闕設香案禮生引新官至香案前行五拜三叩頭禮畢上廳公座皂隸排衙報時辰擡書案至前吏房將公座呈押○一參見禮先從皂隸次吏典各行兩拜禮新官坐受次合屬官參見亦行兩拜禮新官拱

手答禮次首領官見行兩拜禮新官起身拱手答禮次佐貳官行兩拜禮新官出公座答禮如是佐貳官到任先受所屬并首領官行禮後至長官前行兩拜禮長官出公座答禮畢諭僚屬曰朝廷設官置吏欲其敬神恤民親賢遠姦興利除害某不敏忝茲重任尚賴一二僚屬及邑中長者匡其不逮庶免後艱其四境之內利有當興弊有當革者某等當共竭力爲之以安黎庶諭畢署押公文各房吏典將該管應有已未完結事件施行等項逐一開寫須知呈報新官署押文書如係長官則交割印信倉庫匙鑰等件畢照依各房呈報須知事目逐一發落署判公事畢將所祭牲酒與官屬父老享飲而退其九年考滿仍具牲酒率官屬父老人等辭廟致祭就以祭物出郊餞別而去其祝文及所諭之言禮生代說亦可宣德十年奏准各布政



司按察司府州縣新官到任於本處城隍廟會請應祀諸神用豬羊  
 二牲總祀庶人禮凡民庶以齒為先後致仕官序爵爵同序齒至處  
 親族則不論爵洪武五年令凡鄉黨序齒民間士農工商人等平居  
 相見及歲時宴會揖拜之禮幼者先施坐次之列長者居上如佃戶  
 見佃主不論序齒並行以少事長之禮若親屬不拘主佃止行親屬  
 禮十二年令內外官致仕居鄉惟於宗族序尊卑如家人禮於其外  
 祖及妻家亦序尊卑若筵宴則設別席不許坐於無官者之下如與  
 同致仕官會則序爵爵同序齒其與異姓無官者相見不須答禮庶  
 民則以官禮謁見敢有凌侮者論如律二十六年定凡民間子孫弟  
 姪甥壻見尊長生徒見師範奴婢見家長久別行四拜禮尋常近別  
 行揖禮其餘親戚長幼照依等第久別行兩拜禮尋常近別行揖禮  
 平交同

卷之第六十

禮部十八

冠服一國朝上下冠服具載大明集禮及職掌嘉靖初又釐正衮冕  
 及朝祭等服而武弁燕弁保和忠靜等冠服特出創制今備列焉○

皇帝冕服衮冕凡祭 天地 宗廟及正旦冬至 聖節則服衮冕

見前 祭 立稷 先農冊拜亦如之禮集 洪武十六年定冕前圓

後方玄表纁裏前後十二旒每旒五采玉十二珠五采纁十有二就

就相去一寸紅絲組為纓鞋纁克耳玉簪導○衮玄衣黃裳十二章

日月星辰山龍華蟲六章織在衣宗彝藻火粉米黼黻六章繡在裳

○白羅大帶紅裏○蔽膝隨裳色繡龍火山文○玉革帶玉佩○大

綬六采赤黃黑白縹綠小綬三色同大綬間施三玉環○白羅中單

黻領青緣襪○黃鞞黃鳥金飾二十六年定衮冕十二章○冕版廣



一尺二寸長二尺四寸冠上有覆玄表朱裏前後各有十二旒旒五  
采玉珠十二王簪導朱纓○圭長一尺二寸○袞玄衣纁裳衣六章  
織日月星辰山龍華蟲裳六章織宗彝藻火粉米黼黻○中單以素  
紗爲之○紅羅蔽膝上廣一尺下廣二尺長三尺織火龍山三章○  
革帶佩王長三尺三寸○大帶素表朱裏兩邊用綠上以朱錦下以  
綠錦○大綬六采用黃白赤玄縹綠織成純玄質五百首小綬三色  
同大綬間織三玉環○朱鞮赤舄永樂三年定冕冠十有二旒冠以  
阜紗爲之上覆曰緹桐板爲質衣之以綺玄表朱裏前圓後方廣一  
尺二寸長二尺四寸<sub>用周尺</sub>前後各十有二旒每旒各五采縹十有二  
就貫五采玉珠十二赤白青黃黑相次以玉衡維冠玉簪貫紐紐與  
冠武并繫纓處皆飾以金緹以左右垂黹纁克耳<sub>用黃玉</sub>繫以玄紵承

以白玉瑱朱紵○玉圭長一尺二寸刻其上刻山四蓋周鎮圭之制  
以黃綺約其下別以袋鞞之金龍文○袞服十有二章玄衣八章日  
月龍在肩星辰山在背火華蟲宗彝在袖<sub>每袖各三</sub>皆織成本色領標襪  
裾纁裳四章織藻粉米黼黻各二前二幅後四幅前後不相屬共腰  
有襞積本色緹錫○中單以素紗爲之青領標襪裾領織黻文十三  
○蔽膝隨裳色四章織藻粉米黼黻各二本色緣有紉施于縫中其  
上玉鈎二○玉佩二各用玉珩一瑀一琚二衝牙一璜二瑀下有玉  
花玉花下又垂二玉滴瑒飾雲龍文描金自珩而下繫組五貫以玉  
珠行則衝牙二滴與璜相觸有聲其上金鈎二有二小綬六采以副  
之六采黃白赤玄縹綠纁質○大帶素表朱裏在腰及垂皆有緹上  
緹以朱下緹以綠紐約用素組○大綬六采黃白赤玄縹綠纁質小



綬三色同大綬間施三玉環龍文皆織成○鞵烏皆赤色烏用黑絢  
 純以黃飾烏首嘉靖八年定冠制以圓圭烏紗冒之冠上有覆板長  
 二尺四寸廣二尺二寸玄表朱裏前圓後方前後各七采玉珠十二  
 旒以黃赤青白黑紅綠為之玉珩玉簪導朱纓青纒克耳綴以玉珠  
 二凡尺皆以周尺為度○衣玄色凡織六章日月在肩各徑五寸星  
 山在後龍華蟲在兩袖長不掩裳之六章○裳黃色為幅七前三幅  
 後四幅連屬如帷凡繡六章分作四行火宗彝藻為二行米黼黻為  
 二行○中單素紗為之青綠領織黻文十二○蔽膝隨裳色羅為之  
 上繡龍一下繡火三繫于革帶○大帶素表朱裏上緣以朱下以綠  
 不用錦○革帶前用玉其後無玉以佩綬繫而掩之○圭白玉為之  
 長尺二寸刻其上下以黃綺約之上刻山形四盛以黃綺囊藉以黃

錦○朱鞵赤烏黃綠緣玄纓結皮弁服凡朔望視朝降詔降香進表

四夷朝貢朝覲則服皮弁服見集禮嘉靖間令祭太歲山川等神皆服

洪武二十六定皮弁用烏紗冒之前後各十二縫每縫中綴五采玉

十二以為飾玉簪導紅組纓其服絳紗衣蔽膝隨衣色白玉佩革帶

玉鈎黼緋白大帶白鞵黑烏永樂三年定皮弁用黑紗冒之前後各

十二縫其中各綴五采玉十二縫及冠武弁貫簪繫纓處皆飾以金

玉簪朱紘纓玉以赤白青黃黑相次○玉圭長如冕服之圭有脊并

雙植文刻其上黃綺約其下及有韜金龍文○絳紗袍本色領襟襪

裾○紅裳如冕服內裳制但不織章數○中單以素紗為之如深衣

制紅領襟襪裾領織黻文十二○蔽膝隨裳色本色緣有玉鈎二○玉

佩大帶大綬鞵烏俱如冕服內制常服洪武三年定常服烏紗折角



向上巾盤領窄袖袍束帶間用金玉琥珀透犀永樂三年定冠以烏紗冒之折角向上今各翼善冠○袍黃色盤領窄袖前後及兩肩各金織盤龍一○帶用玉○靴以皮為之武弁服國初行親征遣將禮則服武弁乘革輅其制未詳詳定自嘉靖初年始嘉靖八年定弁上銳色用赤上十二縫中綴五采玉落落如星狀○韎衣韎裳韎韐俱赤色如常制○佩綬革帶如常制佩綬及韎韐俱上繫于革帶○烏如其裳之色○玉圭視鎮圭差小剡上方下有篆文曰討罪安民燕弁冠服嘉靖七年定冠匡如皮弁之制以烏紗冒之分十有二瓣各以金線壓之前飾五采玉雲各一後列四山朱絲為組纓雙玉簪○服如古玄端之制身用玄邊緣以青兩肩繡日月前蟠圓龍一後蟠方龍二邊加龍文八十一領與兩祛共龍文五九衽同前後齊共龍文四

九○襯用深衣之制黃色袂圓祛方下齊負繩及踝十二幅○素帶

朱裏青表綠緣邊腰圍飾以玉龍九片○履玄為之朱緣紅纓黃結襪用白

皇后冠服冊寶附 皇后受冊謁廟朝會服禮服燕居則常服見集

禮禮服洪武三年定冠為圓匡冒以翡翠上飾以九龍四鳳大花十

二樹小花如大花之數兩搏鬚十二鈿服袴衣深青為質畫翟赤質

五色十二等素紗中單蔽領朱羅縠襪襪袴蔽膝隨衣色以緞為領

緣用翟為章二等大帶隨衣色朱裏紕其外上以朱錦下以綠錦紐

約用青組玉革帶青韉青鳥以金飾永樂三年定九龍四鳳冠漆竹

絲為圓匡冒以翡翠上飾翠龍九金鳳四正中一龍銜大珠一上有

翠蓋下垂珠結餘皆口銜珠滴珠翠雲四十片大珠花十二樹皆壯丹花

每樹花二朵莖頭小珠花如大珠花之數皆穠花飄枝每枝花一三

二箇翠花九葉



博鬢左右共六扇飾以金龍翠雲皆垂珠滴翠口圈一副上飾珠寶鈿花

十二翠鈿如其數托裏金口圈一副○珠翠面花五事珠排環一對

阜羅額子一描金龍文用珠二十一顆○翟衣深青為質織翟文十

有二等凡一百四十八對間以小輪花紅領標襪裙織金雲龍文紵絲紗羅

隨用○中單玉色紗為之紅領標襪裙領織黻文十三或用綠羅○

蔽膝隨衣色織翟為章二等間以小輪花四以緞為領緣織金雲龍

文紵絲紗羅隨用○玉穀圭長七寸周刻其上琢穀文黃綺約其下

別以黃袋韜之金龍文○玉革帶青綺鞞描金雲龍文玉事件十金

事件四○大帶表裏俱青紅相半其末純紅而下垂織金雲龍文上

以朱緣下以綠緣并青綺副帶一○綬五采黃赤白縹綠纁質間施

二玉環皆織成小綬三色同大綬○玉佩二各用玉珩一瑀一琚二

衝牙一璜二瑀下有玉花玉花下又垂二玉滴瑒飾雲龍文描金自

珩而下繫組五貫以玉珠行則衝牙二滴與二璜相觸有聲上有金

鈎有小綬五采以副之五采黃赤白縹綠纁質織成○青鞵烏鞵以

青羅為之鳥用青綺飾以描金雲龍文阜線純每鳥首加珠五顆常

服洪武三年定雙鳳翊龍冠首飾釧鐲金玉珠寶翡翠隨用諸色團

衫金繡龍鳳文帶用金玉四年定龍鳳珠翠冠真紅大袖衣霞帔紅

羅長裙紅褶子冠制如特髻上加龍鳳飾衣用織金龍鳳文加繡飾

永樂三年定雙鳳翊龍冠以阜穀為之附以翠博山上飾金龍一翊

以二珠翠鳳皆口銜珠滴前後珠牡丹花二朶葢頭八箇翠葉三十

六葉珠翠穰花鬢二朶珠翠雲二十一片翠口圈一副金寶鈿花九

上飾珠九顆金鳳一對口銜珠結二博鬢左右共六扇飾以鸞鳳金寶鈿



二十四邊垂珠滴金簪一對珊瑚鳳冠嘴一副○大衫霞帔衫用黃色紵絲紗羅隨用霞帔深青為質織金雲霞龍文或繡或鋪翠圈金飾以珠紵絲紗羅隨用玉墜子琢龍文○四袂襖子即襜子深青為質金繡團龍文紵絲紗羅隨用○鞠衣紅色胸背雲龍文用織金或繡或加鋪翠圈金飾以珠或素紵絲紗羅并餘色隨用○大帶紅線羅為之有緣餘或青或綠各隨鞠衣色○緣襪襖子黃色紅領襪襪皆織金采色雲龍文紵絲紗羅隨用○緣襪裙紅色綠緣襪織金采色雲龍文紵絲紗羅隨用○玉帶青綺鞞描金雲龍文玉事件十金事件三○玉花采結綬以紅綠線羅為結上有玉綬花一琢雲龍文綬帶上玉墜珠六顆并金垂頭花板四片小金葉六箇紅線羅繫帶一○白玉雲樣玳瑁二如佩制每事上有金鈎一金如意雲蓋一件

兩面釵雲龍文下懸紅組五貫金方心雲板一件兩面亦釵雲龍文俱襯以紅綺下垂金長頭花四件中有小金鐘一箇末綴白玉雲朵五○青鞞烏與翟衣內制同冊寶冊用金二片每片依周尺長一尺二寸闊五寸厚二分五釐鐫刻真書每片側邊上下有竅用紅絲聯貫開闔如今書帙之狀背各用紅錦嵌護藉以紅錦小褥冊蓋以木為之飾以渾金瀝粉蟠龍用紅紵絲襯裏內以紅羅銷金小袂裏冊外以紅羅銷金夾袂裏之五色小絲縈于冊外○寶用金龜鈕朱綬文用篆書曰 皇后之寶依周尺方五寸九分厚一寸七分寶池用金闕取容寶寶匣二副每副三重外匣用木飾與冊蓋同中匣用金釵造蟠龍內小匣仍用木與外匣同小匣內置一寶座四角雕蟠龍飾以渾金座上用小錦褥褥上一置寶池用銷金紅羅小夾袂裏寶



其匣外各用紅羅銷金天夾袂覆之

皇妃冠服冊印○凡皇妃受冊助祭朝會用禮服燕居常服禮服洪武三年定冠飾以九暈

四鳳花釵九樹小花如大花之數兩博鬢九鈿翟衣青質繡翟編次

于衣及裳重為九等青紗中單蔽領朱縠縹襪裾菽膝隨裳色加文

繡重雉為章二等以緞為領緣大帶隨衣色玉革帶青鞵烏佩綬永

樂三年定九翟冠二頂冠以阜穀為之附以翠博山飾以大珠翟二

小珠翟三翠翟四皆口銜珠滴冠中寶珠一座前後珠牡丹花二朶

蓋頭八箇翠葉三十六葉珠翠瓊花鬢二朶承以小連雲六片翠頂

雲一座上飾珠五顆珠翠雲十一片翠口圈一副金寶鈿花九箇上

用珠九顆金鳳一對口銜珠結金簪一對○珠翠牡丹花瓊花各二

朶面花二對梅花環四珠環各一對○大衫霞帔衫用紅色紵絲紗

羅隨用霞帔深青為質織金雲霞鳳文或繡或鋪翠圈金飾以珠紵

絲紗羅隨用玉墜子琢鳳文○四袂襖子即背子桃花色金繡團鳳文

紵絲紗羅隨用○鞠衣青色胸背鸞鳳雲文用織金或繡或加鋪翠

圈金飾以珠燕居服用素除黃外餘色及紵絲紗羅隨用○大帶青

線羅為之有緣餘或紅或綠各隨鞠衣色○綠襪襖子青色紅領襪

襪裾織金雲鳳文紵絲紗羅隨用○綠襪裙紅色綠緣襪織金花鳳

文紵絲紗羅隨用○玉穀圭長七寸刻其上琢穀文以錦約其下并

韜○玉革帶青綺鞋描金雲鳳文玉事件十金事件三○玉花采結

綬以紅綠線羅為結上有玉綬花一琢寶相花文綬帶上玉墜珠六

顆并金垂頭花板四片金葉兒六箇紅線羅繫帶一玉佩二如中宮

佩制珩以下琢飾雲鳳文描金上有金鈎○青鞵烏鞵以青線羅為



之鳥用青綺飾以描金雲鳳文阜線純每鳥首加珠三顆常服洪武  
三年定鸞鳳冠首飾釧鐲用金玉珠寶翠諸色團衫金繡鸞鳳不用  
黃帶用金玉犀又定山松特髻假髻花鈿或花釵鳳冠真紅大袖衣  
霞帔紅羅裙紅羅袴子衣用織金及繡鳳文冊印用鍍金銀冊二  
片其長短闊厚與諸王冊同冊蓋飾以渾金瀝粉蟠鳳其物用裹覆  
皆與諸王同印用金龜鈕其尺寸與諸王寶同文曰皇妃之印其餘  
制度皆與諸王同匣皆飾以蟠鳳皇貴妃有寶餘無寶皇嬪冠服冊  
嘉靖十年定冠用九翟次皇妃之鳳大衫鞠衣如皇妃制圭用次玉  
穀文冊冊用銀少殺於皇妃五分之一以金飾之內命婦冠服洪武  
五年定三品以上用花釵翟衣四品五品用山松特髻大衫為禮服  
貴人視三品以皇妃燕居冠及大衫霞帔為禮服珠翠慶雲冠鞠衣  
禮服襜褕為常服

皇太子冠服 冊寶附 皇太子陪祀 天地 宗廟及正旦各

至朝會則服衮冕見職掌從祭社稷及受冊納妃亦如之朔

望朝降詔降香進表四夷朝貢朝覲則服皮弁見集衮冕洪武二十

六年定衮冕九章○冕九旒旒九玉金簪導紅組纓兩玉瑱○圭長

九寸五分○玄衣纁裳衣五章織山龍華蟲宗彝火裳四章織藻粉

米黼黻○白紗中單黻領○蔽膝隨裳色織火山二章○革帶金鈎

鰐玉佩○綬五采用赤白玄纁綠織成純赤質三百二十首小綬三

色同大綬間織三玉環○大帶白表朱裏上緣以紅下緣以綠○白鞞

赤舄永樂三年定冕冠玄表朱裏前圓後方前後各九旒每旒各五

采纁九就貫五采玉九赤白青黃黑相次玉衡金簪玄紘垂青纁克

耳用青玉承以白玉瑱朱紘纓○玉圭長九寸五分以錦約其下弁韜



○衮服九章玄衣五章龍在肩山在背火華蟲宗彝在袖每袖皆織成本色領襟襜褕纁裳四章織藻粉米黼黻各二前三幅後四幅不相屬共腰有裳積本色紕褻○中單以素紗為之青領襟襜褕領織黻文十一○蔽膝隨裳色四章織藻粉米黼黻本色緣有紕施于縫中其上玉鈎二○玉佩二各用玉珩一瑀一琚一衝牙一璜二瑀下有玉花花下垂二玉滴琢雲龍文描金自珩而下繫組五貫以玉珠上有金鈎小綬四采以副之四采赤白縹綠纁質○大帶素表朱裏在腰及垂皆有紕上紕以朱下紕以綠紐約用青組○大綬四采赤白縹綠纁質小綬三采間施二玉環龍文皆織成○鞵烏皆赤色烏用黑鈎純黑飾烏首皮弁服永樂三年定皮弁用烏紗冒之前後各九縫每縫中綴五采玉九縫及冠武弁貫簪繫纓處皆飾以金金簪

朱纓○玉圭如冕服內制○絳紗袍本色領襟襜褕○紅裳如冕服內裳制但不織章數○中單以素紗為之如深衣制紅領襟襜褕領織黻文十一○蔽膝隨裳色本色緣有紕施于縫中其上玉鈎二○玉佩如冕服內制但無雲龍文有小綬四采以副之○大帶○大綬○鞵烏赤色皆如冕服內制常服洪武元年定烏紗折上巾永樂三年定冠烏紗折角向上巾亦名翼善冠親郡王及世子俱同○袍赤色盤領窄袖前後及兩肩各金織蟠龍一○帶用玉○靴皮為之冊寶冊用金二片長闊規制盡匣妝飾悉與 皇后冊同寶用金龜鈕朱綬文用篆書曰皇太子寶方厚規制池匣妝飾亦與皇后寶同

皇太子妃冠服禮服洪武三年定與皇妃同永樂三年定九輦四鳳冠漆竹絲為圓匡冒以翡翠上飾翠九金鳳四皆口銜珠滴珠翠雲四十片大珠花



九樹皆牡丹花每樹花二朶半開小珠花如大珠花之數皆穠花飄枝每枝花

一朶半開一朶蓋頭二箇翠葉九葉雙博鬢左右共四扇飾以鸞鳳皆垂珠滴翠口圈一副上飾

珠寶鈿花九翠鈿如其數托裏金口圈一副○珠翠面花五事珠排

環一對珠阜羅額子一描金鳳文用珠二十一顆○翟衣深青為質

織翟文九等凡一百三十八對間以小輪花紅領標襖裙織金雲鳳文紵絲

紗羅隨用○中單玉色紗為之紅領標襖裙領織黻文十一或用線

羅○菽膝隨衣色織翟為章二等間以小輪花三以緞為領緣織金

雲鳳文紵絲紗羅隨用○玉縠圭長七寸刻其上琢穀文以錦約其

下并鞞○玉革帶青綺鞞描金雲鳳文玉事件十金事件四○大帶

表裏俱青紅相半其末純紅而下垂織金雲鳳文上以朱綠下以綠

緣并青綺副帶一○綬四采赤白縹綠纁質皆織成間施二玉環小

綬三色同大綬○玉佩二珩以下琢飾雲鳳文描金上有金鈎以小

綬四采副之四采赤白縹綠纁質織成○青鞞馬鞞以青線羅為之

鳥用青綺飾以描金雲鳳文阜線純每鳥首加珠三顆常服洪武三

年定犀冠刻以花鳳首飾釧鐲用金玉珠寶翠諸色團領衫金繡鸞

鳳惟不用黃帶用金玉犀四年又定與皇妃同永樂三年定燕居冠

以阜綬為之附以翠博山上飾寶珠一座翊以二珠翠鳳皆口銜珠

滴前後珠牡丹花二朶蓋頭八箇翠葉三十六葉珠翠穠花鬢二朶

珠翠雲十六片翠口圈一副金寶鈿花九上飾珠九顆金鳳一對口

銜珠結雙博鬢左右共四扇飾以鸞鳳金寶鈿十八邊垂珠滴金簪一對

珊瑚鳳冠紫一副○大衫霞帔衫用紅色紵絲紗羅隨用霞帔深青

為質織金或繡或鋪翠圈金飾以珠紵絲紗羅隨用玉墜子琢鳳文



○四襖襖子即襖桃紅色金繡團鳳文紵絲紗羅隨用○鞠衣青色胸背鸞鳳雲文用織金或繡或加鋪翠圈金飾以珠或素除黃外餘色并紵絲紗羅隨用○大帶青線羅為之有緣餘或紅或綠各隨鞠衣色○緣襪襖子青色紅領襪襖織金采色雲鳳文紵絲紗羅隨用○緣襪裙紅色綠緣襪織金采色花鳳文紵絲紗羅隨用○玉帶青綺鞞描金雲鳳文玉事件十金事件三玉花采結綬以紅綠線羅為結上有玉綬花一瑒雲鳳文綬帶上玉墜珠六顆并金垂頭花瓣四片小金葉六箇紅線羅繫帶一○白玉雲樣玳瑁二如佩制每事上有金鈎一金如意雲蓋一件兩面鈎雲鳳文下懸紅組五貫金方心雲板一件兩面亦鈎雲鳳文俱襯以紅綺下垂金長頭花四件中有一小金鐘一箇末綴白玉雲朶五○青鞵烏與前翟衣內制同親王

冠服

冊寶

親王助祭謁廟正旦冬至等朝賀則服衮冕

見職掌

受冊納

妃亦如之朔望朝降詔降香進表四夷朝貢朝覲則服皮弁

見集禮衮

冕洪武二十六年定衮冕九章○冕五采玉珠九旒紅組纓青纓克

耳金簪導○圭長九寸二分五釐○青衣纁裳衣五章織山龍華蟲

火宗彝裳四章織藻粉米黼黻○白沙中單黻領青緣○菽膝隨裳

色織火山二章○革帶金鈎鰈佩玉○綬五采赤白玄纁綠織成純

赤質三百二十首小綬三色同大綬間織三玉環○大帶表裏白羅

朱綠緣○白鞵朱履永樂三年定冕冠玄表朱裏前圓後方前後各

九旒每旒各五采纁九就貫五采玉九赤白青黃黑相次玉衡金簪

玄紵垂青纁克耳

用青玉

承以白玉瑱朱紘纓○玉圭長九寸二分五

釐以錦約其下并鞵○衮服九章青衣五章龍在肩山在背火華蟲



宗彝在袖每袖各三皆織成本色領標襪裾纁裳四章織藻粉米黼黻各二前三幅後四幅不相屬共腰有襞積本色紳褻○中單以素紗爲之青領標襪裾領織黻文十一○菽膝隨裳色四章織藻粉米黼黻各二本色緣有紉施于縫中其上玉鈎二○玉佩如東宮佩制自行以下環雲龍文上有金鈎小綬四采以副之四采赤白縹綠纁質○大帶素表朱裏在腰及垂皆有紳上紳以朱下紳以綠紐約用青組○大綬四采赤白縹綠小綬三采間施二玉環龍文皆織成纁質○鞵烏皆赤色烏用黑絢純黑飾烏首皮弁服永樂三年定皮弁用烏紗冒之前後各九縫每縫中綴五采玉九縫及冠武弁貫簪繫纓處皆飾以金金簪朱纓○玉圭如冕服內制○絳紗袍本色領標襪裾○紅裳如冕服內裳制但不織章數○中單以素紗爲之如深衣制

紅領標襪裾領織黻文十一○菽膝隨裳色本色緣有紉施于縫中其上玉鈎二○玉佩如冕服內佩制但無雲龍文有小綬四采以副之○大帶○大綬○鞵烏俱如冕服內制常服永樂三年定冠袍帶靴俱與東宮同保和冠服嘉靖七年定冠制以燕弁爲準親王用九袞世子用八袞郡王用七袞俱去簪與五玉後山皆一扇爲之分畫爲四郡王長子冠如忠靜之制用五袞服用青身青緣前後方龍補各一身用素地邊用雲其補子郡王以上采妝郡王長子織金爲之襯用深衣玉色帶青表綠裏綠緣履用皂綠結白鞵冊寶冊用金二片長闊規制蓋匣妝飾與皇太子冊同寶用金龜鈕依周尺方五寸二分厚一寸五分其文曰其王之寶池匣妝飾與皇太子寶同但太子寶蓋匣雕蟠龍玉則雕蟠螭親王妃冠服王妃受冊助祭朝會則



服禮服見集禮洪武三年定冠飾以九翬四鳳花釵九樹小花如

大花之數兩博鬢九鈿翟衣青質五色九等繡翟編次于衣及裳素

紗中單黻領朱縠襖襪裾蔽膝隨裳色以縵為領緣繡翟為章二等

大帶隨衣色玉革帶青鞵烏佩綬永樂三年定九翟冠二頂冠以阜

穀為之附以翠博山飾以大珠翟二小珠翟三翠翟四皆口銜珠滴

冠中寶珠一座前後珠牡丹花二朶莖頭八箇翠葉三十六葉珠翠

穠花鬢二朶承以小連雲六片翠頂雲一座上飾珠九顆珠翠雲十

一片翠口圈一副金寶鈿花九箇上用珠九顆金鳳一對口銜珠結

金簪一對○珠翠牡丹花穠花各二朶面花二對梅花環四珠環各

一雙○大衫霞帔衫用大紅紵絲紗羅隨用霞帔以深青為質金繡

雲霞鳳文紵絲紗羅隨用金隊子亦鈿鳳文○四袂襖子即襖子桃紅

色金繡團鳳文紵絲紗羅隨用○鞠衣青色如深衣制胸背金繡雲

鳳文紵絲紗羅并各色隨用惟不用黃燕居服用素○大帶青線羅

為之有緣或用紅羅○玉穀圭長七寸刻其上琢穀文以錦約其下

弁韜公主不用圭○玉革帶青綺鞋描金雲鳳文玉事件十金事件三○

玉花采結綬以紅綠線羅為結上有玉綬花一琢寶相花文綬帶上

玉墜珠六顆并金垂頭花板四片小金葉六箇紅線羅繫帶一○玉

佩二如東宮妃佩制珩以下琢雲鳳文描金上有金鈎○青鞵烏鞵

以青線羅為之烏用青綺飾以描金雲鳳文阜線純每烏首加珠三

顆常服洪武三年定犀冠刻以花鳳首飾釧鐲用金玉珠寶翠諸色

團領衫金繡花鳳惟不用黃帶用金玉犀洪武四年定與皇如同公

主冠服與親王如同冊印冊用銀二片長闊規制悉與親王冊同印



用金龜鈕依周尺方五寸二分厚一寸五分其文曰某國公主之印  
 綬用朱印池用金池匣妝飾亦與親王同但親王飾蟠螭公主則用  
 飾蟠鳳世子冠服世子遇聖節千秋節并正旦冬至進賀表箋及其  
 父王生日諸節慶賀皆服袞冕袞冕洪武二十六年定袞冕七章○  
 冕三采玉珠七旒紅組纓青纁充耳金簪導○圭長九寸○青衣纁  
 裳衣二章織華蟲火宗袞裳四章織藻粉米黼黻○素紗中單青領  
 襪赤鞞○革帶佩白玉玄組綬○綬紫質用紫黃赤三采織成間織  
 三白玉環○白鞞赤舄永樂三年定冕冠玄表朱裏前圓後方前後  
 各八旒每旒五采纁八就各貫三采玉珠八赤白青色相次玉衡金  
 簪玄紘垂青纁充耳用青玉朱紘纓承以白玉瑱○玉圭長九寸以錦  
 約其下弁韜○青衣纁裳七章青衣三章火一在肩其二與華蟲宗

袞各二在兩袖皆織成本色領標襪裾纁裳四章織藻粉米黼黻各  
 二前三幅後四幅不相屬共腰有襷積本色縹褐○中單以素紗爲  
 之青領標襪裾領織黻文九○蔽膝隨裳色四章織藻粉米黼黻各  
 二本色緣有紉施于縫中其上玉鈎二○玉佩二如親王之佩制珩  
 以下璩雲龍文上有金鈎以小綬四采副之四采赤白縹綠纁質○  
 大帶素表朱裏在腰及垂皆有縹上縹以朱下縹以綠紐約用青組  
 ○大綬四采赤白縹綠纁質小綬三采間施二玉環皆織成○鞞舄  
 皆赤色舄用黑絢純黑飾舄首皮弁服永樂三年定皮弁用烏紗冒  
 之前後各八縫每縫中綴三采玉八縫及冠武弁貫簪繫纓處皆飾  
 以金金簪朱纓○玉圭如冕服內制○絳紗袍本色領標襪裾○紅  
 裳如冕服內裳制但不織章數○中單以素紗爲之如深衣制紅領



標襪裾領織黻文九○蔽膝隨裳色本色緣有紉施于縫中其上玉  
 鈞二○玉佩如冕服內佩制但無雲龍文有小綬四采以副之○大  
 帶○大綬○鞮舄俱如冕服內制常服永樂三年定冠袍帶靴俱與  
 親王同保和冠服制見前世子妃冠服永樂三年定與親王妃同惟冠  
 用七翟郡王冠服衮冕永樂三年定冕冠玄表朱裏前圓後方前後  
 七旒每旒五采纁七就各貫玉珠七赤白青色相次玉衡金簪玄統  
 垂青纁充耳用青玉朱紘纓承以白玉瑱○玉圭長九寸以錦約其下  
 弁韜○青衣纁裳五章青衣三章粉米一在肩其二弁藻宗彝各三  
 在兩袖皆織成本色領標襪裾纁裳二章織黼黻各二前三幅後四  
 幅不相屬共腰有褱積本色縹楊○中單以素紗為之青領標襪裾  
 領織黻文七○蔽膝隨裳色二章織黼黻各二本色緣有紉施于縫

中其上玉鈞二○玉佩如親玉佩制珩以下琢雲龍文上有金鈞以  
 小綬四采副之四采赤白縹綠纁質○大帶素表朱裏在腰及垂皆  
 有縹上縹以朱下縹以綠紐約用青組○大綬四采赤白縹綠纁質  
 小綬三采間施二玉環皆織成○鞮舄皆赤色舄用黑鉤純黑飾舄  
 首皮弁服永樂三年定皮弁用烏紗冒之前後各七縫每縫中綴三  
 采玉七縫及冠武弁貫簪繫纓處皆飾以金金簪朱纓○玉圭如冕  
 服內制○絳紗袍本色領標襪裾○紅裳如冕服內裳制但不織章  
 數○中單以素紗為之如深衣制紅領標襪裾領織黻文七○蔽膝  
 隨裳色本色緣有紉施于縫中其上玉鈞二○玉佩如冕服內制但  
 無雲龍文有小綬四采以副之○大帶○大綬○鞮舄俱如冕服內  
 制常服永樂三年定冠袍帶靴俱與親王同保和冠服制見前郡王妃



冠服永樂三年定七翟冠二頂冠以阜穀為之附以翠博山飾以大珠翟一小珠翟三翠翟四皆口銜珠滴冠中寶珠一座前後珠牡丹花二朶蓋頭八箇翠葉三十六葉珠翠釵花鬢二朶承以小連雲六片翠頂雲一座飾以珠五顆珠翠雲十一片翠口圈一副金寶鈿花八箇上用珠八顆金翟一對口銜珠結金簪一對○珠翠牡丹花釵花各二朶面花二對梅花環四珠環各一對○大衫霞帔衫用大紅紵絲紗羅隨用霞帔以深青為質金繡雲霞翟文紵絲紗羅隨用金墜子亦鈿翟文○四袂襖子即褙子桃紅色金繡翟文紵絲紗羅用○鞠衣青色胸背金繡雲翟文紵絲紗羅并各色隨用惟不用黃燕居服用素○大帶青線羅為之有緣或用紅羅○玉穀圭長七寸刻其上琢穀文以錦約其下并韜○玉革帶青綺鞋描金雲翟文玉事件十

金事件三○玉花采結綬以紅綠線羅為結上有玉綬花一瑒寶相花文綬帶上玉墜珠六顆并金垂頭花板四片小金葉六箇紅線羅繫帶一○玉佩二如親王妃佩制珩以下瑒雲翟文描金上有金鈎○青鞵烏鞵以青線羅為之烏用青綺飾以描金翟文阜線純每烏首加珠三顆長子冠服朝服七梁冠大紅素羅衣白素紗中單大紅素羅裳及蔽膝大紅素羅白素紗二色夾帶玉朝帶丹礬紅花錦錦雞綬玉佩象牙笏白絹鞵阜皮雲頭履鞋公服阜皴紗幘頭大紅素紵絲衣玉革帶常服烏紗帽大紅紵絲織金獅子開襟圓領玉束帶阜皮銅線靴保和冠服制見前郡主冠服永樂三年定與郡王妃同惟不用圭及少四珠環一對長子夫人冠服珠翠五翟冠大紅紵絲大衫深青紵絲金繡翟雞裙子青羅金繡翟雞霞帔金墜頭鎮國將軍



冠服與長子同鎮國將軍夫人冠服與長子夫人同輔國將軍冠服  
與鎮國將軍同惟冠六梁帶用犀輔國將軍夫人冠服與鎮國將軍  
夫人同惟冠用四翟抹金銀墜頭奉國將軍冠服與輔國將軍同惟  
冠五梁帶用金釵花常服大紅織金虎豹奉國將軍夫人冠服與輔  
國將軍夫人同惟翟子霞帔金繡孔雀文鎮國中尉冠服與奉國將  
軍同惟冠四梁帶用素金佩用藥玉鎮國中尉恭人冠服與奉國將  
軍淑人同輔國中尉冠服與鎮國中尉同惟冠三梁帶用銀釵花綬  
用盤鵞公服用深青素羅常服紅織金熊羆輔國中尉宜人冠服與  
鎮國中尉恭人同惟冠用三翟翟子霞帔金繡鴛鴦文銀墜頭奉國  
中尉冠服與輔國中尉同惟冠二梁帶用素銀綬用練鵲幘頭黑漆  
常服紅織金彪奉國中尉安人冠服與輔國中尉宜人同惟大衫用

丹礬紅翟子霞帔金繡練鵲文縣主冠服珠翠五翟冠大紅紵絲大  
衫深青紵絲金繡孔雀翟子青羅金繡孔雀霞帔抹金銀墜頭郡君  
冠服與縣主同惟冠用四翟翟子霞帔金繡鴛鴦文縣君冠服與郡  
君同惟冠用三翟鄉君冠服與縣君同惟大衫用丹礬

卷之第六十一

禮部十九

冠服二文武官冠服朝服凡大祀慶成正旦冬至聖節及頒降開讀  
詔赦進表傳制則文武官各服朝服見職掌其武官應直守衛者不拘  
此服洪武二十六年定文武官朝服梁冠赤羅衣白紗中單俱用青  
飾領緣赤羅裳青緣赤羅蔽膝大帶用赤白二色絹革帶佩綬白襪  
黑履一品至九品俱以冠上梁數分等第○公冠八梁加籠巾貂蟬  
立筆五折四柱香卓五段前後用玉為蟬○侯冠七梁加籠巾貂蟬



立筆四折四柱香草四段前後用金爲蟬○伯冠七梁加籠巾貂蟬  
立筆二折四柱香草二段前後玳瑁爲蟬俱左插雉尾○駙馬冠與  
侯同不用雉尾○一品冠七梁不用籠巾貂蟬革帶與佩俱用玉綬  
用綠黃赤紫四色絲織成雲鳳四色花錦下結青絲網綬環二用玉  
笏用象牙○二品冠六梁革帶綬環用犀餘同一品○三品冠五梁  
革帶用金佩用玉綬用黃綠赤紫四色絲織成雲鶴花錦下結青絲  
網綬環二用金笏用象牙○四品冠四梁革帶用金佩用藥玉餘同  
三品○五品冠三梁革帶用銀鈹花綬用黃綠赤紫四色絲織成盤  
雕花錦下結青絲網綬環二用銀鍍金笏用象牙○六品七品冠二  
梁御史加獬廌革帶用銀佩用藥玉綬用黃綠赤三色絲織成練鵲  
花錦下結青絲網綬環二用銀笏用槐木○八品九品冠一梁革帶

用烏角佩用藥玉綬用黃綠二色絲織成鸚鵡花錦下結青絲網綬  
環二用銅笏用槐木○雜職未入流品人員若遇大朝賀進表隨班  
行禮止用公服三十年奏准亦照九品官具朝服行禮嘉靖八年定  
梁冠照舊式上衣用赤羅青綠其長過腰指寸七寸毋掩下裳中單  
白紗爲之青綠下裳七幅前三後四每幅三襞積赤羅青綠蔽膝綴  
革帶○綬各照品級花樣革帶之後佩綬繫而掩之其環亦各照品  
級用玉犀金銀銅爲之不以織於綬大帶表裏俱素惟兩耳及下垂  
緣以綠色又用青組約之革帶一品玉二品犀三品四品金五品銀  
鈹花六品七品銀八品九品烏角俱照舊式珮玉一如詩傳之制去  
雙滴及二珩其三品以上用玉四品以下用藥玉各照舊襪履俱照  
舊式祭服凡上親祀郊廟社稷文武官分獻陪祀則服祭服

見集禮洪



武二十六年定文武官陪祭服一品至九品青羅衣白紗中單俱用  
皂領緣赤羅裳皂緣赤羅菽膝方心曲領其冠帶佩綬等第並同朝  
服又令品官家用祭服三品以上去方心曲領四品以下并去佩綬  
又令雜職祭服與九品同嘉靖八年定上衣用青羅皂緣長與朝服  
同下裳用赤羅皂緣制與朝服同菽膝綬環大帶革帶佩玉襪履俱  
與朝服同去方心曲領公服在京文武官每日早晚朝奏事及侍班  
謝 恩見辭則服公服在外文武官每日清早公座亦服之見職掌後  
常朝止便服惟朔望具公服朝參其武官應直守衛者不拘此服洪  
武二十六年定文武官公服用盤領右衽袍或紵絲紗羅絹從宜製  
造袖寬三尺一品至四品緋袍五品至七品青袍八品九品綠袍未  
入流雜職官袍笏帶與八品以下同公服花樣一品用大獨科花徑

五寸二品小獨科花徑三寸三品散荅花無枝葉徑二寸四品五品  
小雜花紋徑一寸五分六品七品小雜花徑一寸八品以下無紋幘  
頭用漆紗二等展各長一尺二寸其雜職官員幘頭用垂帶笏依朝  
服爲之腰帶一品用玉或花或素二品用犀三品四品用金荔枝五  
品以下用烏角鞞用青革仍垂撻尾於下靴用皂○凡公侯駙馬伯  
公服服色花樣腰帶與一品同○凡文武官公服花樣如無從織買  
用素隨宜又令凡內外未入流雜職官幘頭展角與入流官同不用  
垂帶常服洪武三年定凡文武官常朝視事以烏紗帽團領衫束帶  
爲公服一品玉帶二品花犀帶三品金釵花帶四品素金帶五品銀  
釵花帶六品七品素銀帶八品九品烏角帶二十六年定公侯駙馬  
伯麒麟白澤文官一品二品僊鶴錦雞三品四品孔雀雲鴈五品白



大印各身錄五册  
禮部  
三十三  
鵬六品七品鷺鷥鴻鸛八品九品黃鸝鶴鶉練鵲風憲官用獬廌武  
官一品二品獅子三品四品虎豹五品熊羆六品七品彪八品九品  
犀牛海馬○凡常服制度洪武二十三年令官員人等衣服寬窄以  
身為度文職官衣長自領至裔去地一寸袖長過手復回至肘袖樁  
廣一尺袖口九寸公侯駙馬與文職官同武職官衣長去地五寸袖  
長過手七寸袖樁廣一尺袖口僅出拳○凡束帶洪武二十四年定  
公侯駙馬伯與一品同雜職未入流官與八品九品同○凡服色禁  
制洪武二十六年令品官常服用雜色紵絲綾羅綵繡庶民止用紬  
絹紗布不許別用又令官吏及軍民僧道人等衣服帳幔並不許用  
玄黃紫三色并織繡龍鳳文違者罪及染造之人其朝見人員四時  
並用顏色衣服不許純素景泰四年令錦衣衛指揮侍衛者得衣麒麟

麟服色天順二年令官民人等衣服不得用蟒龍飛魚斗牛大鵬像  
生獅子四寶相花大西番蓮大雲花樣并玄黃紫及玄色樣黑綠柳  
黃姜黃明黃等色成化二年令官民人等不許僭用服色花樣弘治  
十二年奏准今後公侯伯及文武大臣各處鎮守守備等官敢有違  
例奏討蟒衣飛魚等項衣服者該科叅駁科道糾劾該部執奏治以  
重罪嘉靖六年令在京在外官民人等不許濫服五彩妝花織造違  
禁顏色及將蟒龍造為女衣或加飾妝彩圖利貨賣其朝貢夷人不  
許擅買違式衣服如違將買者賣者一體拏問治罪十六年題准今  
後在京在外文武官員除本等品級服色及特賜外不許擅用蟒衣  
飛魚斗牛等項違禁華異服色其大紅紵絲紗羅服惟四品以上官  
及在京九卿翰林院詹事府春坊司經局尚寶司光祿寺鴻臚寺五



品堂上官經筵講官亦許穿用其餘衙門雖五品官及五品以下官經筵不係講官者俱穿青綠錦繡遇有吉禮止許穿紅布絨褐品官花樣照依品級公侯駙馬伯麒麟白澤文官一品僊鶴二品錦雞三品孔雀四品雲鴈五品白鷗六品鷺鷥七品鷓鴣八品黃鸝九品鶴鶉雜職官練鵲風憲官獬廌武官一品二品獅子三品四品虎豹五品熊羆六品七品彪八品犀牛九品海馬不許混同穿用錦衣衛指揮侍衛者得衣麒麟服色其餘帶俸及不係侍衛人員及千百戶等官雖係侍衛俱不許僭用○凡致仕罷閒官員服色洪武三年今年老致仕及待親辭閒官許用紗帽束帶若爲事黜降者服與庶人同三十年令致仕官服色與見任同若遇朝賀及謝恩見辭一體具服行禮忠靜冠服嘉靖七年定忠靜冠卽古玄冠冠匡如制以烏紗

冒之兩山俱列于後冠頂仍方中微起三梁各壓以金線邊以金線之四品以下去金邊以淺色絲線緣之忠靜服卽古玄端服色改用深青以紵絲紗羅爲之三品以上用雲四品以下用素邊緣以藍青前後飾以本等花樣補子深衣用玉色素帶如古大夫之帶制青表綠緣邊并裏素履色用青絲緣結白襪凡王府將軍中尉及左右長史審理正副紀善教授等官俱以品官之制服之儀賓不得槩服在京七品以上官及八品以下翰林院國子監行人司官在外方面官各府堂官州縣正官儒學教官及武官都督以上許服其餘不許儀賓冠服儀賓朝服公服常服俱照品級與文武官同惟笏皆用象牙常服花樣視武官弘治十三年定郡主儀賓釵花金帶胸背獅子縣主儀賓釵花金帶郡君儀賓光素金帶胸背俱虎豹縣君儀賓釵花



銀帶鄉君儀賓光素銀帶胸背俱彪故違僭用者革去冠帶戴平頭  
 中於本處儒學讀書習禮三年方許復職命婦冠服禮服凡命婦入  
 內朝見君后在家見舅姑并夫及祭祀則服禮服洪武五年定凡命  
 婦圓衫以紅羅為之繡重雉為等第一品九等二品八等三品七等  
 四品六等五品五等六品四等七品三等其餘不用繡雉二十四年  
 定命婦冠服公侯伯與一品同大袖衫用真紅色一品至五品紵絲  
 綾羅隨用六品至九品綾羅紬絹隨用霞帔褙子皆用深青段匹公  
 侯及一品二品金繡雲霞翟文三品四品金繡雲霞孔雀文五品繡  
 雲霞鴛鴦文六品七品繡雲霞練鵲文大袖衫領闊三寸兩領直下  
 一尺間綴紐子三前身長四尺一寸二分後身長五尺一寸內九寸  
 八分行則摺起末綴紐子二紐在掩紐之下拜則放之袖長三尺二

寸二分根闊一尺口闊三尺五分落摺一尺一寸五分掩紐二款用  
 衫料連尖長二寸七分闊二寸五分各於領下一尺六寸九分處綴  
 之於掩下各綴紐門一以紐住摺起後身之餘者兜子亦用衫料兩  
 塊斜裁上尖下平連尖長一尺六寸三分每塊下平處各闊一尺五  
 分縫合於領下一尺七分處綴之上綴尖皆縫合以藏霞帔後垂之  
 末者霞帔二條各長五尺七寸闊三寸二分各繡禽七隨品級用前  
 四後三各繡臨末左右取尖長二寸七分前後分垂橫綴青羅襟子  
 牽聯並之前垂三尺三寸五分尖綴墜子一後垂二尺三寸五分臨  
 末插兜子內藏之墜子中綴花禽一四面雲霞文禽如霞帔隨品級  
 用笏以象牙為之圓首方脚長六寸四分闊一寸五分厚一分五釐

二十六年定一品冠用金事件

珠翟五箇珠牡丹開頭二箇珠半開  
 三箇翠雲二十四片翠牡丹葉一十



八片翠口圈一副上帶金寶鈿花珠翟四箇八箇金翟二箇口銜珠結一箇

丹開頭二箇珠半開四箇翠雲二十四片翠牡丹葉一十八片珠翟四翠口圈一副上帶金寶鈿花八箇金翟二箇口銜珠結二箇

至二品霞帔用雲霞翟文三品至四品霞帔用雲霞孔雀文

子衿子用雲霞孔雀文五品至六品冠用抹金銀事件珠翟三箇珠半開五箇翠雲

二十四片翠牡丹葉一十八片翠口圈一副上帶抹金銀寶鈿花八箇抹金銀翟二箇口銜珠結于二箇

五品至六品冠用抹金銀事件珠翟二箇珠半開四箇翠雲六品霞帔用雲霞練鵲文七品至

九品冠用抹金銀事件珠翟二箇珠半開四箇翠雲七品霞帔用雲霞練鵲文八品九品霞帔

副上帶抹金銀寶鈿花八箇抹金銀翟二箇口銜珠結于二箇

常服洪武二十四年定命婦常服用顏色圓領衫進士巾服洪武初定進士巾如今烏紗帽之製頂微平展角闊

寸餘長五寸許系以垂帶阜紗為之深色藍羅袍緣以青羅袖廣而

不殺革帶青鞵飾以黑角垂撻尾於後笏用槐木廷試後赴國子監

領出傳臚日服之至上表謝恩後謁先師孔子行釋菜禮畢始易

常服其中袍等仍送國子監交收狀元冠服朝冠二梁朝服緋羅為

之圓領白絹中單錦綬救膝全槐笏一把紗帽一頂光素銀帶一條

藥玉佩一副朝靴羶襪各一雙俱內府製造禮部官引至御前頒賜上表

謝恩日服之生員巾服洪武二十四年定生員襴衫用玉色布絹

為之寬袖阜緣阜緣軟巾垂帶吏員巾服洪武四年定各衙門掾史

令史書吏司吏典吏穿阜盤領衫繫絲緣戴四方平定巾十四年定

吏員阜衣改用青色三十年定令史典吏皆服吏巾巾樣不與庶民

同士庶巾服公使人等附洪武三年定士庶初戴四帶巾今改四方平定

巾雜色盤領衣不許用黃執仗之士首服鏤金額交脚幞頭服諸色

大月會典第五冊 禮部 三六




辟邪寶相花裙襖銅漢花束帶皁紋靴刻期冠方頂巾衣胸背鷹鷄  
花腰線襖子諸色闊絲匾緣象牙雕花環行滕八帶鞋皁隸冠圓頂  
巾衣皁衣又令庶民男女衣服並不得僭用金繡錦綺紵綾羅許  
用紬絹素紗其首飾釧鐲並不許用金玉珠翠止用銀靴不得裁製  
花樣金線妝飾四年定皁隸公使人穿皁盤領衫戴平頂巾繫白裕  
襴帶錫牌六年令庶民巾環不得用金玉瑪瑙珊瑚琥珀未入流品  
者並同庶民帽不得用頂帽珠許用水晶香木校尉只孫束帶幘頭  
靴鞋刻期雕刻雜花象牙緣環外餘同庶民十四年令農民之家許  
穿紬紗絹布商賈之家止許穿絹布如農民之家但有一人為商賈  
者亦不許穿紬紗又令校尉用金鷲帽黑漆戩金荔枝改作銅釘樣  
每五釘攢就四向稍起邊欄鞋用青緊束之各衙門祇禁原穿皁衣

改用淡青又令僧道服色禪僧茶褐常服青綠玉色袈裟講僧玉色  
常服綠緣淺紅袈裟教僧皁常服黑綠淺紅袈裟僧官皆如之道士  
常服青法服朝服皆用赤色道官亦如之惟僧錄司官袈裟道錄司  
官法服朝服皆綠紋飾以金二十二年令將軍力士校尉旗軍常戴  
頭巾或襍腦官下舍人并儒士吏員民人常戴本等頭巾鄉村農夫  
許戴斗笠蒲笠出入市井不禁不親農業者不許二十三年令耆民  
儒士生員衣制同文職惟袖長過手復回不及肘三寸庶民衣長去  
地五寸袖長過手六寸袖樁廣一尺袖口五寸軍人衣長去地七寸  
袖長過手五寸袖樁廣不過一尺窄不過七寸袖口僅出拳二十五  
年令文武官同籍父兄伯叔弟姪子壻及儒士生員吏典知印承差  
欽天監天文生太醫院醫士瑜珈僧正一道士將軍散騎舍人帶刀



之人正五馬軍并馬軍小旗教讀大誥師生許穿靴校尉力士遇上直許穿出外不許其庶民商賈技藝步軍及軍下餘丁管步軍總小旗官下家人火者皂隸伴當在外醫卜陰陽人皆不許止許穿皮扎鞞其北平山西山東陝西河南并直隸徐州地寒人民許穿牛皮直縫靴二十六年禁官民步卒人等不許服對襟衣惟騎士不拘正德元年禁商販吏典僕役倡優下賤皆不許服用貂裘僧道隸卒下賤之人俱不許服用紵絲紗羅綾綿十六年禁軍民人等如有穿紫花罩甲服或禁門或四外遊走者許緝事并地方人等擒拏萬曆二年禁舉人監生生儒下至民庶奴隸之輩有僭戴忠靜金線冠巾穿錦綺鑲履及張傘蓋戴暖耳者聽五城御史嚴拏重責枷示仍送問士庶妻冠服婢使人等附洪武二年定士庶妻首飾許用銀鍍金耳環用金

珠釧鐲用銀服淺色團衫許用紵絲綾羅絢絹五年令凡民間婦人禮服惟用紫染色絁不用金繡凡婦人袍衫止用紫綠桃紅及諸淺淡顏色不許用大紅鴉青黃色帶用藍絹布凡女子在室者服飾之制皆作二小髻金釵珠頭髻窄袖褙子凡婢使人等縮高頂髻用絹布狹領長襖長裙小婢使縮雙髻用長袖短衣長裙成化十年令禁官民人等婦女不許僭用渾金衣服寶石首飾正德元年令軍民婦女不許用銷金衣服帳幔寶石首飾鐲釧及娼妓不許用金首飾銀鐲釧犯者本身家長夫男匠作各治重罪教坊司冠巾服洪武二年定樂藝冠青卍字頂巾繫紅綠褶襖樂妓則戴明角冠皂褙子不許與庶民妻同御前供奉俳長皆服鼓吹冠紅羅胸背小袖袍紅絹褶襖皂靴色長皆服鼓吹冠紅青綠紵絲彩畫百花袍紅絹褶襖歌工





皆服弁冠紅羅織金胸背大袖袍紅生絹錦領中單黑角束帶紅熟絹錦脚袴阜皮琴鞋白綿布夾襪樂工服色與歌工同○凡教坊司官常服冠帶與百官同至御前供奉執粉漆笏服黑漆幘頭黑綠羅大袖襪袍里角備帶早靴又令教坊司伶人常服綠色巾以別士庶之服又令樂人戴鼓吹冠不用錦繡惟用紅裕襖服色不拘紅綠又令教坊司婦人不許戴冠穿褙子又令樂工當承應許穿靴出外不許又令樂人衣服許用明綠桃紅玉色水紅茶褐顏色其餘不得穿用俳優長樂工俱戴早頭巾繫雜色綠○凡中宮供奉女樂奉鑾等官女本色髮髻青羅圓領提調女樂服黑漆唐巾大紅羅銷金花圓領鍍金花帶早靴歌章女樂服黑漆唐巾大紅羅銷金裙襖胸帶大紅羅抹額青綠羅彩畫雲肩描金牡丹花早靴奏樂女樂服

色與歌章同

卷之第六十二

禮部二十

房屋器用等第國初著令凡官民服色冠帶房舍鞍馬貴賤各有等第上可以兼下下不可以僭上官員任滿致仕與見任同其父祖有官者非犯除名不敘子孫許居父祖房舍及衣服車馬有官者依品級其御賜者及軍官軍人服色不在禁例又禁凡服色器皿房屋等項並不許雕刻刺繡古帝王后妃聖賢人物故事及日月龍鳳獅子麒麟犀象等形所以辨上下定民志至今遵守不敢違越其禁制備列于後○凡房屋洪武二十六年定官員蓋造房屋並不許歇山轉角重簷重栱繪畫藻井其樓房不係重簷之例聽從自便○公侯前廳七間或五間兩廡九架造中堂七間九架後堂七間七架門屋三間五架門用金漆及獸面擺錫環家廟三間五架俱用黑板瓦蓋



大明會典卷之五十四 刑部 四十一  
屋脊用花樣瓦獸梁棟斗棋簷桶用綵色繪飾窗枋柱用金漆或黑油飾其餘廊廡庫厨從屋等房從宜蓋造俱不得過五間七架 一品二品廳堂五間九架屋脊許用瓦獸梁棟斗棋簷桶用青碧繪飾門屋三間五架門用綠油及獸面擺錫環 三品至五品廳堂五間七架屋脊用瓦獸梁棟簷桶用青碧繪飾正門三間二架門用黑油擺錫環 六品至九品廳堂三門七架梁棟止用土黃刷飾正門一間二架黑門鐵環 一品官房舍除正廳外其餘房舍許從宜蓋造比正屋制度務要減小不許太過其門窗戶牖並不許用硃紅油漆庶民所居房舍不過三間五架不許用斗棋及綵色裝飾○又定在京功臣宅舍地勢寬者住宅後許留空地十丈左右邊各許留空地五丈若見住舊居所在地勢窄隘止仍舊居不許那移軍民以留空地

地官員之家住宅照依前定丈尺不許多留空地過此即便退出令子孫赴官告給園地另於城外量撥功臣之家不許於住宅前後左右多占地丈蓋造亭館或開掘池塘以為游翫公侯内外文武四品以上官不得令子孫家人於市肆開張鋪店生放錢債及出外行商中鹽與販物貨三十五年申明軍民房屋不許蓋造九五間數一品二品廳堂各七間六品至九品廳堂棟梁止用粉青刷飾庶民所居房屋從屋雖十所二十所隨所宜蓋但不得過三間正統十二年令庶民房屋架多而間少者不在禁限○凡車輿洪武元年定並不得雕飾龍鳳紋職官一品至三品許用間金妝飾銀螭繡帶青幔四品五品素獅頭繡帶青幔六品至九品用素雲頭素帶青幔轎子比同車製庶民車用黑油齊頭平頂阜幔轎子比同車製並不許用雲頭



六年令凡舟車坐轎除紅漆外許雜色漆飾五品以上車用青幔餘並不許其坐轎止許婦人及官民老疾者乘之景泰四年令在京三品以上許乘轎其餘不許違例在外各衙門俱不許乘轎弘治七年申明兩京及在外文武官員除奉有旨及文武例應乘轎者止許四人扛擡其兩京五府管事并內外鎮守守備等項公侯伯都督等官不分老少皆不許乘轎違例乘轎及擅用八人者指實奏聞萬曆三年奏准武職衙門及勲戚等官俱不許僭用四人帷轎與肩輿及擅用交牀上馬違者聽科道官及巡視衙門叅奏重處指揮以下京衛調外衛外衛調邊衛俱帶俸差操○凡傘蓋洪武元年令庶民並不許用羅絹涼傘許用油紙兩傘三年令京城內一品二品許用傘蓋其餘止許用兩傘京城外聽用之十六年令尚書侍郎左右都御史

通政使太常卿應天府尹國子祭酒翰林等學士許張傘蓋二十六年定一品二品銀浮屠頂茶褐羅表紅絹裏三簷三品四品用紅浮屠頂茶褐羅表紅絹裏三簷以上傘蓋俱用黑色茶褐兩傘俱用紅油絹五品用紅浮屠頂青羅表紅絹裏兩簷兩傘同四品六品至九品用紅浮屠頂青絹表紅絹裏兩簷兩傘俱用油紙三十五年申明官員傘蓋不許用金繡硃紅妝飾公侯駙馬伯與一品二品同成化九年令兩京官員油傘遇雨任用其涼傘京城內不許張設若出郊在外不拘此限○凡鞍轡洪武元年令庶民不得描金惟用銅鐵妝飾二十六年定公侯一品二品用銀減鐵事件鞞用描銀三品至五品用銀減鐵事件鞞用油畫六品至九品用擺錫鐵事件鞞用油畫三十五年申明官民八等鞍轡馬領下纓并鞞轡俱用黑色不許紅



纓及描金嵌金天青硃紅妝飾軍民用鐵事件黑綠油靴○凡帳幔  
洪武元年令並不許用楮黃龍鳳文職官一品至三品許用金花刺  
繡紗羅四品五品刺繡紗羅六品以下許用素紗羅庶民用紗絹三  
年令職官一品至五品帳幔許用綾羅紗被褥用紵絲錦繡六品至  
九品帳幔許用紗絹被褥用綾羅紬絹庶民用紬絹布○凡器皿洪  
武二十六年定公侯一品二品酒注酒盞用金餘用銀三品至五品  
酒注用銀酒盞用金六品至九品酒注酒盞用銀餘皆用菟漆木器  
並不許用硃紅及抹金描金雕琢龍鳳文庶民酒注用錫酒盞用銀  
餘菟漆又令官員牀面屏風榻子並用雜色漆飾不許雕刻龍鳳文  
並金飾硃漆又令軍官軍士應用弓矢止是黑漆弓袋箭囊並不許  
用硃漆描金妝飾三十五年申明官民人等不許僭用金酒爵其椅

卓木器之類亦不許用硃紅金飾正德十六年奏准職官一品二品  
器皿不許用玉止許用金以爲定例其商賈技藝之家器皿不許用  
銀餘與庶民同官吏人等不許僭用金酒爵其椅卓木器之類並不  
許硃紅金飾○凡寺觀菴院洪武三年令除殿宇梁棟門窻神座案  
卓許用紅色其餘僧道自居房舍並不許起造斗拱彩畫梁棟及僭  
用紅色什物牀榻椅子六年令凡各處僧道寺觀金彩妝飾神佛龍  
鳳等像除舊有外不許再造天順八年詔京城內外寺觀今後不許  
增修請額

卷之第六十三

禮部二十一

冠禮一按冠禮天子止一加用衮冕太尉設纚太師受冕太子皇孫  
年十二或十五始冠天子自爲主擇三公太常爲賓贊凡三加冠一  
祝醴成化間始定祝詞醮詞勅戒詞其諸王冠祝醴詞皆洪武間定



下及官民莫不有禮備列于後皇帝冠禮洪武三年定前期太史院奉制筮日工部製冕服翰林院撰祝文祝辭或用古辭或臨時修撰禮部備儀注中書省承制命某官攝太師某官攝太尉既筮日遣某官奏告天地宗廟行一獻禮訖告示文武百官於皇城守宿侵晨具朝服行禮前一日內使監令陳御冠席於奉天殿正中設冕服案於御冠席之南香案又於冕服案南尚寶卿設寶案於香案之南侍儀司設太師太尉起居位於文樓之南西向設文官起居位於太師太尉起居位之後設武官起居位於武樓之南設太師太尉拜位於丹墀內道稍西北向東上設太師太尉侍立位於殿上御席之西東向設盥洗位於丹陛西陛之下東向內贊二人位於殿上南楹之左右東西相向設文官拜位於丹墀內道之東每等異位重行北面西上

設武官拜位於丹墀內道之西每等異位重行北面東上設使客位於文官拜位之東北面西上設殿前班諸執事起居位於武官起居位之北東向設侍從班諸執事起居位於文官起居位之北西向設宿衛鎮撫二人位於東西陛下東西相向護衛百戶二十四人位於宿衛鎮撫之南稍後東西相向典牧所官二人位於乘馬之前東西相向知班二人位於文武官拜位之北東西相向通贊典禮二人位於知班之北東西相向通贊在西贊禮在東引太師太尉二人位於太師之北西立東向引文武班四人位於文武官拜位之北稍後東西相向引殿前班二人位於引武班之南引使者二人位於引文班之南設殿前班指揮司官三員侍立位於丹陛上之西東向光祿寺官三員位於丹陛上之東西向拱衛司官位於殿門之左右東西相



向文官侍從班起居注給事中殿中侍御史尚寶卿位於殿上之東  
西向武官侍從班懸刀指揮位於殿上之西東向護衛千戶八人位  
於殿東西門之左右東西相向典儀二人位於丹陛上之南東西相  
向鳴鞭四人位於丹陛上北向將軍二人位於殿上簾前之左右將  
軍六人位於殿門之左右將軍四人位於丹陛上之四隅將軍六人  
位於奉天門之左右東西相向是日侵晨金吾衛陳設甲士於午門  
外之東西陳五輅於丹墀之南北向典牧所陳仗馬於文武樓之南  
東西相向陳虎豹於奉天門外東西相向協律郎陳樂於丹墀文武  
官之南鼓初嚴催班舍人催文武百官具朝服鼓次嚴引班引文武  
官各依品從齊班於午門外以北爲上東西相向通班贊禮知班典  
儀內贊宿衛鎮撫鳴鞭殿內將軍殿外將軍俱入就位引班引殿前  
班指揮光祿卿各依品從序立於起居位東西相向諸侍衛官俱各  
服其器服及尚寶卿侍從官入詣謹身殿候迎鼓三嚴引班引文武  
官以序入就起居位引使客立於文班之後侍儀版奏外辦御用監  
令奏請 皇帝服空頂幘雙童髻雙玉導絳紗袍御輿以出侍御導  
從警蹕如常儀 皇帝將出仗動和聲郎作樂太常博士引導至奉  
天殿卽御位樂止捲簾鳴鞭雞唱報時訖拱御司官由殿西門出降  
西階引班引入起居位通班唱各供事殿前班侍從班及諸執事各  
就本位引禮引太師太尉先入就拜位引班引文武官俱入就丹墀  
拜位知班唱班齊典儀唱拜贊禮唱鞠躬樂作四拜興平身樂止引  
禮引太師先詣盥洗位西向立引禮唱搯笏盥手太師搯笏盥手引  
禮唱斂手司巾以巾進太師斂手訖引禮唱出笏太師出笏引禮引



太師由西階陞引禮退就本位太師至殿西門內替接引至御席西  
東向立引禮復引太尉詣盥洗位西向立引禮替搯笏盥手太尉搯  
笏盥手引禮贊帨手司巾者以巾進太尉帨手引禮贊出笏太尉出  
笏引禮引太尉由西階陞引禮退復位太尉至殿西門內替接引入  
立於太師之南侍儀跪奏請加元服退復位太尉進就 皇帝席前  
少右跪搯笏脫空頂幘以授內使內使跪受幘興置於櫛箱櫛畢設  
纒出笏興退立於西太師進至御前北向立內使監令就案取冕立  
於太師之左太師祝曰令月吉日始加元服壽考維祺以介景福內  
使監令捧冕跪授太師太師搯笏跪受冕加冠加簪纓訖出笏興退  
立於西內使監令徹櫛纒箱御用監令跪奏請 皇帝著袞服 皇  
帝興著袞服訖侍儀跪奏請就御座內替贊進醴樂作太師進就御

座前北向立光祿卿奉酒進授太師太師搯笏受酒至御前北面祝  
曰甘醴維厚嘉薦令芳承天之休壽考不忘祝訖跪授內使內使跪  
受酒捧進 皇帝 皇帝受酒祭少許啐酒訖以虛盞授內使樂止  
內使受盞降授太師太師受盞興以授光祿卿光祿卿受盞退太師  
出笏退復位內替引太師太尉出殿西門樂作降自西階引禮接引  
就丹墀拜位立定樂止引禮退復位典儀唱拜贊禮唱鞠躬四拜興  
平身樂止贊禮唱搯笏鞠躬三舞蹈贊跪唱山呼百官拱手加額曰  
萬歲唱山呼曰萬歲唱再山呼曰萬萬歲典儀唱出笏俯伏興樂作  
四拜興平身樂止典儀唱禮畢侍儀奏禮畢 皇帝興樂作警蹕侍  
從導引入宮樂止引禮引太師太尉及文武百官以次出 皇帝改  
服通天冠絳紗袍入宮拜謁太后如正旦儀擇日謁太廟其儀與時



祭同見廟之明日百官具公服稱賀畢賜宴於謹身殿並如正旦冬至朝會儀

卷之第六十四

禮部二十二

冠禮二皇太子冠禮洪武元年定前期太史監承制筮日工部制袞冕遠遊冠折上巾服翰林院撰祝文祝辭禮部備儀注中書省承制命某官為賓某官為贊既筮日遣官奏告天地宗廟禮部告示文武百官於皇城守宿至期之前一日內使監令陳御座香案於奉天殿中侍儀司設皇太子次於殿之東房賓贊次於午門外皇太子拜位於於丹陛上正中賓贊受制位於皇太子拜位之西北東向承制官位於御座之東西向宣制官位於皇太子位之東北西向賓贊拜位於內道之東北面西上餘陳設如朝會儀至日清晨執事官設壘洗於東階東南壘在洗東籬在洗西內使監官設皇太子冠席於殿上東

南西向醴席於西階上南向張帷幄於東序內設褥席於帷中又張帷於序外御用監陳服於帷內東領北上袞服九章遠遊冠絳紗袍折上巾絳紗袍緇纁犀簪二物同箱在服南櫛實於箱又在南司尊實醴於側尊加勺梘設醴於席之南設坫於尊東置二爵於坫進饌者實饌設於尊北諸執事者皆立於其所冕九旒遠遊冠十八梁折上巾冠冕各一箱盛執事者各執其物立於階之西東面北上鼓初嚴文武百官具朝服次嚴護衛等各就位東宮官導從皇太子至殿門贊禮同太常博士引詣奉天殿東房侍衛官入詣謹身殿奉迎三嚴文武百官入就位 皇帝服通天冠絳紗袍御輿以出樂作陞座樂止捲簾鳴鞭報曉訖賓贊就位樂作四拜樂止侍儀司跪承制降自東階詣賓前稍東西向稱有勅賓贊跪侍儀宣制曰皇太子冠命



九  
卿等行禮宣訖贊皆四拜文武侍從班俱就殿內位賓贊及應行禮  
官詣東階下位東宮官太常博士詣殿前東房引皇太子入就冠席  
樂作皇太子卽席樂止賓贊詣嚳洗樂作搯笏盥悅出笏樂止陞自  
西階執事者捧折上巾進賓降一等受之右執項左執前進皇太子  
席前北面祝祝辭皆隨時撰述祝畢跪冠樂作與席南北面立贊冠  
者進席前跪正冠興立於賓後內使跪進服服訖樂止賓揖皇太子  
復坐賓贊降詣嚳洗如前儀贊冠者進跪脫折上巾置於箱興以授  
內使內使跪受置於席執事者捧遠遊冠進賓降二等受之樂作進  
冠如前儀贊冠者進跪簪結紘內使進服樂止賓揖皇太子復坐詣  
嚳洗脫冠俱如前儀執事者捧袞冕進賓降二等受之進冠亦如前  
儀畢太常博士引皇太子下降自東階樂作由西階陞卽醴席南向

坐樂止賓詣嚳洗樂作盥悅陞自西階樂止贊冠取爵詣司尊前酌  
醴授賓跪進爵於皇太子席前祝云祝畢皇太子搯圭跪受爵樂  
作飲訖奠爵執圭進饌者捧饌設於皇太子席前皇太子搯圭食訖  
樂止執圭執事官徹爵與饌太常博士引皇太子降自西階殿東房  
易朝服詣丹墀拜位樂作東宮官各就拜位樂止賓贊詣皇太子位  
稍東西向賓少進字之辭曰奉勅字某太常博士啟皇太子再拜跪  
聽宣勅畢復再拜興進前跪奏曰臣不敏敢不祇奉奏畢復位侍立  
官並降殿復位在位官皆四拜禮畢 皇帝興樂作還宮樂止內給  
事導皇太子入內朝見皇后如朝正旦儀百官以次出明日謁廟如  
時享禮陪祭官先赴廟庭皇太子服袞冕執圭太常博士前導由南  
門入至拜位皇太子及陪祭官皆再拜興皇太子陞殿詣神位前三



上香復位及陪祭官皆再拜畢皇太子還宮明日百官具朝服詣奉天殿稱賀退易公服詣東宮稱賀賜宴成化十四年續定前期二日各執事官先於禮部習儀次日赴文華殿習儀前期一日遣官具特牲告廟行一獻禮錦衣衛設幕次於文華殿之東序鴻臚寺設節案於殿內之北正中設香案於節案之南設冠席於殿內之東南向設醴席於西上南向內使張帷幄於東序內設座椅几案衾褥於幄中又張帷於序外陳袍服皮弁服衮服圭帶舄等物各以箱盛置於帷中案上具翼善冠皮弁九旒冕各用盤盛以紅袱覆之置於東階之南案上光祿寺設盥洗所於東階冠案之南稍東設司尊所於醴席之西南司尊者實醴於側尊加勺帛設坫於尊東置二爵於坫進饌者實饌設於尊北諸執事者皆立於其所教坊司設樂是日早

具皮弁服御華蓋殿鴻臚寺奏請陞殿傳制遣官文武百官各具朝服侍班如常儀制詞曰朕皇太子某冠命卿等持節行禮節將至禮部官詣東序啟皇太子迎節樂作禮部官導皇太子出迎於殿門外持節官捧節入置於案退立於節案之東樂止禮部等官導皇太子詣香案前樂作行四拜禮畢樂止持節官同賓贊弁宣勅戒等官序立於東南盥洗之次禮部官啟皇太子就冠席樂作禮部等官導皇太子詣冠席內侍二人夾侍皇太子卽席西南向坐樂止鴻臚寺鳴贊贊行初加冠禮樂作引禮序班引賓贊皆詣盥洗所賓贊皆搢笏以次盥手訖出笏樂止鳴贊二人稍南東西向立賓贊官陞自東階稍西向立內侍揭蓋袱樂作以盤捧翼善冠陞賓降階一等受之樂止賓右手執冠後左手執冠前進皇太子席前北面立祝曰吉月令



辰乃加元服懋敬是承永介景福樂作賓跪進冠興復位贊者跪正  
冠興立於賓後樂止禮部官啟易服皇太子入帷幄易新袍服出禮  
部官啟復坐鳴贊贊行再加冠禮樂作內侍揭蓋袱以盤捧皮弁陞  
賓降階二等受之樂止賓右手執皮弁後左手執皮弁前進如前儀  
祝曰冠禮申舉以成令德敬慎威儀維民之式樂作內侍釋翼善冠  
賓跪進皮弁興復位贊者跪正皮弁興立於賓後樂止禮部官啟易  
服皇太子入帷幄易皮弁服易出禮部官啟復坐鳴贊贊行三加冠  
禮樂作內侍揭蓋袱以盤捧冕旒陞賓降階三等受之樂止進如前  
儀祝曰章服咸加飭敬有虔永固皇圖於千萬年樂作內侍釋皮弁  
冠賓跪進冕旒興復位贊者跪簪結紘興立於賓後樂止禮部官啟  
易服皇太子入帷幄易袞服出禮部官啟復坐鳴贊贊行醮禮禮部

官啟皇太子詣醴席樂作禮部等官引皇太子降自東階由西階陞  
卽醴席南向坐樂止光祿寺官舉醴卓樂作引禮序班引賓贊詣盥  
洗所賓贊搯笏盥手訖出笏陞西階贊者取爵詣司尊所酌醴授賓  
賓執爵詣席前立樂止祝曰旨酒孔馨嘉薦載芳受天之福萬世其  
昌畢賓跪進爵鳴贊贊皇太子搯圭受爵置於案教坊司啟樂奏喜  
千春之曲次啟進酒皇太子舉爵飲訖奠爵於案樂止光祿寺官進  
饌樂作饌至案樂止饌訖贊出圭徹卓賓贊復位鳴贊贊受勅戒禮  
部官啟請皇太子詣受勅戒位禮部等官引皇太子降自西階由東  
階詣拜位樂作引禮序班引宣勅戒官詣皇太子拜位稍東西向立  
樂止稱有制鳴贊贊跪皇太子跪宣勅戒曰孝事君親友于兄弟親  
賢愛民居仁由義毋怠毋驕茂隆萬世樂作贊俯伏興四拜平身樂



止禮部官捧節出樂作禮部等官引皇太子送節至殿門外引還東序內侍引還宮持節及賓贊宣勅戒等官復命當日皇太子具冕服謁祭奉先殿用樂行禮如常儀畢詣太皇太后前謝詣皇后前謝詣上位前謝詣皇太子前謝俱行五拜三叩頭禮俱用樂次日早上位具皮弁服御華蓋殿鴻臚寺奏請陞殿文武百官具服稱賀詞曰皇太子冠禮既成禮當慶賀行五拜三叩頭禮畢就詣文華殿行賀皇太子禮錦衣衛陳設儀仗如常儀弘治八年以後同增謁祭奉慈殿用樂行禮如常儀嘉靖二十八年定皇太子冠以孝烈皇后几筵未徹先是遣內命婦告几筵如告廟之禮既冠謁祭几筵行禮如奉先殿但不用樂謁見所生皇妃行四拜禮亦不用樂冠之日原遣告廟官及內閣詹事府坊局官儀制司官俱入侍

功錦衣衛掌印官人侍衛節同前儀

卷之第六十五

禮部一十二

冠禮三皇太孫冠禮按永樂八年命皇孫監國稱皇長孫及行冠禮始稱皇太孫云永樂九年定前期二日各執事官於禮部習儀次日赴華蓋殿習儀前期錦衣衛設幕次於華蓋殿之東序鴻臚寺設掌贊宣勅戒等官位於殿內道之東北向西上設應行禮官屬位於內道東西上設護衛武官位於內道之西東上設諸執事起居位於武官位之東北向設通贊典禮二人位於殿內東西相向內侍設皇太孫冠席於殿內東南西向設醴席於西上南向張帷幄於東序內陳設衲褥於幄中又張帷於序外內侍陳服於帷內束領北上衮服九章翼善冠絳紗袍緇纒網巾犀簪三物同箱在服南櫛實於箱又在南司尊實醴於側尊加勺幕設於醴席之南設坫於尊東置二爵於



玷進饌者實饌設於尊北諸執事者皆立於其所冕九旒翼善冠緇  
 纒網巾各以箱盛是日早 上御奉天殿傳制遣官制詞曰朕皇太  
 孫某冠命卿等持節行禮傳制畢掌冠官持節至華蓋殿行禮候節  
 至禮部鴻臚寺等官詣東序啟皇太孫出迎殿門外贊禮導皇太孫  
 迎節至殿置於中設香案樂作贊禮贊皇太孫行四拜禮畢禮部等  
 官啟皇太孫詣冠席內侍二人夾侍皇太孫即席正南向樂止引禮  
 引賓贊以次詣盪洗樂作搯笏盥手悅手訖出笏樂止陞自西階執  
 緇纒及網巾者陞掌冠降一等受之進皇太孫席前北面立祝祝詞  
同東  
宮畢供奉官束髮掌冠跪加網巾樂作賓興席南北面立贊冠者北  
 面跪正之興立於掌冠後內侍跪進服訖樂止掌冠啟皇太孫復坐  
 執翼善冠者陞掌冠降二等受之右執項左執前進皇太孫席前北

面立祝

詞亦與  
東宮同

畢乃跪冠樂作掌冠興席南北面立贊冠進席前面

北跪正冠興立於掌冠後皇太孫興內使進絳紗袍服訖樂止掌冠

啟皇太孫復坐贊冠進席前北面跪脫翼善冠置於箱興內侍跪脫服

亦置於席執衮冕者陞賓降三等受之右執項左執前進皇太孫席

前北面立祝

詞亦與  
東宮同

畢乃跪冠樂作掌冠興席南北面立贊冠者進

席前北面跪簪結紘興立於掌冠後內侍跪進衮服訖樂止禮部等

官引皇太孫降自東階樂作由西階陞即醴席南向坐樂止引禮引

掌冠詣盪洗樂作搯笏盥手訖出笏陞西階樂止贊冠者取爵詣司

尊所酌醴授掌冠掌冠受爵跪進於皇太孫席前北面祝

詞亦與  
東宮同畢

皇太孫搯圭受爵樂奏喜千春之曲飲訖奠爵進饌者捧饌設於皇

太孫席前皇太孫饌訖出圭執事徹饌樂止禮部等官啟請引皇太



孫降自西階詣拜位樂作就位引禮引宣勅戒官詣皇太孫位稍東  
西向稱有制贊皇太孫跪樂止聽宣勅戒詞詞亦與東宮同樂作贊俯伏興  
四拜興平身樂止禮部官啟禮畢贊禮畢掌冠官持節出樂作禮部  
等官引皇太孫送節至殿門外引還東序內侍引還宮掌冠等官復  
命皇太孫當日謁廟畢就詣上位前謝及東宮前謝次日文武百  
官具朝服稱賀詞曰皇太孫冠禮既成禮當慶賀次詣文華殿稱賀  
次詣皇太孫前行賀禮親王冠禮洪武二十六年定前期三日各執  
事官於禮部習儀至日傳制遣官持節行禮前期儀衛司先設王邸  
在東序張帷幄設裯褥於序中又張帷於序外儀禮司設掌贊宣勅  
戒等官序立位於王邸東稍西向具九旒冕翼善冠絳紗袍等服弁  
網巾金簪二物各以箱盛候持節者至禮部儀禮司等官啟王出迎

門外贊禮導王行節入王邸置中庭樂作贊王詣香案前四拜畢禮  
部等官啟就冠席西南向內侍二人夾侍樂止引禮引賓贊以次詣  
壘洗樂作搯笏盥手樂止通贊典儀二人露臺東西向冠席在東序  
南西向醴席在西南向行禮之時諸執事官陞自東階稍西向掌冠  
者執網巾陞賓降一等受之進王席前稍北面立祝曰惟茲吉日冠  
以成人克敦孝友福祿來臻畢供奉官束髮掌冠跪進網巾樂作贊  
冠者跪正之興立掌冠後內侍跪進服訖樂止掌冠啟王復坐執翼  
善冠陞賓降二等受之右手執冠後左手執冠前進如前儀祝曰冠  
禮斯舉寔由成德敬慎威儀惟民之則畢跪進冠興樂作掌冠啟復  
坐贊冠進跪脫翼善冠興內使跪脫袍服執袞冕者陞賓降三等受  
之進如前儀祝曰冠至三加命服用章敬神事上永固藩邦跪進服



大典會典卷五十四 禮部  
興樂作贊冠跪簪結紘興立掌冠後王興內侍跪進衣服訖樂止禮部官引王降自東階樂作由西階陞醴席南向坐樂止引禮引掌冠詣罍洗樂作搯笏盥手訖陞西階樂止贊冠者取爵詣司尊所酌醴授賓賓跪進席前北面視曰旨酒嘉薦載芬載芳受茲景福百世其昌畢王指圭受爵樂奏喜千春之曲飲訖奠爵進饌訖出圭樂止引禮啟王降自西階詣東序易服訖請王詣拜位樂作引禮引宣勅戒官至中庭西向立稱有制王跪樂止宣勅戒曰孝於君親友於兄弟親賢愛民率由禮義毋溢毋驕永保富貴樂作俯伏興四拜興樂止禮部官啟禮畢樂作引王還樂止掌冠等官復命王是日謁廟畢就詣父皇及東宮前謝次日百官稱賀畢詣王府行叩頭禮成化二十三年更定前期各執事官於奉天門前東廡習儀三日鴻臚寺設王

冠所於奉天門前東廡左順門之北設節案香案各一於廡內之北正中設冠席於東階之上西向設醴席於西階之上東向光祿寺設司尊所一於東階之下稍南設盥洗所一於司尊所之南內侍設帷幄於香案之東冠席之後稍北俱西向帷中設坐椅几案各一別設案於東階之南司尊所之北具翼善冠皮弁九梳冕皆以盤盛紅袱覆之置於案具袍服皮弁服袞服圭帶舄等物皆以箱盛置於幄中案上教坊司設樂於南是日早皇上預告奉先殿畢具皮弁服御華蓋殿鴻臚寺奏請陞殿傳制遣官持節行禮文武百官各具朝服侍班如常儀至期內侍導王先於帷幄中坐候持節將至禮部官啟王迎節樂作禮部官同鴻臚寺卿導王出階下節至持節官捧節入置於北正中案上樂止王隨節入持節官立於節案之東賓及宣勅戒



宣祝等官序立於東南盥洗所之次禮部官鴻臚寺卿導王詣香案  
 前立樂作行四拜禮畢樂止禮部官啟王就冠席樂作禮部官同鴻  
 臚卿導王詣冠席坐樂止內侍二人侍立於王左右鴻臚寺鳴贊贊  
 行初加冠禮樂作引禮序班引賓詣盥洗所搯笏盥手訖樂止鳴贊  
 二員稍南北向立賓陞自東階稍西向樂作內侍搯蓋袂以盤捧翼  
 善冠陞賓降一等受之樂止賓右手執冠後左手執冠前詣王席前  
 稍東面立贊宣祝宣祝官祝曰祝詞與洪武年同祝訖樂作賓跪進冠訖興  
 復位樂止禮部官啟易服王入帷幄易新袍服出禮部官啟復坐鳴贊  
 贊行再加冠禮樂作內侍搯蓋袂以盤捧皮弁陞賓降二等受之樂  
 止賓以右手執弁後左手執弁前如前儀贊宣祝宣祝官祝曰詞與前同  
 祝訖樂作內侍釋翼善冠賓跪進皮弁訖興復位樂止禮部官啟易

服王入帷幄易皮弁服鳥出禮部官啟復坐鳴贊贊行三加冠禮樂  
 作內侍搯蓋袂以盤捧冕旒陞賓降三等受之樂止進如前儀贊宣  
 祝宣祝官祝曰詞與前同祝訖樂作內侍釋皮弁賓跪進冕旒訖興復位  
 樂止禮部官啟易服王入帷幄易衮服出禮部官啟復坐鳴贊贊行  
 醮禮禮部官啟王詣醴席樂作禮部官同鴻臚寺卿引王降自東階  
 由西階陞醴席東向坐樂止光祿寺官舉醴卓置於前樂作引禮序  
 班引賓詣盥洗所搯笏盥手訖取爵詣司尊所酌醴由西階陞詣席  
 前立樂止贊宣祝宣祝官祝曰詞與前同祝訖賓跪進爵鳴贊贊王搯圭  
 受爵置於案教坊司啟樂奏喜千春之曲次啟進酒王舉爵飲訖奠  
 爵於案賓興樂止光祿寺官進饌大樂作饌至案樂止饌訖贊出圭  
 徹卓賓復位鳴贊贊受勅戒禮部官啟王詣受勅戒位禮部官鴻臚



寺卿引王降自西階由東階詣拜位立樂作引禮序班引宣勅戒官  
 至庭中西向立樂止稱有制鳴贊贊王跪宣勅戒詞與前同樂作王俯伏  
 興四拜興樂止鴻臚寺卿啟禮畢持節官捧節出王送出門外節行  
 至階下內侍引王還帷中釋袞冕具翼善冠服回宮持節及賓贊宣  
 勅戒等官復命是日王具冕服謁祭奉先殿用樂行禮如常儀仍具  
 冕服謁見皇太后畢謁見皇上皇后俱行五拜三叩頭禮次謁皇妃  
 東宮及妃各行四拜禮皆用樂次日早皇上常服陞金臺百官常服  
 稱賀致詞云皇子某王冠禮已成禮當稱賀行五拜三叩頭禮畢是  
 日朝罷司禮監請王具常服詣奉天門前東廡坐百官常服行四拜

禮嘉靖二十八年裕王景王冠禮萬曆五年潞王冠禮  
 禮儀俱同但賓自致祝不用宣祝官百官稱賀俱吉服

卷之第六十六

禮部二十四

冠禮四品官冠禮洪武二年定前期擇日主者告於家廟無廟則告  
 於祠堂北面再拜告云某之子某年漸長成將以某月某日加冠於其  
 首謹以告乃筮賓主者北面再拜告云卜以某甲子吉冠某速某賓  
 加冠庶幾臨之謹告前二日主者戒賓及贊冠者主者至賓大門外  
 掌次者引之次僮者受主者之命入告賓曰某之子某將加冠願吾  
 子教之賓曰某不敏不能供事以辱吾子敢辭主者曰某猶願吾子  
 教之賓曰吾子重有命某敢不從主者再拜賓答拜主者還賓拜送  
 主者戒贊冠者亦如之亦通使子弟戒之前一日掌事者設次於大門外之  
 右南向其日夙興掌事者設洗於堂阼階東南東西當東雷六品以下當東  
 榮南北以堂深壘水在洗東加勺幕籠在洗西南肆實巾一於籠加  
 幕席於東房內西牖下無房者張帷為之陳服於席東領北上莞筵



四加藻席四在南側身無醴在服北加幕設坫四品以下設篚無坫  
 在尊北饌陳於坫北設洗於東房近北疊水在洗西篚在洗西北肆  
 實以巾質明賓贊至於主者大門外掌次者引之次賓贊公服諸行  
 事者各服其服無公服者服常服執尊疊篚者皆就位其冠各一箱  
 各一人執之侍於西階之東東面北上設主者之席於阼階上西面  
 賓席於西階東面冠者席於主者東北西面主者公服立於阼階下  
 當東序西面諸親公服非公服者常服立於疊洗東南西面北上尊  
在別儻者公服立於門內道東北面將冠者雙童髻空頂幘雙玉導  
室皮履六品以下皮履六品以下立於房內南面主者贊冠者公服立於房內戶東西面  
 賓及贊冠出次立於門西贊冠者少退俱東面北上儻者進於主者  
 之左北面受命出立門東西面曰敢請事賓曰某子有嘉禮命某執

事儻者入告主者迎賓於大門外之東西面再拜賓答拜凡主賓拜揖皆贊禮

者相主者揖贊冠者贊冠者報揖主者又揖賓賓報揖主者入賓及

贊冠者次入及內門行至階主者立於階東西面賓贊立於階西東面主者請陞賓曰某

備將事敢辭主者固請賓固辭主者終請賓三辭主者陞自阼階立

於席東西向賓陞自西階立於席西東向贊冠者及庭盥於洗陞自

西階入於東房立於主者贊冠者之南俱西面主者贊冠者引將冠

者立於房外之西南面賓之贊冠者取纒櫛簪跪奠於冠者筵南端

席北稍東西面立賓揖將冠者賓主俱即席坐將冠者進陞席西南

坐賓之贊冠者進筵前東面跪脫雙童髻置於箱櫛畢設纒興復位

立賓主俱興賓降至疊洗盥手訖詣西階主者立於席後西面賓立

於西階上東面執緇布冠者陞授賓賓降一等受之右執項左執前



進將冠者筵前東向立祝曰令月吉日始加元服棄爾幼志慎爾成  
德壽考維祺介爾景福乃跪冠興復西階上席後東面立賓之贊冠  
者進筵前東面跪結纓興復位冠者興賓揖冠者冠者適房賓主俱  
坐冠者著青衣素裳之服出房戶西南面立賓主俱興賓揖冠者冠者進陞  
席西向坐賓之贊冠者跪脫緇布冠置於箱櫛畢設纓興復位執進  
賢冠者陞賓降二等受之右執項左執前進冠者筵前東向立祝曰  
吉月令辰乃申爾服恭爾威儀淑慎爾德眉壽萬年永受胡福乃跪  
冠興復位賓之贊冠者跪設簪結纓興復位冠者興賓揖冠者冠者  
適房賓主俱坐冠者著絳紗服出自房戶西南面立賓主俱興賓揖冠者  
冠者進陞席西向坐賓之贊冠者跪脫進賢冠置於箱櫛畢設纓興  
復位執爵弁者陞賓降二等受之右執項左執前進冠者筵前東向

立祝曰以歲之正以月之令咸加爾服兄弟具在以成厥德黃耆無  
疆受天之慶乃跪冠興復位賓之贊冠者跪設簪結纓興復位冠者  
興賓揖冠者適房賓主俱坐主者贊冠者徹纓櫛簪箱及筵入於房  
又設筵於室戶西南向冠者著爵弁之服出房戶西南面立賓主俱興主  
者贊冠者盥手洗觶於房酌醴出房南面立賓揖冠者冠者就筵西  
南面立賓進受醴進冠者筵前北面立祝曰其醴維厚嘉薦令芳拜  
受祭之以定爾祥承天之休壽考不忘冠者筵西拜受觶賓復西階  
上東面答拜執饌者奉饌薦於冠者筵前冠者左執觶右取脯祭於  
邊豆之間贊冠者取肺一以授冠者冠者奠觶於薦西以祭冠者坐  
取觶祭醴奠觶再拜執觶興賓答拜賓主俱坐冠者陞筵跪奠觶於  
薦東興進北面跪取脯降自西階入見毋進奠脯於席前退再拜以



出冠者毋不在則使人受脯於西階下初冠者入見毋賓主俱興賓降當西序東面立主者降當東序西面立冠者既見毋出立於西階東南面賓少進字之曰禮儀既備令月吉日昭告爾字爰字孔嘉髦士攸宜宜之於嘏永受保之曰伯某甫冠者曰某雖不敏夙夜祇奉賓出主者送於內門外主者西向請賓曰吾子辱執事請禮從者賓曰某得將事敢辭主者固請賓曰某既不得命敢不從賓就次主者入初賓出冠者東面見諸親諸親拜之冠者答拜冠者西面拜賓之贊冠者賓之贊冠者答拜訖見諸尊於別室賓主既釋服改席訖賓興衆賓俱出次立於門西東面主者出門東西面主者揖賓賓報揖主者先入賓及衆賓從之至階賓立於西階上贊冠者在北少退俱東面主者立於東階上西面衆賓降立於西階下東面掌事者以幣

篚陞授主者主者授幣篚於賓賓受之又以幣篚授贊冠者贊冠者受之俱復位主者還阼階上北面拜送賓贊降自西階主者送賓於大門外之東西面再拜賓出主者入孤子則諸父諸兄戒賓冠之日主者紒而迎賓拜揖讓如冠主冠於阼階之下禮賓拜送皆如上儀明日見廟冠者朝服質明贊禮者引入廟南門中庭道西北向贊再拜訖引出士庶冠禮洪武三年定凡男子年十五至二十皆可冠將冠筮日筮賓於祠堂戒賓俱同品官儀是日夙興張帷爲房於廳事之東賓主人執事者皆盛服設盥於阼階下東南陳服於房中西牖下東向北上席二在南酒壺在服北次盞注置於卓幘頭帽巾各盛以盤蒙以巾帕執事者三人捧之立於堂下西階之西南向東上主人立於阼階下子弟親戚立於盥東賓者立於門外以俟賓將冠者雙



紵袍勒帛素履待於房中賓至主人出迎揖而入坐定將冠者出於房執事者請行事賓之贊者取櫛總篋幪頭置於席南端賓揖將冠者將冠者即席西向坐賓之贊者為櫛合紵施總加幪頭賓主皆降主人立於阼階下賓盥訖主人揖讓陞自西階皆復位執事者以巾進賓降西階一等受之詣冠者席前東向祝云跪為著巾興復位冠者興賓揖冠者適房易服服深衣大帶出房即冠席賓盥訖降二等受帽進祝贊者徹巾賓跪冠興復位冠者興賓揖冠者入房易服服襴衫腰帶出房即冠席賓盥訖降三等受幪頭進祝二祝皆同贊者徹帽加幪頭復位冠者興賓揖冠者適房易公服出房執事者徹冠席入帷中更設醴席於西階南向贊者酌醴出房立於冠者之南賓揖冠者即醴席西立賓受醴詣席前北面祝同品冠者於席西拜

受賓答拜執事者薦饌冠者即席坐飲食訖再拜賓答拜冠者離席立於西階之東南向賓字同冠者拜賓答拜冠者拜父母父母為之起拜諸父之尊者遂出見鄉先生及父之執友先生執友皆答拜訖賓退主人請禮賓賓辭固請許諾乃入設酒饌延賓及備贊者賓退主人酬賓贊侑以幣乃拜謝禮畢主人以冠者見祠堂告曰某之子某冠畢敢見冠者北面焚香再拜出

卷之第六十七

禮部二十五

婚禮一 天子納后先遣官祭告天地宗廟天子臨軒命使行六禮東宮納妃則先告廟其詳在大明集禮正統中英宗納后成化末年孝宗在東宮納妃皆遵用舊儀而稍有所損益今備載其親王公主婚禮亦附列焉皇帝納后儀 正統七年定萬曆六年新定儀注有損益者附注本文之下 納采



問名前期擇日遣官告天地宗廟至期前一日所司設御座於奉天殿鴻臚寺設制案節案於御座前

新儀改節案於制案之前下倣此

內官監禮部陳

禮物於文樓下教坊司設中和樂於殿內至期早錦衣衛設鹵簿於丹陛丹墀禮部陳禮物於丹陛上及文樓下內官監設采輿於奉天

門外教坊司設大樂於奉天門內鼓三嚴鐘止鴻臚寺奏請陞殿

上具冕服導駕奉引如常儀陞座文武官朝服叩頭訖左右侍班執事引正副使朝服就拜位行四拜禮傳制官奏傳制訖由東門出執

事舉制案節案由中門出置丹墀中道禮物在丹陛上者隨之傳制

官宣制曰茲選某官某女為皇后命卿等持節行納采問名禮正副

使又行四拜禮鴻臚寺奏禮畢

上輿新儀改禮畢上輿在禮物隨出之後

引禮引

制案節案用傘蓋護由奉天門中門出執事引文樓下禮物隨出

至奉天門外正副使取節及制書置采輿中儀仗大樂前導從中門

中道行出入明門外正副使易吉服乘馬行詣皇后第行禮皇后第

前一日設正副使幕次於大門外左南向設香案於正堂中設制案

節案於香案南別設案於香案之北其日正副使至大門外儀仗大

樂分列置采輿於正中設制案節案於采輿北引禮引正副使入幕

次執事官陳禮物於正堂正副使出幕次取制書置案上禮官一員

先入正堂立於東主婚者朝服出見立於西禮官曰奉制建后遣使

行納采問名禮引主婚者出迎引禮引正副使捧制書及節先行主

婚者隨行至正堂置制書及節於案正使立於案左副使立於案右

東西相向引禮引主婚者就拜位行四拜禮詣案前跪正使取納采

制宣訖授主婚者主婚者受之授執事者執事者跪受置于北案上



稍左副使取問名制宣訖授主婚者主婚者受之授執事者執事者  
跪受置于北案上稍右主婚者俯伏興平身執事者舉荅問名表案  
于主婚者後少西取表授主婚者主婚者受表跪授正使正使受置  
于案主婚者俯伏興平身退就拜位又行四拜禮畢正副使出置表  
采輿中訖新儀改正副使持節隨表案後出各置采輿中訖主婚者出大門外至正副使前  
致詞云請禮從者正副使復入酒饌畢主婚者捧幣帛以勞正副使  
正副使出主婚者送至大門外正副使進發采輿于大明等門左門入  
至奉天門外以表節授司禮監官捧入復命制詞朕承天序欽紹鴻  
圖經國之道正家爲本夫婦之倫乾坤之義實以相宗祀之敬協奉  
養之誠所資維重祇遵 聖祖母太皇太后 聖母皇太后命遣使  
持節以禮采擇右納采朕惟夫婦之道大倫之本正位乎內必資名家

特遣使持節以禮問名尚佇來聞右問名附荅辭臣伏承嘉命正使某

官某等重宣制詔問臣名族臣女臣夫婦所生先臣某官某之玄孫

先臣某官某之曾孫先臣某官某之孫先臣某官某之外孫臣女今

年若干謹具奏聞納采問名禮物玄纁紵絲四段玄色二段 纁色二段金一百

兩花銀八百兩瓊珠五樣紵絲八十疋大紅線羅四疋白生土紗四

疋各色熟絹八十疋綿臙脂一百箇蠟臙脂二兩用金合二箇珠兒粉十

兩問合紵絲六疋木紅絹六疋珠翠花一朶羊八隻豬四口酒一百

六十瓶鷺四十隻末茶二十袋圓餅一百六十箇白熟米四石白麩

八十袋棗子四合栗子四合木彈四合納吉納徵告期前一日所司設

制案節案禮物中和樂至期早設鹵簿采輿大樂新儀改設中和樂大樂俱在前一日

傳制遣使並同前納采問名儀但納徵用玄纁束帛六馬等物制詞



云茲聘某官某女為皇后命卿等持節行納吉納徵告期禮皇后第  
 前一日設正副使幕次香案制案節案別設案並同前受納采問名  
 儀惟更設玉帛案其日正副使至皇后第於采輿中取節及制書玉  
 帛置案上少候執事先設皇后冠服諸禮物於正堂六馬陳于堂下  
 禮官一員入正堂主婚者朝服出見禮官曰奉制聘皇后新儀無遣  
 使行納吉納徵告期禮主婚者出迎執事舉玉帛案前行正使於案  
 取納吉納徵制書捧之副使取告期制書及節捧之次行主婚者後  
 隨新儀改正使捧節副使捧納吉納徵告期制書至正堂正副使各以制書及節置案上退  
 立案之左右相向置玉帛案于節案制書案之南引禮引主婚者就  
 拜位行四拜禮引詣案前跪正使取納吉納徵制書以次宣訖授主  
 婚者主婚者受制以授執事者執事者跪受置于北案正使捧主婚者

婚者主婚者受主以授執事者執事者跪受置于北案副使捧玄纁  
 授主婚者主婚者受以授執事者執事者跪受置于北案副使取告  
 期制書宣訖授主婚者主婚者受制以授執事者執事者跪受置于  
 北案主婚者俯伏興平身復位行四拜禮畢正副使持節出以節置  
 采輿中主婚者出門外請禮從者及捧幣勞正副使俱同前正副使  
 還至奉天門外以節授司禮監官捧入復命制詞大婚之下龜筮卿  
 士協從敬循禮典遣使持節告吉右納卿女有貞靜之德稱母儀之  
 選宜共承天地宗廟特遣使持節以禮納徵右納歲令月良吉日某  
 甲子大婚維宜特遣使持節以禮告期右告納吉納徵告期禮物玄  
 纁玄色二纁玄色二玉穀圭一枝金龍珠翠燕居冠一頂金簪燕居  
 服素夾四件紵絲一件線羅二件銀絲紗一件大帶各色線羅四條玉



革帶一條金事玉花采結綬一副金事玉佩玎璫一副金鈎金玉雲

龍霞帔墜頭一箇金釵花釧一雙金素釧一雙金連珠鐲一雙首飾

一副天順八年珠面花二副翠面花二副四珠葫蘆環一雙八珠環

一雙排環一雙玉禁步一副青素紵絲滴真珠描金雲龍鳥一雙青羅

珠翠花四朶翠花四朶珠兒粉十兩蠟臙脂二兩金合金鑲合香

串一副金八百兩花銀二千六百兩寶鈔二千錠白綿五十斤五樣

玊珠二十八兩紵絲八十疋銀絲紗八十疋素線羅八十疋大紅素

線羅八疋熟綾八十疋妝花絨錦四十段白生闊土紗八疋各色熟

絹二百八十疋各色衣服七十件紵絲二十件紗十八件各色被六

牀錦二牀紵絲白絹卧單四條裁刺紵絲紗羅錦二束朱紅漆戩金

皮箱三十對翟服匣一座朱紅漆柳箱二對擊執宮人用衣帽等件

九十六件紅綠平羅銷金衣二十四件硬翠竹葉烏紗帽二十馬十

二匹大紅熟絹銷金蓋馬袂十二條乘開合紵絲八疋木紅熟絹八

疋珠翠花一朶抹金銀羊五十二隻酒三百四十瓶豬三十二口鷄

六十四隻末茶六十四袋圓餅一千二百箇白麩二百四十袋膠棗

四合栗子二合榛子二合木彈二合胡桃二合響糖四合纏碗四合

蓮肉纏四合杏仁纏四合磁砂纏四合祭門奉迎前一日所司設樂

儀仗如常儀至期早鴻臚寺設制書案節案冊案寶案於御座前禮

部陳薦及禮物於丹陛上內官監設采輿於奉天門外陳設皇后鹵

簿車輅禮物於采輿南其傳制遣使並同前納采問名儀但改制詞

云茲冊某官某女為皇后命卿等持節奉冊寶行奉迎禮其節及制

書冊寶用傘蓋遮護從中門出執事舉薦及禮物隨行正副使亦隨



行詣皇后第行禮其奉迎用旗手衛鼓吹前導設而不作教坊司作樂如常是日內官設皇后幕次於內殿南北向設上與皇后各更服處於內殿皇后第前一日設正副使幕次於大門外南向設香案

制書案節案冊寶案於正門中又設香案制書案節案於正堂別設

案於正堂北新儀改制案節案別設案俱設於正堂北其日正副使至於采輿中取節及

制書冊寶置案上入次少候女官奉皇后首飾禕服入中堂左新儀改入

中堂內官陳儀仗車輅等物於大門內禮官一員先入主婚者朝服

出見禮官曰奉制冊后遣使持節奉冊寶行奉迎禮主婚者出迎執

事者舉冊寶案前行正副使捧制書及節次行執事者執鴈及禮物

隨入主婚者從行至正堂正副使置制節於案執事者置冊寶案於

制案節案之南冊東寶西正使立於案左副使立於案右相向引禮

引主婚者就拜位行四拜禮退立於西南女官以首飾禕服進皇后

內官進皇儀仗於中堂前設女樂於堂下作止如常儀司禮監官

進前受節冊寶正副使於案取節冊寶授之仍前立候內贊二人引

捧節冊寶監官入中堂前各置於案皇后具服出閣女官及宮人擁

護詣香案前向闕立內贊贊行四拜禮贊宣冊贊跪皇后跪宣冊官

取冊立宣於皇后之左訖贊受冊贊指圭宣冊官以冊進授皇后皇

后受冊以授女官女官跪受立於西贊宣寶宣寶官取寶立宣於皇

后之左訖贊受寶宣寶官以寶進授皇后皇后受寶以授女官女官

跪受立於西贊出圭贊興又贊四拜禮畢皇后入閣持節監官由正

門出授正副使報受冊寶禮畢正使受節置案上引禮引主婚者詣

案前跪正使取奉迎制宣訖授主婚者主婚者授執事者執事者跪



受置於北案執事者以馮及禮物進副使以次受之授主婚者主婚者授執事者執事者皆跪受置於案又贊四拜禮畢正副使持節出大門外置節采輿中主婚者請禮從者及以幣勞正副使同前司禮監官嚴整鹵簿復以奉迎禮入達於女官女官奏請皇后冠服出閣女樂前導宮人擎執擁護自東階下立香案前內執事贊四拜畢請皇后陞堂南向立主婚者進立於皇后之東西向日戒之敬之夙夜無違命畢退立於東階西向母進立於皇后之西東向施衿結帨曰勉之敬之夙夜無違畢退立於西階東向執事奏請乘輿皇后降階陞輿侍從如儀內執事導從出門奉迎儀仗大樂前行采輿次行正副使隨行司禮監官擁導皇后鹵簿開寶采輿行宮人乘轎內宮內使衛護從大明門中門入文武百官具朝服於承天門外東西向立

班迎候輿入承天門退皇后輿輅至午門外鳴鐘鼓鹵簿止正副使以節授司禮監官先復入命捧冊寶官捧冊寶傘扇儀仗女樂前導宮人擁護皇后輿由奉天門進內庭幕次捧冊寶監官以冊寶授女官皇后出輿由西階進 上由東階降迎於庭揖皇后入內殿內侍請 上詣更服處具袞冕女官請皇后詣更服處更禮服 上同皇后詣奉先殿行禮捧冊寶女官以冊寶置皇后宮中內官以皇后輿輅鹵簿入午門過御橋由中右門進皇后宮中發冊奉迎禮物串五大紅紵絲二疋 天順八年加串五各色紵絲三十二疋各色熟絹三十二疋花銀四百兩 金冊一副金寶一副冠一頂首飾一副翟服一副大衫三件 紵絲一件羅一件紗一件 鞞衣繡四件 紵絲一件羅一件紗一件 霞帔各色羅繡三副鳥一雙 鞞珍一件全 駕一副鴈一隻 天順八年加 羊十二隻 天順八年加十二隻 酒六十瓶 天順八年加六十瓶 膠棗二合 天順八年加二



合栗子二合天順八年加二合木彈二合天順八年加二合胡桃二合天順八年加二合廟見是日

早內官於奉先殿陳設牲醴祝帛畢候上同皇后至贊引引就拜

位上在東皇后在西行禮如常儀祭畢還宮合是日內官先於正

宮殿內設上座於東皇后座於西相向置酒案於正中稍南置四

金爵兩盞於案上候謁奉先殿還內侍女官請上與皇后各就更

服處上服皮弁服陞內殿皇后更衣從陞贊請陞座執事者舉饌

案於上與皇后前女官司尊者取金爵酌酒以進飲訖女官進饌

舉饌訖女官再取金爵酌酒以進飲訖進饌舉饌畢女官以盞盃酌

酒合和以進飲訖又進饌舉饌畢內侍奏禮畢上同皇后與內侍

女官執事奏請上與皇后就更服處易常服皇帝從者餞皇后

之饌皇后從者餞皇帝之饌朝見兩宮第二日早上冕服皇后

禮服詣某宮俟某宮禮服陞座贊引引上與皇后詣某宮前宮人

以服脩盤立於皇后左贊禮贊上與皇后皆四拜執事二人舉案

至某宮前正中宮人以服脩盤授皇后皇后捧置於案上執事女官

舉案皇后隨案進至某宮前皇后復位贊禮贊上與皇后皆四拜

執事者舉服脩案徹於西贊禮畢皇后還宮謝恩第三日早上冕

服皇后禮服同詣某宮前行八拜禮訖皇后詣內殿俟上服皮弁

服陞座贊引女官引皇后禮服詣上前就拜位行八拜禮畢皇后

還宮陞座引禮引在內親屬贊八拜禮次引六尚等女官贊八拜禮

次引各監局內官內使行八拜禮畢降座入閣是日上受皇后謝

恩禮畢出具服御奉天殿頒詔布告中外行禮如常儀受賀第四日

文武百官具朝服上表慶賀陳設如常儀上具衮冕御華蓋殿親



王行八拜禮慶賀次執事官行五拜三叩頭禮畢鴻臚寺奏請陞殿

新儀改親王行禮畢鴻臚寺官候王退奏執事官行禮畢奏請陞殿導駕官前導百官進表行禮如常

儀其親王行禮畢詣內殿某宮前皇后前俱行慶賀八拜禮出是日

某宮具禮服陞內殿受內外命婦慶賀禮外命婦進表如常儀皇后

禮服陞殿受內外命婦慶賀禮外命婦進箋如常儀盥饋第五日清

晨尚膳監具膳羞皇后具禮服詣某宮俟膳至贊引引皇后詣前贊

四拜尚食以膳授皇后皇后捧膳進於案復位贊四拜贊引引皇后

退立於西南俟膳畢引出還宮選用宮人洪武二十九年定所取女

子除富豪不用其餘不問貧難之家女子年十五二十歲者送進灑

掃宮院曬晾幔褥漿糲衣服造辦飯食許各家父母親送賞鈔五十

錠其在京軍民之家有女子及無夫婦人能寫能算者不論貧富醜

陋皆許進用賞與前同不許將體氣惡疾及已曾進到者一槩進來

○三十五年以補六尚官令禮部出榜不分軍民之家但有識字婦

人年三十至四十願來者有司起送若女子識字雖容貌醜陋年十

七八已上願來者聽一體應付脚力赴京選用俱本父母親自送來

給與賞賜照依所授品級給俸以厚其家仍免本家雜泛差役其婦

人入宮後年至五十願還鄉者聽女子入宮十數年後有識字人替

用願回鄉及適人者聽從其便女官所管皆宮中事務不過紀錄名

數物件而已別無艱難此等識字婦人若鄉里耆老鄰人舉保出來

有賞嘉靖十三年題准女子選入內庭例應收充女戶者舍餘於原

衛民籍於錦衣衛帶管食糧各止終身不許朦朧影射差役



大日會典卷五十一  
禮部  
婚禮二皇太子納地儀成化二十二年定納采問名前期擇日遣官  
告太廟牲用饋各一用祝文至期前一日所司設御座于奉天殿鴻  
臚設制案節案于御座前內官監禮部陳禮物於文樓下教坊司設  
中和樂於殿內至日清晨錦衣衛設鹵簿於丹陛丹墀禮部設采輿  
教坊司設大樂俱於奉天門外 上具袞冕御華蓋殿鴻臚寺奏執  
事官行叩頭禮畢請陞殿導駕奉引如常儀 上御奉天殿文武官  
朝服叩頭訖執事官引正副使朝服就拜位行四拜禮傳制官奏傳  
制訖由左門出執事官舉制案節案亦由左門出傘蓋遮護置丹墀  
中道傳制官宣制曰茲擇某官某女爲皇太子妃命卿等持節行納  
采問名禮正副使又行四拜禮鴻臚寺奏禮畢 上與引禮引制案  
節案由奉天門左門出執事官引文樓下禮物隨出至奉天門外正  
副使取節制書置采輿中儀仗大樂前導從二門行出東長安門外

正副使易吉服乘馬隨行詣皇太子妃家行禮皇太子妃家前一日  
設正副使幕次於大門外道左南向設香案於正堂中設制案節案  
于香案南別設案於香案之北其日正副使至大門外儀仗大樂分  
列置采輿於正中設制案節案於采輿北引禮引正副使入幕次執  
事官陳禮物於正堂正副使至幕次取節制書置案上禮官一員先  
入正堂立於東主婚者朝服出見立於西禮官曰奉制聘皇太子妃  
遣使行納采問名禮引禮引主婚者出迎引禮引正副使捧節及制  
書先行主婚者隨行至正堂置節及制書於案正使立於案左副使  
立於案右引禮引主婚者就拜位行四拜禮詣案前跪正使取納采  
制宣訖授主婚者主婚者受之授執事者置於北案上稍左副使取



問名制宣訖授主婚者王婚者受之授執事者置於北案上稍右主  
 婚者俯伏興平身執事者舉荅問名表案於主婚者後少西取表授  
 主婚者主婚者受表跪授正使正使置表於案主婚者俯伏興平身  
 退就拜位又行四拜禮畢正副使出置表采輿中訖主婚者至正副  
 使前致詞云請禮從者酒饌畢主婚者奉幣以勞正副使正副使出  
 主婚者送至大門外正副使進發采輿於東長安門入至奉天門外  
 以節表授司禮監官奏聞復命納采問名禮物玄纁紵絲二疋玄一疋纁一疋  
 一疋用紅綠羅銷金束子六箇 金六十兩環珠十兩用紅綠羅銷金束子六箇 花銀六百兩各色  
 紵絲四十疋用紅綠羅銷金束子一百二十箇 裏絹四十疋大紅羅四疋用紅綠羅銷金束子  
 十二箇 生紗四疋用紅綠羅銷金束子十二箇 綿臙脂一百箇金花臙脂二兩用抹  
 一對計鉛粉二十袋計一十兩重用紅綠羅銷金束子六箇 比羊六牽用紅綠羅銷金束子  
 六兩重

六條并牽羊 紅麻索六條 豬四口鷺二十八隻酒一百二十瓶用紅綠羅銷金小蓋瓶一百二十條  
 每條墜角 銅錢四箇 圓餅一百二十箇用紅紙花貼面 末茶一十二袋用紅綠羅銷金袋一十二箇  
 棗二合栗二合胡桃二合木彈二合白熟米四石作八合每合上 麩六十袋用紅紙花貼面 媒人紵絲二疋用紅綠羅銷金束子六箇 裏絹二疋開合紵絲二疋用紅綠羅銷金束子六箇 裏絹二疋珠翠花一朶○以上禮物媒人并內官一員送至妃家媒人就引妃家回奉禮物從東華門入如命官則 皇帝前復命外命婦則皇后前復命納徵告期冊封先期一日遣官告太廟所司設制案節案册案妃冠服禮物中和樂至日清晨設鹵簿采輿大樂傳制遣使禮儀並同前納采問名儀但設妃儀仗車輅於左順門外候禮物過隨行又改制詞云茲擇某官某女為皇太子妃命卿等持節行納徵告斯冊封禮皇太子妃家前一日設正副使幕



次香案制案節案册案玉帛案並同前受納采問名儀但納徵用玄纁束帛穀圭八馬等物其日正副使至皇太子妃家於采輿中取節制書册玉帛置於案少候執事先設皇太子妃冠服諸禮物於正堂八馬陳於堂下禮官一員先入正堂主婚者朝服出見禮官曰奉制封皇太子妃遣使行納徵告期册封禮主婚者出迎執事舉玉帛册案前行正使於案取節及納徵制書副使取告期制書捧之以次行主婚者後隨至正堂正副使各以節制書置於案退立於案之左右東西向置玉帛册案於制書案之南引禮引主婚者就拜位行四拜禮引詣案前跪正使取納徵制書宣訖授主婚者主婚者受之以授執事者執事者跪受置於北案正使捧圭授主婚者主婚者受之以授執事者執事者跪受置於北案副使捧纁授主婚者主婚者受之

以授執事者置於北案畢副使取告期制書宣訖授主婚者主婚者受之以授執事者置於北案主婚者俯伏興平身復位行四拜禮畢正副使入次少候女官捧皇太子妃首飾冠服入中堂左內官陳儀仗車輅等物於大門之內女官以首飾冠服進皇太子妃內官進皇太子妃儀仗於中堂前司禮監官進前受節册正副使於案取節册授之仍前立候內官二人引捧節册監官入中堂前各置於案皇太子妃具服出閣女官及宮人擁護詣香案前向闕立贊禮女官贊行四拜禮贊宣册贊跪皇太子妃跪宣册女官取册立宣於妃左訖贊受册贊指圭宣册官以册進授皇太子妃妃受册以授女官女官跪受於右立於西贊出圭興四拜禮畢皇太子妃入閣持節監官由正門出授正副使報受册禮畢正副使出大門外置節采輿中主婚者



請禮從者及以幣勞正副使正副使還至奉天門外以節授司禮監

官捧入復命納徵禮物玉穀圭一枝裏玉圭錦袋二件盛玉圭雲鳳朱紅小匣一箇內錦褥一

片玄纁紵絲四疋玄二疋纁二疋用紅綠珠翠燕居冠一項冠上金

珠博鬢結子等項全金鳳二箇金寶鈿花二冠上金大衫素夾三件大紅紵

大紅線羅一件大燕居服四件大紅紵絲一件大紅線羅一件大帶

紅銀線紗一件大四條內大紅線羅一條青線羅一件玉革帶一條玉事件九件玉花朵結綬一副紅

線羅采結大紅線羅繫帶采結上玉綬花一箇綬帶上玉事件三件白玉鈎碾鳳

玉墜珠六顆綬帶上金垂頭花板四片金葉兒六箇

文佩一副玉事件二十件紅羅銷金夾袂大小五條包燕居及玉

珠翠面花四副珠翠花四枝金脚八金脚四珠環一雙金脚五梅花

環一雙金脚五金釵花釧一雙兩重金光素釧一雙兩重金龍頭連

珠鐲一雙兩重金八寶鐲一雙八兩重外寶金二百兩九成色

色一花銀一千兩環珠十六兩用紅綠紗銷寶鈔四千貫乘馬八匹

紅籠頭錦各色紵絲六十疋用紅綠羅銷金束各色綾六十疋用紅

銷金束十各色紗六十疋用紅綠羅銷金束各色羅六十疋用紅

百八十箇各色錦四十段用紅綠羅銷金束大紅羅六疋用紅綠

束子一生紗六疋用紅綠羅銷金各色絹三百疋白綿二十八斤各

色衣服五十三件紵絲十八件羅十七各色被六牀綿二牀紵絲白

絹卧單四條朱紅戧金皮箱十五對朱紅漆柳箱二對臘脂二合二

兩重金令一對鉛粉二十袋一十兩重用紅綠羅銷北羊四十牽用

綠羅銷金蓋袱四十箇豬二十口鶩四十隻酒二百四十瓶用紅綠

牽羊紅麻索四十條末茶四十袋用紅綠羅銷響糖二合芝麻纒

蓋袱二百四十條每條墜角折二銅錢四箇糖二合茶纒糖二合砂仁纒糖二合胡桃纒糖二合木彈二合蜜煎

糖二合茶纒糖二合砂仁纒糖二合胡桃纒糖二合木彈二合蜜煎



二合棗子二合乾葡萄二合胡桃二合圓餅六百箇用紅紙花貼面白麩一

百二十袋用紅紙花貼面紅紗罩蓋大小一十二箇開合紵絲八疋用紅羅銷金

束子二用紅羅銷金紅絹八疋珠翠花一朵媒人紵絲一十二疋用紅羅銷金

發用禮物金冊一副兩葉計足色金一百兩重每葉高一尺二寸闊

絲縑墊用錦襦一箇紅絹裏裏用紅羅銷金小夾袂一條渾金歷扮

雲鳳冊蓋一箇內用紅紵絲發襯花銀釘較一副一兩二錢重嵌金

絲鐵鎖鑰一副覆蓋紅九暈四鳳冠一頂首飾一副冠上大花九樹

羅銷金大夾袂一條博鬢描金珠早羅額珠眉心珠牌翟衣三套描金雲鳳沈香色木匣

紵紗繡翟衣一件青紵絲繡蔽膝青線羅繡翟衣一件青線羅繡蔽

一件玉色線羅中單一件紅綠襪一件青紗繡蔽膝一件霞帔三副青紅線

線羅中單一件青紗繡翟衣一件青紗繡翟衣一件玉色紗中單一件白玉鈎碾鳳文佩一副玉

大帶一條上有青紵絲副帶一條五色線白玉鈎碾鳳文佩一副玉

錦綬一副上有玉環二箇青紅羅禾結全白玉鈎碾鳳文佩一副玉

件二十件串珠全金鈎子并白玉革帶一副青紵絲裏鞋描金文翟

圈二箇五色線錦襯一副白玉革帶一副青紵絲裏鞋描金文翟

件五 青紵絲鳥一雙上有珠青羅鞵一雙紅羅銷金夾袂大小五條

包裏翟衣玉鳳轎一乘錦坐褥一箇錦踏襪一箇紅交林一把紅穿

佩玉帶等用銷金轎衣一件瀝水頂單全采結四串抹金紅油絹銷金雨轎衣一

件 瀝水頂儀仗紅杖二清道旗二絳引幡二戰髦二戈

二 總子紅絹袋全吾杖二絹袋全鐙杖二絹袋全立瓜二絹

袋全卧瓜二絹袋全青方傘二把絹袋全紅紗燈籠四箇竿全拂子二

絹袋全青繡團扇四把把絹袋全紅紗燈籠四箇竿全拂子二

結子全坐障一竿全行障二竿全抹金交椅脚踏一副除木

外計花銀一百兩重搭坐踏躡結子全抹金銀水罐一箇六兩重

重抹金銀水盆一箇六兩重抹金銀香爐一箇一十六兩重

抹金銀香合一擎執官人銷金羅袍一十四領抹金銀花銀帶一

箇一十六兩重女驕夫衣袍一十六領汗袴一十六副銅束帶一十六

雙北羊四牽紅綠絹銷金蓋袂四條酒四十解紅綠羅銷金蓋



上禮物內官一員送至妃家 醮戒先期一日所司設皇太子幕次於中左門前丹

墀內設皇太子受醮戒位於御座南北向設皇太子拜位於丹陛上

北向設贊禮二人位於皇太子丹陛上拜位之北東西相向知班二人

位於贊禮之南東西相向設酒饌案於醮戒位之東稍北設司爵司饌

各二人位於案之南西向執膳內官先備金爵果合以候是日早鴻

臚寺贊引二人具朝服并東宮侍從官先入至文華殿門前候皇太

子出行叩頭禮贊引二人及侍從官導從由奉天左門入至幕次且

袞冕以候鼓三嚴 上服通天冠絳紗袍出鴻臚寺請陞座 上御

奉天殿樂作警蹕文武官盛服行叩頭禮分班列侍如常儀樂止贊引

及侍從官導引皇太子出幕次至東陛下侍從官止贊引導引皇太

子由東階陞至丹陛拜位北向立贊禮贊鞠躬四拜興平身贊引導

引皇太子由奉天殿左門入就醮戒位北向立司爵斟酒以進贊引

贊跪皇太子跪贊摺圭贊受爵司爵者以爵立授皇太子皇太子啐

酒訖以爵授內使內使跪受爵退置於案司饌者以果合跪進皇太

子皇太子取少許食訖司饌者興以果合退置於案贊出圭贊恭聽

戒命 上命之曰往迎爾相承我宗事勗帥以敬皇太子曰臣謹受

命贊俯伏興平身贊復位贊引仍導由左門出至丹陛上拜位立定

贊禮贊鞠躬四拜興平身贊禮畢樂作警蹕 上降座還宮樂止贊

引導皇太子由東陛降丹墀東宮內外官皆導從由奉天左門出午

門外幕次易服妃受醮戒親迎日妃家先於祠堂陳設祭物妃服燕

居冠服妃父母率妃詣祖宗前行禮奠酒讀祝禮畢執事者具酒饌

於內進妃飲食訖父母坐於正堂女執事引妃詣父母前各四拜父

母各三拜

於內進妃飲食訖父母坐於正堂女執事引妃詣父母前各四拜父

母各三拜



命之曰爾往太內夙夜勤慎孝敬毋違母命之曰爾父有訓爾當敬承妃聽受訖次詣諸尊長行禮畢改服翟衣以俟親迎是日早先設皇太子幕次及儀仗奠鴈弁所乘輅教坊司大樂及隨侍官舍侍衛官軍俱於午門外妃家先設皇太子幕次於中門之外南向設香案奠鴈案於中堂皇太子受醮戒訖贊引導引至午門外幕次易皮弁服訖贊引跪請陞輅皇太子陞輅執鴈者後隨樂作儀從先導隨侍官舍官軍導從由東長安門至妃家門外贊引跪請皇太子降輅導引至幕次禮官一員先入至正廳立於東西向主婚者具朝服出見立於西東向禮官曰皇太子奉制行親迎禮引禮二人具服引主婚者迎皇太子於幕次之外內官二員具服引皇太子出幕次主婚者請皇太子入中堂皇太子先行內官具服捧鴈隨入主婚者後行至

中堂主婚者進立於堂中之左妃母立於堂中之右東西相向皇太子至中堂女執事二人引妃出房立於妃母之下內官引皇太子至案前內官捧鴈跪進皇太子皇太子以鴈奠於案內官引皇太子稍退近東西向立主婚者詣鴈案前行八拜禮退復位執事者徹案引禮內官導皇太子先行至中門女轎夫舉鳳轎至於中門之內內官具妃儀仗於中門之外女執事引妃出內官跪請皇太子詣轎所啟請揭簾妃陞轎內官啟請皇太子陞輅前行妃具儀仗從後行由東長安門進至午門外車駕儀仗侍衛官舍官軍俱止妃儀仗入左順門內候內官跪請皇太子降輅導入幕次候妃至轎止內官跪請皇太子揭簾妃降轎皇太子先行內執事以帷幕擁護妃後行俱步入左順門內官跪請皇太子乘輿先行女官跪請皇太子妃陞轎後行



至宮門外皇太子降輿候妃至女官跪啟請皇太子妃降轎入幕次候行合卺禮親迎禮物活鴈一對合卺其日內官先於皇太子內殿外設妃幕次設皇太子座於殿東西向設妃座於西東向各設拜位於座之南設酒案於正中稍南置兩爵兩卺於案上皇太子至宮門外降輿入候於內殿門外之東西向妃降轎女官以帷幕擁護引入幕次整飾訖導引至內殿門西東向贊引二人導皇太子前陞殿女官二人導妃隨陞贊請就拜位皇太子與妃各就拜位贊皇太子兩拜妃四拜贊請陞座皇太子與妃皆陞座女執事二人舉饌案進於皇太子及妃之前女官司尊者取金爵酌酒以進皇太子與妃各受爵飲訖女官進饌皇太子與妃皆舉饌訖女官再以金爵進酒皇太子與妃飲訖女官進饌皆舉饌訖女官再以卺盞酌酒合和以進皇太子與妃皆飲訖又進饌皇太子與妃皆舉饌凡三舉酒饌畢執事者徹饌案贊皇太子與妃興就拜位相向贊兩拜如前儀畢皇太子從者餽妃之饌妃從者餽皇太子之饌皇太子從者導皇太子入宮更禮衣妃從者及女官導妃入宮易常服供用器皿金器壺瓶一對六十兩重酒注一對

六十兩重孟子一對二十兩重贊禮盤二面六十兩重盤盞二副二十兩重託裏胡桃木椀四箇六十四兩重楞邊胡桃木託四箇五兩重託裏胡桃木鍾子一對一十一兩重撒盞一對八兩重葫蘆盤盞一副一十兩重茶匙一雙一兩重匙一雙五兩重箸二雙五兩重銀器壺瓶二把共五十兩重果合一對一百六十兩重汁瓶二把共五十兩重茶瓶一對五十兩重湯鼓四箇八十八兩重按酒楪一十二箇四十二兩重果楪一十二箇三十二兩重茶楪一十二箇二十四兩重朝見兩宮第二日清晨皇太子冕服妃翟衣女官贊引各啟請出宮至某宮門外俟某宮服燕居服陞座贊引引皇太子及妃自左門入皇太子先入妃從之贊禮贊詣某宮前皇太子立於東妃立於西宮人以殿修盤立於妃之右贊



皇太子與妃皆四拜執事二人舉案至某宮前宮人以服修盤授妃  
妃捧盤置於案執事者舉案妃隨案進至某宮前妃復位贊皇太子  
與妃皆四拜興執事者徹服修案於東贊禮畢引皇太子與妃出詣  
上位宮前俟 上位具常服陞座贊引引皇太子及妃自左門入詣  
上位前進棗栗盤行禮同前畢詣皇后宮進服修盤行禮同前畢贊  
引引皇太子及妃出是日賜皇太子與妃宴盥饋第三日清晨妃服  
翟衣贊引引妃至某宮由左門入俟膳至贊引引妃至前贊四拜尚  
食以膳授妃妃捧膳置於案復位又贊四拜禮贊引引妃退立於西  
南俟膳畢引妃出陞轎詣乾清宮門外降轎由左門入俟膳至贊引  
引妃詣 上位前并皇后前禮俱同廟見第四日內官於奉先殿陳  
設牲醴祝帛贊引二人引皇太子二人引妃至奉先殿詣 德祖玄

皇帝皇后神御前贊皇太子與妃皆兩拜贊跪皇太子跪妃亦跪贊  
摺主皇太子摺主贊進帛執事者跪進於皇太子右贊獻帛皇太子  
受帛以獻授執事者贊奠帛執事者以帛奠於神御前贊進爵執事  
官以爵跪進於右贊獻爵皇太子受爵以獻授執事者贊奠爵執事  
者以爵奠於神御前贊俯伏興皇太子俯伏興妃亦興贊復位贊皇  
太子與妃皆兩拜平身次詣各神御禮同前贊詣讀祝位皇太子與  
妃詣讀祝位贊跪皇太子跪妃亦跪讀祝訖贊俯伏興平身皇太子  
俯伏興平身妃亦興贊復位贊皇太子與妃皆兩拜平身贊執事者  
捧祝帛各詣燎所贊詣燎位贊禮畢引禮引皇太子及妃還宮慶賀  
是日早 上具皮弁服御華蓋殿執事官行禮奏請陞殿導駕樂作  
陳設如常儀文武百官具朝服先行四拜禮鴻臚寺官詣丹陛上跪



致詞曰某官臣某等恭惟皇太子嘉禮既成益綿宗社隆長之福臣  
某等不勝忻忭之至謹當慶賀又四拜禮畢 上起易服賜宴羣臣  
如冬至正旦之儀其日命婦慶賀皇太后行禮致詞如前但致詞前  
稱某夫人妾某氏等末稱妾某氏等禮畢慶皇后禮同前但改致詞  
曰皇太子嘉聘禮成益綿景福餘並同禮畢皇太后賜宴

卷之第六十九

禮部二十七

婚禮三親王婚禮洪武二十六年定納徵前一日尚寶司陳設御座  
於奉天殿內官監禮部設冠服首飾金銀段疋等儀物于文樓下教  
坊司設中和樂于殿內其日清晨錦衣衛設儀仗于丹陛丹墀之東  
西教坊司設大樂于丹陛之東西北向及設樂于午門外設護衛將  
軍文武官執事官如常儀儀禮司設百官侍立位于文武樓南設玉

帛案于殿內之東鼓二嚴文武官具朝服至侍立位東西相向  
止儀禮司跪奏請陞殿 皇帝具皮弁服導駕奉引如常儀樂作陞  
座樂止鳴鞭訖序班舉玉帛案置殿中引正使副使入就拜位贊鞠  
躬樂作贊四拜興平身樂止承制官詣御前跪承制俯伏興由東門  
稍東出序班舉玉帛案隨之置丹墀中道承制官稱有制贊禮贊跪  
宣制曰今聘某官某女爲某王妃命卿等行納徵禮贊禮贊俯伏興  
樂作四拜平身樂止儀禮司奏禮畢駕興樂作鳴鞭樂止引禮引玉  
帛案由奉天門東門及午門東門出置玉圭玄纁于采輿執事官引  
文樓下儀物由午門東門出以次陳列正副使行至御橋外易服乘  
馬至妃家妃家前一日設正副使幕次于大門外道左南向設香案  
于正堂中設受玉帛案于香案之南其日禮物至妃家引禮捧玉圭



玄纁先行正副使隨之至幕次執事者陳禮物及冠服等物于正堂  
捧玉帛者俟于幕次東西向禮官一員先入至正堂立于東西向主  
婚者出見立于西東向禮官曰奉制命正使某官某副使某官某為  
某王行納徵禮引禮引主婚者出迎引禮引正使捧玉圭副使捧玄  
纁先行主婚者隨行引禮引至正堂置玉圭玄纁于案正使立于案  
之左西南向副使立于案之右東南向贊禮引主婚者就拜位贊鞠  
躬四拜興平身贊詣前跪贊捧圭正使捧玉圭授主婚者主婚者受  
玉圭以授執事者執事者跪受興置于案贊捧帛副使捧玄纁授主  
婚者主婚者受玄纁以授執事者執事者跪受興置于案贊主婚者  
俯伏興平身贊復位贊四拜興平身禮畢正副使出主婚者至正副  
使前致詞云請禮從者酒饌畢主婚者捧帛以勞正副使副使出主

婚者送至門外正副使詣 皇帝前復命妃家回儀從西華門入

官監監官奏聞定親禮物金五十兩環珠一十兩用紅綠紗銷金袋二箇花銀

四百兩各色紵絲四十疋用紅綠羅銷金束子一百二十箇大紅羅二疋用紅綠羅銷金束子

六生紗二疋用紅綠羅銷金束子六箇裏絹四十疋綿臙脂一百箇金花臙脂二

兩用抹金花銀合鉛粉二十袋計一十兩重用紅綠羅銷金袋一箇比羊四牽

用紅綠絹銷金蓋袱四條并牽羊紅麻索四條豬二口鶩二十隻酒八十瓶用紅綠羅銷金小蓋袱八十條

每條墜上用折二銅錢四箇圓餅八十箇用紅紙花貼面末茶一十袋用紅綠羅銷金袋一十箇果六合

白熟米二石作四合每合上用染紅米二升麩四十袋用紅紙花貼面媒人紵絲二疋用紅綠羅銷金束子六箇

裏絹二疋開合紵絲一疋用紅綠羅銷金束子二箇裏絹一疋以上禮物

媒人并內官一員送至妃家媒人就引妃家回奉禮物從西華門入

如命官則 皇帝前復命外命婦則 皇后前復命納徵禮物玉穀



圭一枝裏玉圭錦袋二件盛玉圭截金雲 玄纁紵絲五疋玄三疋纁二疋用紅

綠羅銷金束 珠翠燕居冠一頂冠盃全冠上大珠博鬢結子等項全

一對冠上珊瑚 燕居服四套大紅紵絲一件大紅線羅一件青線羅一件 大帶四

條內大紅線羅三件 玉革帶一副玉事件九件 玉花采結綬一副紅線羅

采結大紅線羅繫帶采結上玉綬花一箇綬帶上玉 白玉鈎碾鳳文

墜珠六顆綬帶上金垂頭花板四片金葉兒六箇

佩一副玉事件二十件串 紅羅銷金夾袂大小五條包燕居服及珠

面花四副珠花四枝金脚八錢重 金脚四珠環一雙金脚五錢重 梅花環一雙

金脚五 金釵花釧一雙兩重 金光素釧一雙兩重 金龍頭連珠鐲一

雙一十四兩重 金八寶鐲一雙八兩重外實 金四百兩九成色二百兩 花

銀一千六百兩環珠二十四兩用紅綠紗銷 寶鈔五千貫乘馬四匹

紅籠頭錦 各色紵絲六十疋用紅綠羅銷金束 各色綾六十疋用紅

銷金束子一 各色紗六十疋用紅綠羅銷金束 各色羅六十疋用紅

百八十箇 各色錦六十疋用紅綠羅銷金束 大紅羅四疋用紅綠

束子一 生紗四疋用紅綠羅銷金 各色絹三百疋白綿二十斤臘脂

二合二兩重金臘脂合一 鉛粉二十袋一十兩重用紅綠羅銷 比羊

三十二隻用紅綠絹銷金蓋袂三十二條 豬一十六口鶯三十二隻酒

二百瓶用紅綠羅銷金蓋袂二百條 末茶三十二袋用紅綠羅銷金

果二十合嚮糖二合芝麻纏糖二合茶纏糖二合砂仁糖二合胡桃

桃二 圓餅六百箇用紅紙 白麩一百二十袋用紅紙 紅紗罩盞大小

一十二箇媒人紵紗一十二疋用紅綠羅銷金 開合紵絲八疋用紅

金束子二 發冊命使其日清晨內官監錦衣衛尚寶司教坊司文武

執事等官于奉天殿陳設如納徵儀禮司設冊案于殿內之東承

大月會典卷三十一 禮部

豐平



制官持節官位于殿內之東西向設正使副使拜位于丹墀正使在東副使在西錦衣衛設蓋冊黃傘一于殿門外禮部陳設采輿于午門外內官陳王妃鳳轎儀仗于采輿之南鼓三嚴引禮引文武官入就侍立位鐘聲止儀禮司跪奏請陞殿 皇帝服皮弁服導駕官奏引如常儀樂作陞座樂止捲簾鳴鞭訖引禮引正副使各就拜位贊禮贊鞠躬樂作贊四拜興平身樂止承制官詣御前跪承制俯伏興由東門稍東出持節官舉節舉冊官舉案隨行亦由東門稍東出校尉擎傘遮護冊行至丹墀御道中持節官立于案東西向傳制官稱有制贊禮唱跪宣制曰今冊某官某女爲某王妃命卿等持節行禮贊禮贊俯伏興鞠躬四拜興平身樂止持節官以節授正使引禮引節冊及正副使由東道至奉天門東門出至午門外置冊于采輿儀禮司官奏禮畢駕輿樂作百官捲班以次出儀仗鳳轎前行引禮引節及采輿正副使隨行過御橋易服持節正副使俱上馬至妃家行冊禮冊至妃家是日妃家先設幕次于大門之外南向設香案于正廳冊使至引禮引正副使至幕次禮官先入見主婚者禮官曰奉制命正使某官某副使某官某持節行冊禮主婚者出迎引禮引正使持節副使捧冊入主婚者隨行至正廳正副使立于香案東南向引禮引主婚者至拜位贊禮贊鞠躬四拜興平身退立于西南引禮引接冊內官詣前贊禮贊舉冊副使以冊授內官內官跪受訖贊禮贊請詣中堂行禮內使二人引捧冊內官入中堂正副使仍前立候內官出告行禮畢正使副使以節出主婚者請禮正副使如納徵儀其日妃家陳設香案于中堂設冊案于香案之南設妃拜位于冊案之



南妃服翟衣訖俟內官捧冊入置于案贊禮女官一員居東一員居西在妃拜位前相向立宣冊女官展冊女官立于東引禮女官二員分左右引妃出房至冊案前拜位女使執事者立于西贊禮女官贊四拜興宣冊女官稱有制女官贊跪妃跪贊宣冊官冊女官詣冊案前取冊立宣于香案東女官宣冊訖以冊入於盞贊受冊宣冊官捧冊立授妃妃受冊女官贊以冊授執事者妃以冊授女使女使跪受興置于案女官贊妃興又贊四拜禮畢內官出告正副使行禮畢執事者徹香案冊案設妃座引禮請妃陞座眾命婦及應賀者序立于庭北向贊四拜禮畢妃降座發冊禮物金冊一副兩葉計足色金一百兩重每葉高一尺二寸闊五寸周尺○籍冊錦一片紅絹裏○聯貫冊葉用紅絲線○墊冊錦褥一箇紅絹裏○裏冊紅羅銷金小夾袱一條○渾金歷粉雲鳳冊盃一箇內用紅紵絲線發觀花銀釘較一副一兩二九暈四錢重嵌金絲鐵鎖鑰一副○覆盃紅羅銷金大夾袱一條

鳳冠一頂冠上大花九樹小花九樹寶鈿九箇翠雲博鬢描金珠翟

衣三套描金雲鳳沉香色木匣一箇銅鎖鑰索扛全○青紵絲繡翟

○玉色線羅中單一件紅綠襪○青線羅繡翟衣一件○青線羅繡

紗繡菽膝一件○玉色線羅中單一件紅綠襪○青紗繡翟衣一件○青

玉色紗中單一件 青紅線羅銷金大帶一條上有青紵絲副帶一條

五色線錦綬一副上有玉環二箇青紅羅采結全白玉鈎碾鳳文珮

一副玉事件二十件串珠全金鈎子 白玉革帶一副青紵絲裏鞋描

事件五件 青紵絲鳥一雙上有珠 青羅鞵一雙紅羅銷金夾袂大

小五條包裏翟衣玉 鳳轎一乘錦坐褥一箇○錦踏褥一箇○紅交

銷金沿邊繡帶全○紅羅銷金轎衣一件瀝水頂罩全○紅油絹銷

金雨轎衣一件瀝水頂罩全○采結四串抹金銀香圓寶蓋四副計

八件共花銀 儀仗紅杖二清道旗二絳引幡二戟斝二班劍二結子

一十六兩 絹袋全○嚮節四絹袋全○紅瓜二絹袋全○骨朶二

全○鐙杖二絹袋全○紅瓜二絹袋全○骨朶二 絹袋全○紅繡傘一把絹袋全○青方傘二把絹



袋褥全○紅繡團扇四把絹袋全○青繡團扇四把絹袋全○紅紗燈籠四箇竿全○拂子三箇結子全○坐障一竿全○行障二竿全○抹金交椅脚踏一副除木外計花銀一百兩重搭座踏蔴結子全○抹金銀水罐一箇六十兩重○抹金銀水盆一箇六十兩重○抹金銀唾壺一箇一十六兩重○抹金銀唾盂一箇一十六兩重○抹金銀香壺一箇一十六兩重○抹金銀香合一箇一十六兩重○**執宮人**銷金羅袍一十四領抹金釵花銀帶一十四雙**女轎夫**衣袍一條翠花紗帽一十四頂阜鹿皮鞋一十四雙**催妝禮物**北羊二隻紅綠絹汗袴一十六副銅束帶一十六條花紗帽一十六頂紅綿布鞦韆一十六雙酒二十瓶紅綠羅銷金蓋瓶祇二十條每條墜角折二銅錢四箇果二合用花四枝以上禮物內官一員送至妃家鋪房妃家於親迎前擇日將房奩牀帳等物至王府鋪房禮部預先奏知至日妃家備鼓樂迎引從午門東角門入鼓樂止於闕西妃母或親戚入內陳設醮戒其日內官監設上位中宮御座於宮中設大樂儀仗于丹陛之東西執膳內宮先備酒金爵果合以俟上位服皮弁服中宮燕居服出樂作陞座樂止王服衮冕贊引引王

由殿東門入詣上位前贊禮贊鞠躬樂作贊四拜興平身樂止執事者以爵斟酒立于御前之東贊禮贊王詣前跪贊摺圭贊受爵執禮贊出圭恭聽戒命隨旨意致戒辭王聽戒辭訖贊俯伏興平身復位贊鞠躬樂作贊四拜興平身樂止贊禮引王詣中宮前禮同贊禮畢引禮引王出釋衮冕具皮弁服行親迎禮妃家醮戒親迎日妃家先於祠堂陳設祭物妃服燕居冠服妃父母同妃詣祖宗前奠酒讀祝禮畢執事者具酒饌命妃飲食訖父母坐于正堂女執事引妃詣父母前各四拜父母隨意致戒辭妃聽受訖次辭諸尊長禮畢改服翟衣以俟親迎其日儀衛司先設王儀仗象輅于承天門外妃家先設王幕次于中門之外設香案帛案于正堂之中是日王受命訖引

大月會典卷五冊 禮部 十三



禮引王由午門東門出典儀具服跪請陞輅王陞輅儀從前導過御橋樂作至妃家門外引禮跪請王降輅導引至幕次禮官一員先入至正廳立于東西向主婚者出見立于西東向禮官曰某王奉制行親迎禮引禮二人具服引主婚者迎王于幕次之外內官二員具服引王出幕次主婚者請王入中堂王先行主婚者後隨內官具服捧禮物入至于中堂主婚者進立于堂中之左妃母立于堂中之右東西相向王至中堂女執事二人引妃出房立于妃母之下內官引王至案前內官捧帛進王王以帛置于案內官引王稍退近東西向立贊禮引王婚者詣帛案前行八拜禮退復位執事者徹案引禮內官道王先出女轎夫舉鳳轎至于中門之內內官具妃儀仗于中門之外女執事引妃出內官跪啟請王詣轎所啟請揭簾妃陞轎內官啟請

王陞輅前行妃具儀從後行王至承天門外降輅候妃至內官跪啟請王揭簾妃降轎王先行至內釋皮弁服具衮冕至奉天殿前俟妃入午門陞轎將至奉先殿降轎行廟見禮廟見是日內官于奉先殿陳設牲醴祝帛訖每廟豬一羊一帛二共一篚祝共一贊引二人引王二人引妃至 奉先殿詣 德祖玄皇帝皇后神御前 王在東妃在西贊王與妃皆兩拜贊跪王跪妃亦跪贊摺圭王摺圭贊進帛執事者以帛跪進于王右贊受帛王受帛以授執事者贊奠帛執事者以帛奠神御前贊進爵執事者以爵跪進于王右贊受爵王受爵以授執事者贊獻爵執事者以爵奠于 玄皇帝皇后前贊俯伏興王俯伏興妃亦興贊王復位贊王與



妃皆兩拜平身次詣 懿祖皇帝皇后 熙祖皇帝皇后 仁祖皇帝皇后儀同上贊詣讀祝位王詣讀祝位贊跪王跪妃亦跪讀祝訖贊俯伏興平身王俯伏興平身妃亦興贊王復位贊王與妃皆兩拜平身贊執事者捧祝帛各詣燎所贊詣燎位王與妃詣燎位贊禮畢引禮引王及妃還宮行合巹禮合巹其日內官先於王宮設王座于東西向設妃座于西東向各設拜位于座之南設酒案于正中稍南置兩爵兩盞于案上執事者啟請王具皮弁服訖贊引導王與妃至宮門贊引二人導王前陞二人導妃後陞贊請就拜位王與妃各就拜位贊兩拜王與妃皆兩拜訖贊請陞座王與妃皆陞座執事者二人舉饌案進于王及妃之前女官司尊者取金爵酌酒以進王與妃各受爵飲訖女官進饌王與妃皆舉饌訖女官再以盞盞酌酒合和以

如皆飲訖女官進饌王與妃皆舉饌訖女官再以盞盞酌酒合和以進王與妃皆飲訖又進饌王與妃皆舉饌凡三舉酒饌畢執事者徹饌案贊王與妃興就拜位相向贊兩拜禮畢王從者餽妃之饌妃從者餽王之饌朝見第二日清晨王冕服妃翟衣贊引各啟請出宮至宮門外以俟 皇帝服皮弁服 皇后服燕居服陞座贊引引王及妃自東門入王先入妃從之贊禮贊詣 皇帝前王立于東妃立于西宮人以棗栗盤立于妃之右贊王與妃皆四拜執事者二人舉案至 皇帝前正中宮人以棗栗盤授妃妃捧棗栗盤置于案上執事者舉案妃隨捧進至 皇帝前妃復位贊禮贊王與妃皆四拜興贊引引王及妃詣 皇后前宮人以脩盤立于妃左贊王與妃皆四拜興執事者二人舉案至 皇后前正中宮人以脩盤授妃妃捧







親迎日期別擇日行定親納徵發冊催粧等禮其禮物仍依節次名數同日給送納徵發冊催妝前期一日內官監禮部儀禮司設冠服首飾金銀段疋等儀物于文樓下設玉帛案冊案并節于奉天殿內至日早禮部設采輿教坊司設樂于午門外內官設王妃鳳轎儀仗於采輿之南 皇帝具皮弁服陞殿百官侍班正副使先行四拜禮執事官舉節及玉帛案冊案至丹墀置案於中道持節俟立傳制官由殿東門出稱有制贊跪傳制官宣制曰今聘某官某女爲某王妃命卿等持節行納徵發冊等禮正副使又四拜禮畢執事官以節授正使引禮引節并玉帛案冊案冠服等物至午門外置冊及玉帛於采輿冠服等物以次陳列而行妃家受聘前期一日妃家設香案節案于正堂中玉帛案冊案相向至日禮物至妃家主婚者出迎引禮

引正使持節副使捧冊執事者捧玉帛至正堂各置于案正副使立於案左右冠服等物以次陳列禮官一員立於左主婚者立於右禮官曰奉制命正使某官某副使某官某爲某王行納徵發冊等禮引禮引主婚者詣香案前行四拜禮執事官捧玉圭玄纁主婚者先受玉圭次受玄纁各授執事再行四拜禮畢內官先以冠服進于妃具服訖內官詣冊案跪捧冊入中堂置于案引禮女官引妃出至冊案前行四拜禮跪女官宣冊訖妃受冊以授執事者再行四拜禮畢執事者設妃座引禮請妃陞座妃家應賀者行四拜禮正副使俟內官出告行禮畢持節出主婚者送至門外正副使回朝復命妃家回奉禮物從午門入內官監官奏聞其後醮戒親迎謁見合巹朝見回門禮俱同二十六年弘治中續定納徵 上先具衮冕詣奉先殿用樂祭



告禮畢然後易皮弁服傳劄王受醮戒是日內執事設 太皇太后  
皇太后御座于宮中設大樂儀仗于丹陛之東西執膳內官先備酒  
金爵果合以候 太皇太后具燕居服樂作陞座樂止王服衮冕贊  
引引王由東門入詣 太皇太后前贊鞠躬樂作贊四拜興平身樂  
止執事者以爵斟酒立於東贊禮贊王詣前跪贊摺圭贊受爵執事  
者以爵立授王王受爵飲訖以爵授執事者執事者跪授以退贊出  
圭恭聽戒命曰往迎尔相用成厥家勉率以敬爲國之光王聽戒辭  
訖贊俯伏興平身贊復位贊鞠躬樂作贊四拜興平身樂止贊禮畢  
贊禮引王詣 皇太后宮門外由東門入詣 皇太后前贊鞠躬樂  
作贊四拜興平身樂止執事者以爵斟酒立于東贊禮贊王詣前跪  
贊摺圭贊受爵執事者以爵立授王王受爵飲訖以爵授執事者執

事者跪受以退贊禮贊出圭恭聽戒命曰往迎尔相承厥家事勉率  
以敬無忝戒命王聽訖贊俯伏興平身贊復位贊鞠躬樂作贊四拜  
興平身樂止贊禮畢贊禮引王詣 上位宮門外候 上具常服  
皇后具燕居服陞座贊禮引王詣 上位前行五拜三叩頭禮畢引  
王出釋衮冕具皮弁服行親迎禮如受醮戒禮同前朝見第二日清晨王冕  
服如翟衣贊引各啟請出宮至皇城内宮門外以俟 太皇太后服  
燕居服陞座贊引引王及妃自東門入王先入妃從之贊禮贊詣  
太皇太后前王立于東妃立于西宮人以服修盤立于妃之左贊王  
與妃皆四拜執事二人舉案至 太皇太后前宮人以服修盤授妃  
如捧服修盤置于案執事者舉案妃隨案進至 太皇太后前妃復  
位贊王與妃皆四拜興執事者徹服修盤案于東贊禮畢引王與妃



出詣 皇太后宮前俟 皇太后燕居服陞座引禮引王及妃自東門入詣 皇太后前進服修盤行禮同前畢出詣 上位宮前俟

上具常服陞座贊引引王及妃自東門入詣 上位前進聚栗盤

皇后前進服修盤行禮同前畢贊引引王及妃出是日賜王與妃宴

王與妃見東宮禮同前 盥饋 第三日清晨妃服翟衣贊引引妃出陞輿將至宮

內門降輿由東門入俟膳至贊引引妃詣 太皇太后前贊四拜尚

食以膳授妃妃捧膳置于案復位又贊四拜贊引引妃退立于西南

俟膳畢引妃出詣 皇太后前行禮同復詣 上位前 皇后前行禮同

卷之第七十

禮部二十八

婚禮四 公主婚禮選擇駙馬教習駙馬附 洪武二十六年定謁廟受冊次日引

禮引公主謁奉先殿用香燭 公主受醮戒其日早公主具禮服辭奉先

殿申時內官陳設儀仗于正宮內丹陛之東西大樂設于丹墀執事

女官備金爵酒壺果盒以俟內贊女官二員列于殿之東西 皇帝

常服 皇后燕居服陞座公主具禮服引禮女官引詣 皇帝前贊

拜樂作四拜興樂止贊跪贊受爵女官以爵斟酒立授公主公主受

酒飲訖以虛爵授執事者執事者跪受退復位贊恭聽戒命隨意公訓戒

主聽受訖贊興贊復位贊拜樂作四拜興樂止引禮女官又引詣

皇后前贊拜樂作四拜興樂止贊跪贊受爵執事女官斟酒立授公

主公主受酒飲訖以虛爵授執事者執事者跪受退復位贊恭聽戒

命隨意公訓戒 公主聽受訖贊興贊復位贊拜樂作四拜興樂止禮畢公主

易燕居冠服命婦送至宮門引禮引公主由宮門東門出過宮門西

上陞輦至右門內公主降輦駙馬揭簾公主陞轎內使備儀仗鼓樂



前導合女樂三十六人接引至府公侯百官命婦送至府各回家駙  
 馬受黻戒其日早駙馬父與駙馬具家用祭服告祠堂畢至午後駙  
 馬父坐于正堂駙馬具見尊長服引禮引駙馬至拜位替鞠躬兩拜  
 興平身替跪替搯笏贊受爵執事者斟酒授駙馬駙馬受酒飲訖以  
 爵授執事者贊聽訓戒駙馬父隨駙馬聽訖贊出笏俯伏興贊復位  
意致戒辭  
 贊鞠躬兩拜興平身禮畢駙馬便服上馬行親迎禮若駙馬父母俱  
于正堂行親迎其日駙馬受黻戒訖具儀從鼓樂前導至午門西下  
禮如前儀  
 馬至朝房具朝服候申時序班二人具服引駙馬由午門西角門入  
 至右紅門內官二員具服接引駙馬至內使監前候報公主黻戒將  
 畢引駙馬至右門西東向立公主至駙馬揭簾公主陞轎駙馬先由  
 午門西角門出至上馬處上馬先至府候公主至揭簾公主降轎同

謁祠堂謁祠堂執事者先於祠堂設祭物畢引禮女使引駙馬及公  
 主至祠堂拜位駙馬立于東公主立于西贊禮贊鞠躬拜駙馬公主  
 皆兩拜引禮引駙馬詣高祖考妣神位前公主仍立于拜位贊跪駙  
 馬跪公主亦跪贊搯笏駙馬搯笏贊進爵執事者以爵跪進于駙馬  
 右贊受爵駙馬受爵以授執事者贊獻爵執事者以爵奠于高祖考  
 神位前贊再進爵執事者以爵進贊受爵駙馬受爵以授執事者贊  
 獻爵執事者以爵奠于高祖妣神位前贊出笏俯伏興公主亦興引  
 禮又引駙馬詣曾祖考妣祖考妣各神位前如前儀訖贊詣讀祝位  
 駙馬至讀祝位贊跪駙馬跪公主亦跪讀祝訖俯伏興公主亦興贊  
 復拜位贊拜駙馬公主俱兩拜禮畢導還府行合卺禮合卺其日女  
 使陳設駙馬座于室東西向公主座于室西東向各設拜位于座之



南設酒案于室中稍南置兩盞兩盞即胡蘆盞于案上饌案二于室中贊

引二人導駙馬二人導公主就拜位贊兩拜駙馬公主相向皆兩拜

請就位駙馬公主各就位執事者奉饌案置于駙馬公主前執事者

二人以二盞斟酒以進駙馬公主皆飲酒執事者進饌駙馬公主皆

舉箸執事者再斟酒駙馬公主皆飲酒執事者再進饌駙馬公主皆

舉箸執事者以兩盞盞斟酒合和以進駙馬公主皆飲訖執事者又

進饌駙馬公主皆舉箸執事者徹饌案贊駙馬公主與就拜位駙馬

公主相向皆兩拜禮畢見舅姑公主見舅姑舅姑坐于東西向公主

立于西東向行四拜禮舅姑答兩拜賜駙馬冠帶衣服紗帽一金帶一後以玉帶

紵絲羅衣各一襲斜皮靴一雙鞍馬二選擇駙馬累朝定例凡遇公主長成當擇婚配

聖旨下禮部榜諭在京官員軍民人等有子弟年若于歲或十五十六或十四

臨時容貌齊整行止端莊父母有家教者許于部報名赴內府選擇

本部先將報到子弟揀選請旨命司禮監于諸王館會選如初選

不中或再行五城訪報或差司官于順天等八府或行山東河南會

同巡按御史選擇到日赴館會選如初選中三人送春曹作養仍題

請吉日赴御前欽定一人為駙馬陪選二人送本處儒學充廩挨貢

其與選不中者先年或准充附萬曆八年俱不准十二年准分別地

方遠近行順天府給賞教習駙馬宣德三年詔駙馬不務詩書通古

今曉忠孝仁義之道必至怠惰驕縱何以保富貴須使之親近儒生

先朝駙馬家有學錄可擇端重儒者一人命之教習正統以後凡駙

馬初授者俱令赴監習禮讀書祭酒一依學規教之不率者奏聞成

化十一年令駙馬年二十五以下者送監讀書弘治六年奏准駙馬



將兵家諸書及五倫等書每季送祭酒司業處每日兼授二本各定  
起止令在家誦讀季終赴監驗試如果讀熟而大義或未通曉卽與  
講解又復授書還家誦讀季終考驗如初必至三十歲方免拘束十  
五年奏准駙馬家教書訓導按月備將功課送監考校九年到部行  
查違者究治嘉靖六年令吏部會同禮部查照先朝勳戚之家訓導  
教書事例於國子監博士助教等官或見在部及附近教官內推選  
行止端莊年力英銳文學優長義理精明者一員在駙馬府教讀經  
書習字使知忠孝仁義之訓及通曉禮樂名物古今事類庶幾德器  
有成仍聽禮部堂上官提調稽考教書官二年六年考滿若教有成  
効不拘年分奏薦擢用自後遇選駙馬本部移咨吏部推陞禮部主  
事一員專在駙馬府教習

卷之第七十一

禮部二十九

婚禮五品官納婦洪武三年定凡品官婚娶或爲子聘婦先遣媒氏  
通書次遣使及媒氏行六禮婦至壻家主人饗宴送者明日謁見祖  
禰訖次見舅姑行盥饋之禮舅姑饗婦如家人之儀納采前一日主  
婚者設賓次於大門外賓席於廳事至日設鴈及禮物於廳及庭媒  
氏省視訖執事者舉禮物進賓及媒氏從其後質明主婚者具祝版  
告廟以行賓至女第媒氏入告贊者延賓入次執事者各陳禮物於  
大門內女氏主婚者公服出迎於大門外贊者引賓出次主婚者揖  
賓入賓及媒氏陞自東階主婚者陞自西階至廳賓立於左主婚者  
立於右媒氏立於賓之南執事者各陳其物於廳及庭賓及主婚者  
皆再拜賓詣主人曰某官以伉儷之重施於某某率循禮典謹使某



納采主婚者曰某之子弗閱姆訓既辱采擇敢不拜嘉主婚者揖賓就西向坐主婚者東向坐執事者徹禮物訖賓復入陳鴈及禮物於廳賓詣主婚者曰某官慎重婚禮將加卜筮請問名主婚者進曰某第幾女妻某氏出或以紅羅或以銷金紙書女第行年歲賓辭將降出主婚者曰請禮從者賓復就坐遂行飲食之禮畢賓降自東階出主婚者送至大門外納吉禮如納采儀賓致辭曰某官承嘉命稽諸卜筮龜筮協從使某告吉主婚者曰某未教之女既以吉告其何敢辭納徵禮如納吉儀加玄纁束帛函書賓致辭曰某官以伉儷之重加惠某官率循典禮有不腆之幣敢請納徵主婚者曰某官貺某以重禮某敢不拜受辭畢賓即函書授主婚者主婚者受書以授執事者主婚者之從者亦以函書進授主婚者主婚者受以授賓賓受書

以授左右訖主婚者揖就席主婚者之執事者各徹禮物請期亦與納吉同親迎前一日主婚者設次於大門外其日婿父公服告于禰廟質明婿具公服親迎執事者設婿父位于廳之正中婿父即座贊者引婿陞自西階至父座前北面再拜進立父位前父命之曰躬迎嘉偶釐爾內治婿進曰敢不奉命退復位再拜媒氏導婿之女家其日女氏主婚者公服告廟訖宴會親戚醴女如家人禮婿至門外下馬媒氏入告贊者引婿就次女從者請女盛服就寢門內南坐贊者引婿出次主婚者出迎婿於大門之東西面揖婿入主婚者入門而右婿入門而左執鴈者從婿後至寢戶前北面立主婚者立於寢戶之東西向執鴈者陳鴈於庭婿再拜婿出就次主婚者不降送婿既出女父母就正廳南向坐保姆引女就父母座前北面四拜父命之曰



往之女家以順爲正無忘肅恭母命之曰必恭必戒毋違舅姑之命  
庶母申之曰爾悅聽於訓言毋作父母羞保姆及侍女導從女出門  
陞車儀衛導前應送者乘車從後壻先還以俟同牢女將至壻家執  
事者設座於寢室內壻東婦西設壻洗一於室之東南婦洗一於西  
北酒案於室之南楹正中設四爵兩盃於酒尊之北食案二於酒案  
之北初昏婦車至門保姆請下車贊者引壻出迎於大門內壻婦同  
入及寢門壻先陞階保姆等導婦後陞入室壻盥於南洗婦從者執  
巾進水以沃之婦盥於北洗壻從者執巾進水以沃之盥畢從者請  
壻婦各就座執事者各舉食案於壻婦之前司尊者注酒侍女以酒  
置于案上壻婦飲訖徹盞司饌者進饌侍女供饌於案壻婦饌訖徹  
饌再飲再饌如初侍女以盃注酒進於壻婦前各飲畢贊者請皆興  
立於座南東西相向贊拜壻婦皆再拜侍從引壻婦入室易服壻從  
者餽婦之餘婦從者餽壻之餘廟見婦至之明日見宗廟設主婚者  
拜位於東階下壻拜位於其後主婦拜位於西階下婦拜位於其後  
諸親拜位男女各於主婚者及主婦後其日婦夙興沐浴盛服主婚  
者及主婦皆盛服各就位再拜贊者引婦進詣庭中北面立主婚者  
陞自東階詣神位前跪三上香三祭酒讀祝興主婚者立於神位前  
西婦四拜退復位主婚者降自東階就拜位主婚者以下皆再拜禮  
畢見舅姑婦既謁廟見舅姑執事者先設舅姑位於堂上舅在東姑  
在西婦沐浴盛服立於堂下俟舅姑卽座贊者引婦就拜位四拜保  
姆引自西階至舅前侍女奉棗栗授於婦婦受之置位前案上降階  
復四拜訖詣姑前奉服修如舅前儀執事者各徹訖婦退降自西階



至庭下行四拜禮畢婦退舅姑醴婦如家人禮盥饋婦見舅姑之明日行盥饋禮其日婦家備盛饌至壻家婦從者設舅姑位於堂上食案於堂中婦夙興沐浴盛服立於庭下舅姑即座婦四拜保姆引婦陞自西階至舅位之南婦從者舉食案於舅前執事者以饌授婦婦奉饌置於舅前執事者加匕箸進饌於姑亦如之食訖婦從者徹饌婦降階就拜位四拜禮畢舅姑醴婦如初見禮舅饗丈夫送者其日質明主婚者命執事者設賓席於正廳東西相向其席位從其賓之數設酒案於廳之南楹設食案於酒案之北賓至掌次者引賓先就次主婚者出迎於大門之外引禮者引賓出次主婚者揖賓入賓陞東階主婚者陞西階至廳分東西相向立贊禮唱鞠躬再拜賓主皆再拜平身主婚者揖賓各就座執事者舉食案進供於賓客主婚者

之前進酒進饌如常儀會畢賓主俱與賓立於東階上西向主婚者立於西階上東向執事者奉幣以授主婚者主婚者以授賓賓受以授從者降自東階從者奉幣以從賓出主婚者送於大門外姑饗婦人送者其日主婚者之執事者設女賓次於中門之內設女賓席於後堂東西相向設女賓親黨位於女賓之南西向設主婦親黨位於主婦之南東向設酒案於堂之南楹設食案於酒案之北女賓至掌次者引就次主婦出迎於次外女贊引女賓出次主婦接女賓同入女賓陞東階主婦陞西階至廳分東西相向立女贊唱再拜女賓及主婦皆再拜主婦請女賓皆就位坐侍女舉食案進供於女賓主婦之前進酒進饌如常儀會畢女賓及主婦皆興執事者奉幣以授主婦主婦受幣以授女賓女賓受幣降自西階以授從者從者奉幣以



從女賓出主婦送於門外庶人納婦洪武元年令凡民間嫁娶並依  
朱文公家禮行又令男女婚姻各有其時或有指腹割衫襟為親者  
並行禁止三年定凡男年十六女年十四以上並聽婚娶先遣媒氏  
通言女氏許之次命媒氏納采幣至期壻盛服親迎主婚者禮賓  
明日婦見祖禰畢次見舅姑壻往見婦之父母納采是日夙興主婚  
者告于祠堂云某之子某年已長成未有伉儷已議娶某郡某之女  
今日納采不勝感愴若宗子自婚則自告媒氏奉書及禮物往女家至大門外  
主婚者出迎媒氏媒氏入門而右主婚者入門而左陞堂東西相向  
立執事陳禮物於堂上及庭中媒氏進詣主婚者曰吾子有惠貺室  
於某某親某有先人之禮使某請納采主婚者對曰某之子蠢愚又  
弗能教吾子命之某不敢辭從者以書進授媒氏媒氏奉書以授主

婚者主婚者受書以授左右訖延媒氏就次執事者各徹禮物主婚  
者遂奉書告於祠堂訖出迎媒氏陞堂從者以復書進授主婚者主  
婚者以授媒氏媒氏受書以授執事訖請退主人請媒氏以酒饌請  
從者於別室皆酌以幣使者復命壻家壻家復告祠堂納幣請期古  
問名納吉朱子家禮止其日壻氏主婚者備書及禮物於庭媒氏省  
用納采納幣以從簡便視訖遂奉書及禮物至女家主婚者出迎媒氏入門而右主婚者入  
門而左陞堂東西相向立從者陳禮物於堂及庭中媒氏進詣主婚  
者前曰吾子既修好於某某使某來成禮主婚者曰備禮有加敢不  
重拜從者以函書授媒氏媒氏以授主婚者主婚者受書以授左右  
訖左右以復書進授主婚者主婚者以授媒氏媒氏受書復致命曰  
某使某請吉日主婚者曰某固聽命媒氏曰請以某甲子主婚者曰



敢不承命媒氏請退主婚者留媒氏宴饗如納采之儀親迎有故聽以媒氏

往迎前期一日女氏使人張陳其婿之寢室俗謂之舖房其日質明婿父盛

服以祝告廟訖父坐於正廳中間南向子盛服品官子孫假九品服餘早衫折上巾立

於父位之西少南東向贊禮唱鞠躬拜興拜興平身婿鞠躬拜興拜

興平身執事者以盞注酒授婿婿祭酒少許訖啐酒以盞授從者訖

興平身進立於父位前父命之曰盍爾內治往求爾匹婿進曰敢不

奉命贊禮唱鞠躬拜興拜興平身婿鞠躬拜興拜興平身降出乘馬

以二燭前導至女家司賓延入次是日女父母請親戚宴女如家人

之儀婿至主婚者以祝告於祠堂曰某之第幾女將以今日歸于某

不勝感愴告祝訖出迎婿於中門之外揖婿入主婚者陞東階西向

婿陞西階進當寢戶之前北面執鴈者陳鴈於階庭無鴈以婿曰某

受命於父以茲嘉禮恭聽成命主婚者曰某固願從命贊禮唱鞠躬

再拜平身婿鞠躬再拜平身贊禮引婿降階出至次以俟主婚者不

降送婿既出就次女父母盛服南向坐侍女導從女至堂上詣父母

前北面立贊者唱四拜女四拜父戒之曰往之爾家無忘肅恭母戒

之曰夙夜以思無有違命諸母申之曰無違爾父母之訓贊者又贊

四拜女四拜興訖侍女導從出門陞輿二燭導行婿先乘馬還俟於

門外婦至門外贊者請降輿婦降輿入門北面立婿出至中門外南

面揖婦同入室婦從者布婿席於室東婿從者布婦席於室西贊者

引婿婦至席所東西相向贊禮唱拜興拜興婿婦皆再拜婿揖婦就

坐婦從者舉食案置於婿前婿從者舉食案置於婦前婦從者斟酒

進供於婿婿受盞飲酒婿從者斟酒進供於婦婦受盞飲酒畢從者



以饌進婿婦皆饌再飲再饌畢婦從者以盃斟酒進授婿婿受盃婿從者以盃斟酒進授婦婦受盃同飲畢婿婦皆興入寢室婿脫服婦從者受之婦脫服婿從者受之婿從者餞婦之餘婦從者餞婿之餘主婚者禮男送者於外廳主婦禮女送者於中堂各如儀見舅姑婦至之明日謁見舅姑其日夙興盛服立於堂下舅姑坐於堂上舅位在東姑位在西置卓子於舅姑之前家人男女少於舅姑者立於兩序侍女引婦立於東階下贊禮唱四拜婦四拜侍女引婦陞東階至舅位前侍女以贊幣進授於婦婦受贊幣奠於卓子上舅撫之侍女引婦降階北面立贊禮唱四拜婦四拜侍女引婦就西階下立贊禮唱四拜婦四拜侍女引婦陞西階至姑位前侍女以贊幣進授於婦婦受贊幣進奠於卓子上姑撫之侍女引婦降階北面立贊禮唱四

拜婦四拜贊禮唱禮畢舅姑體婦如家人之儀見祖禰古者三月而禮以其大遠婦至之明日見于祖禰無廟者設神位於廳事中設主婚者拜位於

東階下北面婿拜位於後設主婦拜位於西階下婦拜位於其後親屬拜位各以序分立於主婚者主婦之後其日婦夙興沐浴盛服主婚者及主婦皆盛服贊禮引主婚者就東階下位次引主婦就西階下位次引諸親及婿婦各就位立定贊禮唱再拜平身主婚者以下皆再拜平身贊禮引婦進詣庭中北面立引禮引主婚者陞自東階詣神位前引禮唱跪主婚者跪引禮唱上香上香三上香司香者奉香進于主婚者左主婚者三上香訖引禮唱祭酒祭酒三祭酒司尊者以酒進于主婚者之左主婚者祭酒畢引禮唱讀祝讀訖引禮唱俯伏興平身主婚者俯伏興平身引禮引主婚者立於神位之西贊



禮唱四拜婦四拜訖退復位引禮引主婚者降自東階就拜位贊禮唱鞠躬再拜平身主婚者以下皆鞠躬再拜平身贊禮唱禮畢主婚者以下皆退婿見婦之父母婦至之明日婿盛服往見婦之父母至大門外立俟贊禮者先入告婦父出迎於大門外揖婿入從者執幣從其後婦父陞自西階婿陞自東階至廳東西相向婦父在西婿在東贊禮唱鞠躬四拜平身婿四拜與平身婦父扶婿與從者以幣進授婿婿受幣進於婦父婦父受幣以授左右贊禮引婿入至後堂門外少俟從者執幣以從婦母盛服出後堂南向立贊禮引婿入堂前楹比向立贊禮唱鞠躬四拜平身婿鞠躬四拜與平身婦母答拜訖從者以幣授婿婿受幣進授婦母之左右訖贊禮引婿出次見婦黨諸親皆如賓客相見之禮婦家設酒饌禮婿各隨貧富之儀饗送者

其禮如品官饗送者之儀洪武五年詔古之婚禮結兩姓之好以重

人倫近代以來專論聘財習染奢侈宜令中書省集議定制頒行遵守務在崇尚節儉以厚風俗違者論罪如律嘉靖八年題准士庶婚禮如問名納吉不行已久止倣家禮納采納幣親迎等禮行之所有儀物二家俱毋過求

卷之第七十二

禮部三十

宴禮宴有大宴中宴常宴小宴洪武永樂間兩定禮少異而樂半不同至嘉靖間有宮殿落成書成之宴今具列之而歷朝各例附于後

大宴儀

中宴常宴附

洪武二十六年定是日尚寶司設御座于奉天殿錦衣衛設黃麾于殿外之東西金吾等衛設護衛官二十四員于殿東西教坊司設九奏樂歌于殿內設大樂于殿外立三舞雜隊于殿下



光祿司官設酒亭于御座下之西膳亭于御座下之東珍羞醯醢亭于酒膳亭之東西設御筵于御座之東西設羣臣四品以上位于殿內之東西設羣臣酒尊食卓于殿外設五品以下位卓于東西兩廊司壺尚食各供乃事引禮引羣臣殿外東西相向立儀禮司跪奏請陞座駕興大樂作陞座鳴鞭樂止鳴贊引文武官四品以上由東西門入殿中橫班北向立五品以下官列于殿外丹墀北向立樂作贊四拜樂止光祿司官進御筵大樂作捧案至御前樂止進花樂作進訖樂止光祿司官開爵注酒捧詣御前進第一爵酒教坊司跪奏一奏炎精開運之曲贊內外官皆跪教坊司跪奏進酒飲畢贊衆內外官俯伏興樂作贊四拜平身樂止贊各就位序班隨進羣臣卓散花樂作散訖樂止序班卽進羣臣盞第二爵酒教坊司跪奏二奏皇風之曲樂作光祿司官斟酒御前序班隨斟羣臣酒教坊司跪奏進酒候 皇帝舉酒羣臣以次舉飲訖樂止光祿司官進湯鼓吹響節前導至殿外鼓吹止殿上樂作羣臣起立光祿司官進湯御前羣臣復位序班卽供羣臣湯樂止教坊司跪奏進湯樂作候 皇帝舉箸羣臣次舉 皇帝進湯訖贊饌成樂止武舞入教坊司跪奏平定天下之舞舞畢出第二爵酒教坊司跪奏三奏春皇明之曲樂作進酒如前儀樂止教坊司跪奏撫安四夷之舞舞畢出第四爵酒教坊司跪奏四奏天道傳之曲樂作進湯如前儀食畢教坊司跪奏車書會同之舞舞畢出第五爵酒教坊司跪奏五奏振皇綱之曲進酒如前儀飲畢教坊司跪奏百戲承應舞畢出第六爵酒教坊司跪奏六奏金陵之曲進酒進湯如前儀教坊司跪奏八蠻獻寶進呈舞畢出第七



爵酒教坊司跪奏七奏長楊之曲進酒如前儀教坊司跪奏採蓮隊  
子承應畢出第八爵酒教坊司跪奏八奏芳醴之曲進酒進湯如前  
儀食畢教坊司跪奏魚躍于淵承應畢出第九爵酒教坊司跪奏九  
奏駕六龍之曲進酒如前儀飲訖光祿司官收御前爵序班隨收羣  
臣盞光祿司官進湯進大膳大樂作羣臣起立進訖復坐序班隨供  
羣臣飯教坊司跪奏進膳食訖贊膳成樂止光祿司官收膳訖教坊  
司跪奏百花隊舞承應舞畢出鳴贊唱撤案序班撤羣臣卓訖光祿  
司官卽撤御案贊宴成羣臣皆出席北向立序班卽撤羣臣座殿外  
官皆詣丹墀北向立贊鞠躬樂作贊四拜興平身樂止羣臣分東西  
立儀禮司跪奏禮畢駕興大樂作鳴鞭百官以次出○續定大宴儀  
是日陳設如前儀駕自右順門至奉天門丹陛大樂作陞座鴻臚寺

官贊拜百官四拜興平身樂止光祿寺官進御筵內官捧案進膳樂  
作設案畢樂止內官進花進膳樂作進訖樂止教坊司跪奏一奏上  
萬壽之曲侑食樂作內官斟酒捧爵至御案前鴻臚寺贊跪文武百  
官皆跪教坊司跪奏進酒鴻臚寺官贊俯伏興平身樂止贊各就位  
百官就坐簪花訖教坊司跪奏平定天下之舞舞畢出教坊司跪奏  
二奏仰天恩之曲樂作內官斟酒捧爵至御案前教坊司奏進酒進  
酒畢樂止殿外導湯樂作至殿內迎湯樂作內官捧湯至御案前教  
坊司奏進湯樂作鴻臚寺官贊饌成內官撤湯樂止教坊司奏黃童  
白叟鼓腹謳歌承應舞畢奏撫安四夷之舞舞畢教坊司跪奏三奏  
感地德之曲樂作進酒如前儀樂止教坊司跪奏車書會同之舞舞  
畢教坊司跪奏四奏民樂生之曲樂作進酒如前儀樂止殿外導湯



樂作至殿內迎湯樂作內官捧湯至御案前教坊司奏進湯樂作鴻臚寺官贊饌成內官撤湯樂止教坊司跪奏表正萬邦之舞舞畢教坊司跪奏五奏感皇恩之曲樂作進酒如前儀樂止殿外導湯膳樂作至殿內迎湯膳樂作內官捧湯膳至御案前教坊司奏進膳樂作鴻臚寺官贊饌成內官撤湯膳并御筵樂止教坊司跪奏天命有德之舞舞畢奏纓鞭德勝蠻夷隊舞承應畢教坊司更進致語畢鴻臚寺官復贊四拜興平身樂止鴻臚寺官跪奏禮畢中宴常宴洪武二十六年定○凡中宴禮儀同大宴但進酒七爵○凡常宴同中宴但百官一拜三叩頭進酒或三爵或五爵而止○嘉靖十年西苑仁壽宮落成宴儀是日駕詣無逸殿暫駐尚膳監設御幄於仁壽宮丹墀內光祿寺設各官宴卓於仁壽宮殿門內外東西相向教坊司設小

宴樂舞如儀

上乘板輿至仁壽宮各官及侍衛等官於殿門外東

西序立迎候

上降輿陞座鴻臚寺官贊各官於殿內行一拜三叩

頭禮畢尚膳監設御筵訖鴻臚寺光祿寺堂上官侍儀給事中御史

序班各依次立尚膳監進第一爵酒贊各官皆跪教坊司官跪奏進

酒 上飲畢各官俯伏興樂作贊行四拜禮畢樂止贊各就位鴻臚

寺官拱聽綸音承

旨如常儀尚膳監官進第二爵酒樂作教坊司

官跪奏進酒候

上舉酒各官以次舉飲訖樂止尚膳監進湯鼓吹

響節前導至殿門外鼓吹止樂作各官起立尚膳監官捧湯進御前

各官復位樂止教坊司跪奏進湯樂作候 上舉箸各官舉訖贊饌

成樂止尚膳監進第三爵酒樂作教坊司跪奏進酒 上飲訖樂止

其第四爵第五爵俱如第三爵之儀尚膳監進膳鼓吹響節前導至



殿外鼓吹止樂作各官起立尚膳監捧膳進御前各官復位教坊司  
跪奏進膳樂作候 上舉箸各官以次舉訖樂止鴻臚寺官唱撤案  
尚膳監撤御案訖贊宴成各官入班贊行四拜禮畢分東西立鴻臚  
寺奏禮畢 上乘輿還宮大樂作各官以次出○幽風亭宴講官儀  
與仁壽宮  
宴儀同 ○嘉靖十五年進呈重書寶訓實錄宴監錄等官于謹身  
殿儀是日監錄等官各具吉服於華蓋殿東西門外候 上陞殿樂  
作陞座樂止衆官入鴻臚寺官贊衆官入班樂作四拜興平身樂止  
內官捧御案樂作設案畢樂止簪花教坊司官跪奏一奏本太初之  
曲管絃樂作內官斟酒捧爵至御案前鴻臚寺官贊跪監錄等官跪  
教坊司官跪奏進酒鴻臚寺官贊俯伏興平身樂止贊各就坐衆官  
各就坐教坊司跪奏聖喜功臣慶賀之舞舞畢教坊司跪奏二奏仰

大明之曲樂作內官斟酒捧爵至御案前教坊司跪奏進酒畢樂止  
殿外導湯樂作至殿內迎湯樂作內官捧湯至御案前教坊司跪奏  
進湯樂作鴻臚寺官贊饌成內官撤湯樂止教坊司跪奏賓鴻臚辨  
之舞舞畢羣僊朝聖隊舞承應教坊司跪奏三奏民初生之曲樂作  
進酒如前儀樂止教坊司跪奏二十八將封侯之舞舞畢教坊司跪  
奏四奏品物享之曲樂作進酒如前儀樂止殿外導湯樂作至殿內  
迎湯樂作內官捧湯至御案前教坊司跪奏進湯樂作鴻臚寺官贊  
饌成內官撤湯樂止教坊司跪奏感洪恩之舞舞畢教坊司跪奏五  
奏御六龍之曲樂作進酒如前儀樂止殿外導湯樂作至殿內迎  
湯膳樂作內官捧湯膳至御案前教坊司跪奏進膳鴻臚寺官贊饌  
成內官撤湯并御案樂止教坊司跪奏金安之舞舞畢朝聖隊舞承



應隨奏贊語畢鴻臚寺官復贊四拜興平身樂止鴻臚寺官跪奏禮畢上還宮諸宴通例凡大祀天地次日慶成大宴文武百官及四夷使臣土官人等其位次公候駙馬伯文職四品以上及學士武職都指揮使以上陞殿東西侍坐學士坐于文職四品官之上翰林院左右春坊經筵官六科都給事中左右給事中尚寶司卿少卿司丞通政司叅議大理寺寺丞國子監司業翰林院帶俸叅議太常寺寺丞鴻臚寺少卿寺丞順天府治中欽天監監正監副太醫院院使院判神樂觀提點道錄司知觀等官中左門序坐皇親都指揮同知僉事達官都指揮同知僉事署都指揮僉事皇親正副千戶百戶所鎮撫兵馬副指揮外國副使野人女直都指揮等官中右門序坐翰林院修撰等官六科給事中監察御史中書舍人陪祀郎中員外郎五

府經歷都察院經歷都事照磨檢校司務翰林院帶俸官太常寺典簿博士等官犧牲所千戶百戶詹事府主簿通事舍人鴻臚寺署丞主簿序班欽天監五官等官太醫院御醫達官指揮使同知僉事正千戶副千戶百戶所鎮撫外國四夷人等丹墀東序坐指揮使指揮同知陪祀指揮同知僉事外國四夷人等丹墀西序坐其遇朝覲各布政司方面行太僕寺卿運使知府官員陪祀者與宴方面官列于中左門班次卿運使知府列于東丹墀班次衍聖公張真人與宴列于二品文官班次其餘真人領宴及以事故者亦領宴其法王佛子國師禪師僧官刺麻俱于大慈恩寺宴內官一員待宴先期禮部行各衙門開與宴官員職名畫位次進呈仍懸長安門示衆宴之日糾儀御史四人二人立於殿東西一人立於丹墀錦衣衛鴻臚寺禮科亦



合委官糾舉○宣德八年 命朝鮮黑婁琉球陪臣列于殿內東西班後侍坐○天順三年令張真人不必與宴賜饌與之○四年令女直都督列于殿內西班後侍坐○六年令安南陪臣迤北使臣列于殿內東西班後侍坐○成化四年令修撰等官給事中御史中書舍人及錦衣衛堂上官凡近侍風憲者另列于丹陛下之東西稍北其陪祀官郎中員外郎以下及各衙門官分列于丹陛下之南○嘉靖十年奏准行取坐營在外都指揮許與宴○二十五年奏准進呈慶成宴圖揭帖紙劄工費於刑部支取○凡正旦冬至 萬壽聖節洪武永樂間大宴並如慶成儀宣德正統間朝官不與宴者給賜節錢鈔錠各處進表官亦令與宴免宴則通賜節錢○凡立春元宵四月八端陽重陽臘八等節永樂間俱於奉天門通賜百官宴用樂其後

賜宴日早朝畢光祿寺 面奏百官入班行叩頭禮駕還宮百官出宴於午門外不用樂宴畢復向闕行叩頭禮乃退○凡 皇太后壽旦正統四年賜百官宴于午門外○凡東宮千秋節永樂間賜五府六部等衙門堂上官左右春坊科道近侍錦衣衛隨駕帶刀指揮千戶等官及天下進箋官宴於文華殿并文華門東西廊王府進箋官并外國使臣宴於禮部宣德以後通宴於午門外○凡纂修校勘書籍總裁等官嘉靖八年奏准以開館前一日賜宴於禮部 命勲臣一員主席○凡纂修書籍進呈賜宴於禮部嘉靖十五年題准纂修官雖已陞遷去任許一體與宴○凡內閣大臣一品九年考滿賜宴於禮部 命六部尚書侍郎都察院都御史待宴○凡進士賜恩榮宴於禮部 命勲臣一員待宴

嘉靖間內閣四品特賜坐於二品之末

○凡武舉賜會



武宴於中府 命內閣大臣一員主席○凡午門外 欽賜筵宴嘉  
靖二十五年題准光祿寺將與宴官員各照衙門官品開寫職銜姓  
名貼註席上務於候朝處所整齊班行俟叩頭畢候大臣就坐方許  
以次照名就席不得預先入坐及越次失儀其各官宴餘桌面許令  
量帶一二人收領不得帶領多人跟隨有紊朝儀違者聽糾儀御史  
及鴻臚寺指名糾奏跟隨人役混擠者緝事衙門官校拏問○凡文  
武官遇筵宴洪武初令四品以上官文武西各照品級上殿侍坐  
五品以下于殿下丹墀內文東武西各照品級序坐其奉 特旨賜  
殿內坐者不在此限如在奉天門則四品以上官坐于門上五品以  
下官坐于丹墀內務要容止恭肅不許攙越喧譁○二十年令百官  
于奉天華蓋謹身武英等殿筵宴奏事須穿履鞋方許上殿違者從

禮部官監察御史儀禮司糾舉送法司如律

嘉靖二十五年題

光祿寺專掌貼註該宴職名鴻臚寺專掌序列貼註班次每遇筵宴  
先期二日光祿寺行鴻臚寺查取與宴官班次貼註若貼註不明品  
物不備責在光祿寺若班次或混禮度有乖責在鴻臚寺

卷之第七十三

禮部三十一

大宴樂洪武間定殿內侑食樂樂器

麾竿一祝一敵一搏拊一琴四瑟二簫四笙四笛四壎二篪二

排簫一鐘一磬一應鐘

樂章

奏火精開運之曲

炎精開運篤生

聖皇大明御極遠紹

虞唐河清海晏物阜民康威加夷獠德被戎羌八珍有薦九鼎馨香  
鐘鼓鏜鏜宮徵洋洋怡神養壽理陰順陽保茲遐福地久天長  
之皇風被八表熙熙聲教宣時和景象明紫宸開繡筵龍袞曜朝日  
金爐裊祥煙濟濟公與侯被服嚴且鮮列座侍丹宸磬折在周旋羔

大明會典卷之七十三

禮部

三十一



脉升華組玉饌充方圓初筵奏南風繼歌賡載篇瑤觴欣再舉拜俯  
禮無愆同樂及斯辰於皇千萬年奏平定天舞士三十二人皆左執

干干長三尺五寸上闊一尺下廣六寸朱質上畫雉羽中畫升龍雲

氣右秉戚戚長二尺五寸硃紅漆柄金妝戚斧分為四行每行八人

舞作發揚蹈厲坐作擊刺之狀皆冠黃金束髮冠紫紛纓青羅生色

畫舞鶴花窄袖衫白生絹襯衫錦領紅羅銷金大袖窄袍紅羅銷金

裙阜生色畫衣沿襪白羅銷金汗袴藍青羅銷金沿紅絹擁項紅結

子紅絹束腰塗金束帶青絲大綵錦臂鞞綠雲頭阜靴舞師二人執

旌以引之旌長七尺五寸硃紅漆柄金龍吞口懸五色羽九層每層

用塗金寶蓋紅絲絛穿末垂絲結子皆冠黃金束髮冠紫紛纓青羅

大袖衫白絹襯衫錦領塗金束帶綠雲頭阜靴樂章清海宇拔劍起

淮土策馬定寰區王氣開天統寶曆應乾符武畧文謨龍虎風雲翽

業初將車星繞弁勇士月彎弧選騎平南楚結陣下東吳跨蜀驅胡

萬里山河壯 帝居三奏眷皇赫赫 上帝眷我 皇明大命既集

本固文榮厥本伊何育德春宮厥支伊何沿邦以寧慶延百世澤被

羣生及時為樂天祿是膺千秋萬歲永觀厥成奏撫安四舞士十六

人東夷四人椎髻於後繫紅銷金頭繩紅羅銷金抹額中綴塗金博

山兩旁綴塗金環明金耳環青羅生色畫衣大袖衫紅生色領袖紅

羅銷金裙青銷金裙沿紅生絹襯衫錦領塗金束帶烏皮鞋西戎四

人間道錦纏頭明金耳環紅紵絲細褶襖子大紅羅生色雲肩綠生

色沿藍青羅銷金汗袴紅銷金沿繫腰合鉢十字泥金數珠五色銷

金羅香囊紅絹擁項紅結子赤皮靴南蠻四人縮朝天髻繫紅羅生



色銀錠紅銷金抹額明金五環紅織金短襖子綠織金細褶短裙絨  
綿袴子間道紵絲手巾泥金項牌金珠纓絡綴小金鈴錦行纏泥金  
獅蠻帶綠銷金擁項紅結子赤皮靴北狄四人戴單于冠貂鼠皮簷  
雙垂髻紅銷金頭繩紅羅銷金抹額諸色細褶襖子藍青生色雲肩  
紅結子紅銷金汗袴繫腰合鉢阜皮靴四夷各爲一行舞作拜跪朝  
謂喜躍俯伏之狀舞師二人執幢以引之幢長七尺五寸硃紅漆柄  
金龍吞口懸五綵羅幢五層每層綴五色銷金吹帶末垂紅粉結子  
皆戴白捲簷壇帽塗金帽頂一撒紅纓紫羅帽襪紅綠金繡襖子白  
銷金汗袴藍青銷金沿塗金東帶綠擁項紅結子赤皮靴樂章小將  
軍 大明君定宇寰 聖恩寬掌江山東虜西戎北狄南蠻手高擎  
寶貝盤殿前歡五雲宮闕連霄漢金光明照眼玉溝金水聲潺潺頤

顛觀趨踏看儀鑾嚴肅百千般威人心膽寒慶新年虎豹關文武班

五綵間慶雲朝霞燦黃金殿喜氣增丹墀內仰 聖顏翠遶紅圍錦

繡班高樓十二欄笙簫起紫檀德音韻瑤箏按拜舞齊歌謠讚吾

皇萬壽安過門子定宇寰定宇寰掌江山撫百蠻謳歌拜舞仰祝讚

萬萬年 帝業安 四奏天道傳之曲 馬負圖兮天道傳龜載書兮人文宣義

畫卦兮禹疇敘 皇極建兮合自然綿綿曆數歸 明主祥麟在郊

威鳳舞九夷入貢康衢謠 聖子神孫繼 祖武垂拱無爲邁前古

奏車書會同之舞舞士三十二人左執籥籥長一尺五寸硃紅漆篁

竹爲之上開三竅右秉翟翟長三尺五寸硃紅漆柄金龍吞口上綴

雉羽五層每層用塗金寶蓋紅絲綠穿末用紅絲結子分爲四行每

行八人舞坐作進退舒徐揖讓升降之狀皆冠黑光描金方山冠青



紛纓衣素紅羅大袖衫紅生絹襯衫錦領紅羅擁項紅結子塗金束帶白絹大口袴白布鞮茶褐鞋舞師二人執翽以引之翽長七尺五寸硃紅漆柄金龍吞口懸白鷺羽九層用塗金寶蓋紅絲綠穿末垂紅絲結子冠服與舞士同惟大袖衫用青不用紅羅項紅結子樂章泰階平乾坤清寧治功告成武定禍亂文致太平郊則致其禮廟則盡其誠卿雲在天甘露零風雨時若百穀登禮樂雍和政刑肅清儲嗣既立封建乃行讒佞屏四海賢俊立朝廷玉帛鐘鼓陳兩楹君臣賡歌揚頌聲五奏振皇綱之曲周南詠麟趾卷阿歌鳳凰藹藹稱多士為楨振皇綱赫赫我大明德尊踰漢唐百揆修庶績公輔理陰陽峩冠正襟佩都俞在高堂坐令八紘內熙民樂康氣和風雨時田疇見豐穰獻禮過三爵歡娛良未央奏百戲承應○六奏金陵之曲鍾山蟠蒼龍石城

踞金虎千年王氣都于今歸聖主六代繁華經幾秋江流東去無時休誰言天塹分南北英雄豈但嗤曹劉我皇昔住濠梁屋神遊天錫真人服提兵乘勢渡江來詞臣早獻金陵曲歌金陵進珍饌諧八音繼三歎請觀漢祖用兵時為嘗馮異滹沱飲奏百戲承應○七奏長楊之曲長楊曳綠黃鳥和鳴菡萏呈鮮紫燕輕盈千花浥露日麗風清及時為樂芳尊在庭管音嘒嘒絲韻泠泠玉振金聲各奏爾能皤皤國老載勸載徵明德惟馨垂之聖經唐風示戒永保嘉名無已太康招人是聽奏百戲承應○八奏芳醴之曲夏王厭芳醴商湯遠色聲聖人示深戒千春垂令名惟皇登九五玉食保尊榮日晏不遑餐布德延羣生天庖具豐膳鼎鼐事調烹豈但資肥甘亦足養遐齡達人悟茲理恒令五氣平隨時知有節昭哉天道行奏隊舞承應○九奏鸞六龍之曲日麗中天漏下遲公卿

大月 晉曲 百五冊 豐 卅 六百廿十



侍燕多令儀簫韶九奏觴丸獻爐煙細逐祥風吹羣臣舞蹈 天顏

喜歲熟民康長若此六龍廻駕鳳樓深寶扇齊開扶玉几景星呈瑞

慶雲多兩曜增暉四序和 聖人道大如 天地歲歲年年柰樂何

奏隊舞 承應 進膳樂樂器 笙二笛二鼓二板一杖鼓八 樂章水龍吟寶殿祥雲紫氣濛

聖明君龍德宮氣氤霧靄檜柏間青松龍樓鳳閣雕梁畫棟此是蓬

萊洞太平清樂樂器 笙四笛四頭管二簫四杖鼓八小鼓一板一方響一 樂章大清歌萬國來

朝進貢仰賀 聖明主一統華夷普天下八方四海南北東西託

聖德勝堯王保護家國太平天下都歸一將兵器銷為農器旌旗不

動酒旗招仰荷 天地清歌一願四時風調雨順民心喜攝外國

將寶貝攝外國將寶貝見 君王來朝寶殿裏珊瑚瑪瑙玻璃進在

丹墀開天門託長生日月光天德萬萬歲永固 皇基公卿文武來

朝會開玳筵捧金杯設立大樂樂器 戲竹二簫四笙四笛二頭管二杖鼓八 樂章

鼓一板一 陞座○還宮○百官行禮樂章 萬歲樂朝天子○見朝儀 迎膳樂樂器

戲竹二笙二笛四頭管二 樂章水龍吟 前同 大祀慶成大宴萬國來朝

隊舞纓鞭得勝隊舞 萬壽聖節大宴九夷進寶隊舞壽星隊舞冬

至大宴讚聖喜隊舞百花聖朝隊舞正旦大宴百戲蓮花盆隊舞勝

鼓采蓮隊舞永樂間定殿內侑食樂樂器 鹿一簫四笙四笛四頭二

編磬一柷一敔一 樂章 壽之曲 龍飛定萬方受 天命振紀綱

倫攸敘四海康普天率土盡來王臣民舞蹈嵩呼載揚稱觴奉吾

皇聖壽天長 奏平定天 引舞二人皆服青羅包巾青紅綠玉色羅銷

金胷背襖子渾金銅帶紅羅裕褙阜雲頭靴青綠羅銷金包髻舞人

三十二人服色與引舞樂工同樂章四邊靜威伏千邦四夷來賓納



表章顯禎祥承乾象 皇基永昌萬載山河壯刮地風 聖王過堯

勝禹湯立五常三綱八蠻進貢朝今上頓首誠惶朝中宰相燮理陰

陽五穀收成萬民歡暢賀吾 皇齊讚揚萬國來降二奏仰天 皇

天眷 聖明五辰順四海寧風調雨順百穀登臣民鼓舞樂太平賢

良在位邦家永禎吾 皇仰洪恩夙夜存誠奏黃童白叟鼓 樂器四

大鼓一小鼓一鼗子二拍板 樂章豆葉黃雨順風調五穀收成倉廩

豐盈大利民生託賴著 皇恩四海清鼓腹謳歌白叟黃童共樂咸

寧奏撫安四夷之舞 引舞樂工二人皆服紅擅帽紅羅銷金項帕紅青綠羅

銷金襖子紅羅袴襖紅青綠羅銷金包鬢阜雲頭靴擻掇樂器笛二

二簫二琵琶二水盞一鼗子二拍板一二十絃二 高麗舞四人皆服笠子青羅銷金臂背襖

子銅帶阜靴琉球舞四人皆服綿布花手巾青羅大袖襖子銅帶白

碾光絹間道躡襪阜皮靴北番舞四人皆服狐帽青紅紵絲銷金襖

子銅帶伍魯速回回舞四人皆服青羅帽比里罕綿布花手巾銅帶

阜靴樂章小將軍順天心 聖德誠化番邦盡朝京東夷歸伏舞

於龍廷貢 皇明寶貝擎殿前歡四夷率土歸 王命都來仰 大

明萬邦千國皆歸正現 帝庭朝 仁聖天階班列眾公卿齊聲歌

太平慶豐年和氣增鸞鳳鳴紫霧生祥雲朝霞映焚金爐香味馨列

丹墀御駕盈絃管簫韶五音應龍笛間鳳笙渤海令金杯中酒滿盛

御案前列羣英 君德成 皇圖慶嵩呼萬歲聲過門子 聖主興

聖王興顯威靈蠻夷靜 至仁至德至聖明萬萬年 帝業成三奏

德之 皇心感地靈順天時德厚生含弘光大品物亨鐘奇毓秀產

俊英河清海宴麟來鳳鳴陰陽永和平相我文明奏車書會 舞人三

同之舞 舞人三



十四人皆服皂羅頭巾青綠玉色皂沿邊襪茶褐線絛皂皮四縫靴  
 樂章新水令錦衣花帽設丹墀具公服百司同會麟至舞鳳來儀文  
 武班齊朝賀 聖明帝水德子八方四面錦華夷天下蒼生仰聖德  
 風調雨順昇平世遍乾坤皆讚禮託 君恩民樂雍熙萬萬年 皇  
 基堅固萬萬載江山定體萬萬歲 洪福天齊四奏民樂生之曲世間的萬  
 民荷 天地感 聖恩乾坤定位四海春君臣父子正大倫 皇風  
 浩蕩人心載醇熙樂天真永戴 明君奏表正萬邦之舞引舞二人皆執  
 紅纓纛服青羅包巾紅羅銷金項帕紅生絹錦領中單紅生絹銷金  
 通袖襖子青綿絛銅帶織錦臂鞞阜雲頭靴各色羅銷金包鬻紅絹  
 裕褩舞人樂工六十四人皆執干一小鉞芥一服色與引舞同樂章  
 慶太平奏和泗亂朝綱構禍難煽動戈折赫怒吾皇親征壩上指天

戈敵皆降武士歡白溝戰場旌旗雲合迷日光令嚴氣張三軍踴躍  
 齊奮揚掃除殘甲如風蕩凱歌傳四方 仁聖不殺降望河南失攬  
 搶滾繡毬肆旅拒恃力强一心構殃築滄洲百尺城隍騁薑毒恣虎  
 狼孰能禦當順 天心有德隆昌倒戈歛甲齊歸降撫將生還達故  
 鄉自此仁聞愈彰陣陣羸不數孫吳兵法良神謀睿算合陰陽八陣  
 堂堂行天上虎畧龍韜孰敢當俘囚十萬皆踈放感荷 仁恩戴上  
 蒼得勝回兩傍四方展鳥翼風雲鴈行出奇兵敵難量士强馬强遍  
 百里眠旗卧鎗勝兵回樂洋洋小梁州敵兵戰敗神魂喪擁貔貅直  
 渡長江開市門肆不移宣 聖恩如天曠綸音頒降普 天下仰吾  
 皇五奏感恩皇恩之曲當今四海寧頌聲作禮樂興 君臣慶會躋太平衣冠  
 濟濟宴彤庭文臣武將共荷恩榮忠心盡微誠仰答 皇明奏天命有德之



舞引舞二人俱執紅纓纛服青幪紗如意冠紅生絹錦領中單紅生

絹大袖袍各色絹綵畫直纏黑角偏帶藍絹綵皂雲頭皮靴白布鞵

舞人樂工六十四人皆執紅漆羽籥雉雞尾服色與引舞樂工同樂

章慶宣和雨順風調萬物熙一統華夷四野嘉禾感和氣一榦百穗

一榦百穗窄輓兒梯航萬國來丹陛太平年永固洪基正東西南北

來朝會洽寰宇布春暉四裔咸賓聲教美自古明王在慎德不須威

武服戎狄祥瑞集鳳來儀佳期萬萬歲 聖明君主華夷 六奏慶豐年之曲

萬方仰 聖君大一統撫萬民豐年時序雨露均穰穰五穀貨財殷

酣歌擊壤風清俗淳四夷悉來賓止統 皇仁 七奏集禎應之曲 皇天眷

大明五星聚北太平騶虞出現甘露野蠶成繭嘉禾生醴泉湧地

河水清乾坤萬萬年四海永寧 八奏永皇圖之曲 天心眷 聖皇正天位撫

萬邦仁風宣布禮樂張戎夷稽首朝明堂 皇圖鞏固賢臣贊襄大

平日月光地久天長 九奏樂太平之曲 皇恩被八紘三光明四海清人康

物阜歲屢登含哺鼓腹皆歡聲民歌帝力唐堯至仁乾坤永清共樂

太平丹陛大樂樂器 戲竹二簫十二笙十二笛十二頭管十二篪八琵琶八二十絃八方響二鼓一拍板六杖鼓十

二 陛座○還宮樂章 萬歲樂與洪武間同 百官行禮樂章 朝天子與洪武間同 導膳樂樂

器 戲竹二笙六笛六頭管六篪四鼓一拍板二杖鼓八 樂章 水龍吟與洪武間同 迎膳樂樂器 笙四笛四頭管四篪二方

二方響一大鼓一 樂章 與導膳同 進膳樂樂器 笙四笛四頭管四篪二方

拍板一杖鼓四 樂章 太清歌上清歌開天門俱與洪武間同 大祀慶成纓鞭得勝蠻夷隊舞 萬壽聖

節九夷進寶隊舞冬至節讚聖喜隊舞正日節百戲蓮盆隊舞○嘉

靖間續定慶成宴樂章陛座萬歲樂五百昌期嘉慶會啟 聖皇龍

飛天位九州四海重華日 大明朝萬萬世百官行禮朝天子滿前



瑞煙香遶蓬萊殿風回韶律鼓淵淵列陛下旌旗絢日至朱躔陽生  
 赤甸氣和融徹 上玄歷年萬千長慶天宮宴上護衣上花水龍吟  
 寶殿金爐瑞靄浮陳玉案列珍羞天花炫彩照耀翠雲裏鸞歌鳳舞  
 虞庭樂奏 萬歲君王壽 一奏上萬歲之曲 聖主垂衣裳興禮樂邁虞唐  
 簫韶九成儀鳳凰日月中天照八荒民安物阜時和歲康上奉 萬  
 年觴胤祚無疆 奏平定天下之舞 四邊靜 天啟嘉祥 聖主中興振紀綱  
 頌洋洋功蕩蕩國運隆昌萬歲 皇圖壯鳳鸞吟維皇 上天佑  
 聖明景命宣五雲輝三台潤七緯光懸協氣生嘉祥見正萬民用羣  
 賢垂袞御經筵宵衣勤政殿禮園丘大祀精虔明水潔蒼璧圓秉周  
 文承殷薦眷 皇家億萬斯年 二奏仰天恩之曲 皇穹啟 聖神欽乾運  
 祇郊禋一陽初動靄先春萬福來同仰至仁祥開日月瑞見星辰禮

樂協神人宇宙咸新迎膳水龍吟春滿雕盤獻玉桃葭管動日輪高  
 熹微霽色遙映 衮龍袍千官舞蹈鈞韶迭奏曲度昇平調進膳水  
 龍吟紫禁瓊筵煖應冬驟八螭乘六龍玉卮瓊竿蔽座獻重瞳堯天  
 廣運舜雲飛動喜聽賡歌頌進湯太清歌長至日開黃道喜乾坤佳  
 氣陽長陰消奏鈞韶音調鳳軫律協鸞簫仰龍顏天日表如舜如堯  
 金爐煙煖御香飄玉墀晴霽祥光遶宮梅花柳迎春好燕樂蓬萊島  
 上清歌雲捧宸居五星光映三台巖仰日月層霄霽仰日月層霄中  
 興重見唐虞際太和元氣自陽回兆姓歡愉開天門九重霄日轉  
 皇州曉燕天家共歌魚藻龍鱗雉尾高祝 聖壽慶清朝 奏黃童白叟鼓腹謳  
 歌承 應 御鑾歌雅奏樂昇平瞻絳闕集瑤京黃童白叟喜氣盈謳歌鼓  
 舞四海寧金枝結秀玉樹含英聽康衢擊壤聲 帝力難名 二奏感昊德之



曲 帝德運光明一陽動萬物生升中大報蒼壁陳禮崇樂暢歆太清

星懸紫極日麗璇庭乾坤瑞氣盈海宇安寧奏撫安四夷之舞賀聖朝華夷

一統萬國來同獻方物修庭貢遠慕皇風自南自北自西自東望

天宮佳氣鬱重重四靈畢至麟鳳龜龍殿前歡瑞雲晴雷浮宮殿一

脉陽和轉禮成交泰開周宴鳳笙調龍幄展天心感格人歡忭四

海謳歌徧慶豐年賴皇天錫豐年勤禹稼力舜田喜慰三農願嘉

禾秀瑞麥鮮賦九州貢八埏神倉御廩咸充滿養民以養賢新水令

聖德精禋格昊穹大一統四夷來貢玉帛捧文軌同世際昌隆共聽

輿人頌太平令誕明禋天監元后光四表惠澤周流來四裔趨前擁

後獻萬寶充庭滿園稽首頓首天高地厚祝聖人多男福壽四奏民樂生之

曲大報禮初成象乾德運皇誠神州赤縣永清寧靈雨和風樂太

平陰陽交暢品物咸亨元化自流行允殖羣生迎膳水龍吟五色祥

雲捧玉皇開闔闔坐明光鈞天樂奏冬日御筵張文恬武熙太平

氣象人在唐虞上進膳水龍吟玉律陽回景運新燕鎬京藹皇仁

光昭雲漢一氣沸韶諷錦瑟和聲瑤琴清韻瞻仰天顏近進湯太清

歌萬方民樂時雍鼓舞荷天工雷行風動喜今逢南蠻北貊東夷西

戎來朝貢大明宮星羅斗拱九重天上六飛龍五色雲間雙彩鳳普

天率土效華封允協河清頌奏車書會同之舞新水令五雲深護九重城感

洪恩一人有慶陽初長禮方行帝德文明表率邦家正水倦子萬

方安堵樂康寧九域同仁荷聖明千年撫運承天命露垂甘河獻

清見雙岐秀麥連莖喜靈雪隨冬應覩祥雲拂曙生神與化並運同

行五奏感皇恩之曲雙闕五星光霓旌樹紫蓋張璇臺玉曆轉新陽鈞天廣



樂諧宮商恩深露湛喜溢霞觴日月煥奏表正萬邦之舞龍章地久天長

慶太平維天眷我聖明禮園丘至德精誠乾元永清洪膺景命休

徵應泰階平千秋歲聖主乘龍御萬邦慶雲翔化日重光羣臣拜舞

稱壽觴載歌天保章滾繡毬五雲車度九重利見飛龍耀衣章火

藻華蟲擊虎故考是鐘鼉鼓逢逢八珍列九鼎豐隆堯眉揚彩舜重

瞳萬國咸熙四海雍齊歌頌聖德神功殿前歡萬年禮樂中興日

大化觀重熙河清海晏臻祥瑞五行順七政齊超三邁五貞元會既

醉頌鳧鷖天下樂萬靈朝拱接清都享南郊欽天法祖願聖人承乾

納祐中和位育龜獻範馬陳圖醉太平禮樂萬年規謳歌四海熙衣

冠蹈舞九龍堦嚴正仰南離紫雲高捧唐虞帝垂衣天下文明洽鎬

鳥岐鳳呈嘉瑞真箇是人在成周世六奏慶豐聖人懋承乾綏萬邦

屢豐年神倉御廩登天田明采鬱鬯祀孔虔輿情咸豫協氣用宣萬

古帝圖傳璧合珠聯七奏集禎應之曲天保泰階平寶露降渾河清嘉禾

秀麥集休禎遐陬絕域喜氣盈一人有慶百度惟貞萬國頌咸寧麗

正重明八奏永皇圖之曲鎬燕集天京頌魚藻歌厭鳴邊陲安堵萬國寧重

譯來庭四海清咸池日曙昧谷雲征帝座仰前星豫大豐亨九奏樂太平之

曲皇極永登祥乾符啟泰運昌玉管回春動一陽金鑾錫燕歌九章

虞庭獸舞岐山鳳翔日麗衮龍裳主聖臣良迎膳水龍吟香霧氤

氲紫閣重仰天德瞻帝容星輝海潤甘雨間和風樂比鳧魚瑞呈

麟鳳永獻卷阿頌進膳水龍吟萬戶千門啟建章台階峻帝座張

三垣九萬道北斗玉衡光元氣調和雅韻鏗鏘昭代慶明良大清歌

萬方國盡來庭稽首歌帝仁仰荷生成振乾綱陰陽順序民物樂



生逢 明聖萬年春永膺休命華夷蠻獠咸歸正蒼生至老不知兵

鼓腹含哺囿太平九有享清寧奏天命有德之舞萬歲樂太平 天子興隆

日履初長陽回元吉醴泉芝草休徵集會聞道五星聚室賀聖朝一

人元良百度維新握赤符凝玄應享太清大禮方行祀事孔明感天

心億載恒承慶明王慎德四夷咸賓奏纓鞭得勝蠻夷隊舞承應醉太平星華紫

殿高雲氣彤樓遶九夷重譯梯航到 皇圖光八表玉宇無塵明月

皎銀河自轉扶桑曉平平蕩蕩歸王道百獸舞鳳鳴簫韶看花會普

天下都賴吾 皇至聖看玉關頌款天山已定四夷效順歸王命天

保歌羣黎百姓天下樂九重樂奏萬花開望龍樓雲蒸霧靄仰天工

雍熙 帝載臣民歡戴溥仁恩遍九垓清江引黃鍾既奏陽和長德

盛天心貺人文日月明國勢山河壯嚮室民謠頌擊壤奏致語萬民

安樂天下太平嵩呼萬歲再動樂聲清江引鈞天畢奏日方中既醉

歡聲動雲章傍 袞龍颺勢翔威鳳萬方安樂興嘉頌千秋歲上下

交歡燕禮成一陽奮萬彙咸亨風雲會合開明運紫極轉璇衡宴畢

百官行禮朝天子文班武班歡動承明殿禮成樂備頌聲喧真咫尺

仰天顏日照龍筵風回雉扇翠蕤旋奉僊鑾雲間斗間五色金章燦

還宮萬歲樂天回北極雲成瑞望層霄重華日麗九垓八極樂雍熙

祝 聖壽萬萬歲小宴樂永樂間定侑食樂樂器簫二笙二樂章一奏本太

初之朝天子混兮沌兮水土成元氣不分南北與東西未辨天和地

萬象包涵其中秘密難窮造化機是陰陽本體乃為之太極兩儀因

而立二奏仰大明之曲歸朝歡太極分混然方始見儀形清浮濁偃乾坤定

日月齊興照青霄萬象明陽須動陰須靜陰與陽皆相應流行二氣



萬物俱生

奏百戲承應三  
奏民初生之曲

沽美酒乾坤清宇宙寧六合淨四維正萬

象原來一氣生定三才五行民與物共成羣太平令為一類不分人

品竟生食豈曉庖烹避寒暑巢居穴遁披樹葉相尋趣如何是愛親

世情治生雖混然各安其性

奏百戲承應四  
奏品物亨之曲

醉太平黎民生世間萬

物長塵寰陰陽交運轉循環久遠時庶繁相傳氣候應無間品物交

錯憑誰鑒望聖人出世整江山主萬民得安

奏百戲承應五  
奏御六龍之曲

清江引

人心久仰生

聖君天使人生聖聖人受天機體天居中正御六龍

聖明登九重碧玉簫君坐神京海嶽共從新民仰

君恩聖治有人倫人品分萬物增聖承乾百福臻垂法明尊

天命興後朝皆從正

奏百戲承應六  
奏泰階平之曲

十二月聖乃有言天天是無言聖聖人臨正萬物亨

通恩威盛社稷安仁德感江山定選用英賢興王政分善惡賞罰均

平三公九卿左右股肱庶事康寧

奏百戲承應七  
奏君德成之曲

十二月皇基以興

聖帝修身奉天體道聖德愈明敬天地勤勞萬民立法度上下咸寧

堯民歌風俗禮樂厚彝倫愛興學校進儒經賢臣良將保朝廷四野

人民頌歡聲用的是賢英賢英定太平寰海皆歸正

奏百戲承應八  
奏聖道行之曲

金殿萬年歡三綱既定九疇復興聖道如天嘉禾齊秀寒暑和平聖

威無邊皇基穩勝磐石慶雲生景星長現三光輝耀百穀收成萬姓

安寧得勝令聖德感皇乾甘露降山川萬邦來朝貢奇珍擺布全玉

階下鳴鞭仰

聖主陞金殿丹墀列英賢讚吾皇豐稔年

奏百戲承  
應九奏樂

清寧之曲 普天樂萬邦寧 皇圖正父君母后天下咸欽 君治外永聖

明后治內長安靜後聖從乾皆從正德相傳 聖子神孫天威浩蕩

江山永固洪福無窮沽美酒和氣生滿玉京祥煙起映皇宮明聖開

大月會典卷之五十一

禮部

禮部

一百一十七



基整萬民風雲會 帝庭奏簫韶九韻成太平令紫霧隱金鑾彩鳳

祥光尊良將賢臣玉案列珍羞美醞寶鼎藝龍涎香噴至尊永寧儲

嗣守成賀萬萬歲一人有慶奏魚躍于淵承應設立大樂樂器笙二笛二頭管二箏二鼓

一板一杖鼓八陛殿還宮百官行禮樂章萬歲樂朝天子與前同進膳水龍吟與前同○奉天

門宴百官止用本太初仰大明民初生三奏樂章進酒進膳樂同惟

百官行叩頭禮用朝天子樂章宴畢導駕還宮用御鑾歌○嘉靖間

仁壽宮落成宴樂章侑食一奏本太初之曲朝天子帝誠 帝明寶位基昌

命僊苑開筵歌廉鳴亭殿天章映我有嘉賓鼓瑟吹笙示周行昭德

音日升月恒萬載 皇圖正二奏仰大明之曲殿前歡天保定聖人多壽多

男慶修和禮樂協中興嚴正重明如山阜如岡陵如川方至莫不增

協氣生禎祥應百神受命萬國來庭三奏民初生之曲沽美酒黃河清寶露

凝瑞麥呈靈鵲鳴諸福來同仰 聖明喜萬寶告成占景緯泰階平

太平令念農桑衣食之本仰 君德獨厚民生事耕鑿羣黎百姓歌

鹿鳴神人胥慶 明主燕嘉賓承筐鼓瑟笙繼自今福增天定四奏品物

亨之曲醉太平瑶宮怡聖顏閨苑隔人寰吹笙鼓瑟賓旨酒天開宴鹿

鳴歌舞黃金殿賴吾皇錫福萬民安醉歌天保歡五奏御六龍之曲清江引

聖王有道樂昇平燕會延休慶務本軫民生弘化凝 天命析落成

萬載開鴻運碧玉簫帝重農桑法駕起明光鱗游鳳翔宴陳天保章

開玳筵薦瑶觴既醉頌洋洋聖德巍 皇恩蕩世際唐虞上進膳水

龍吟寶瑟瑤笙鼓吹喧 聖天子御華筵南山萬壽瑞日正中天百

穀豐年八方珍膳人樂昇平宴太清歌瑞麥嘉瓜臻瑞仰荷 堯舜

主愛育羣黎感天意五風十雨秋報春祈禰爾德勸農桑日用衣食

六月廿五日 豐年 二十一



嘉賓和樂開筵地紅雲捧雕盤珍味山呼萬歲福無疆日升川至上  
 清歌仰賴吾皇泰天兩地凝和氣四三王六五帝四三王六五帝國  
 家興賢才為上瑞養萬民九域熙百祿咸宜開天門寶殿輝龍虎風  
 雲會瞻丹陛覲紫微周詩歌既醉螽斯麟趾開祥瑞仰飛龍在天位  
 幽風亭宴講官樂章侑食一奏本太初之曲朝天子九重詔傳殿閣開秋宴  
 授衣時節肅霜天禾稼登場徧鼓瑟吹笙昇平重見工歌七月篇春  
 酒當筵獻願吾皇萬年歲歲臨西苑二奏仰大明之曲殿前歡鳳苑御筵  
 開黃花映玉階鹿鳴天保歌三代古調新裁奉君王萬壽杯日月  
 明乾坤大看年年秋報賽太平有象元首明哉三奏民初生之曲沾美酒熙  
 春陽化日長執懿筐采柔桑拾繭繰絲有萬箱染紅黃孔陽為公子  
 製衣裳太平令勤樹藝歲年豐穰九十月禾黍登場為春酒甕浮新

釀村田樂齊歌齊唱饗公堂殺羊舉觴繼進著兕觥祝 聖壽萬靈

扶相四奏品物亨之曲醉太平納嘉禾滿場釀御酒盈缸公桑蠶績製玄黃

服 龍衣袞裳螽斯蟋蟀諧清唱水光山色明僊仗幽風亭殿進霞

觴祝 聖壽無疆五奏御六龍之曲清江引九月風光何處有鳳苑在龍池

右農夫稼已登公子衣方授 萬歲君王頻進酒碧玉簫凡我生民

農桑最苦辛終歲經營氣候變冬春田畯欣婦子勤詠幽詩仰化鈞

場圃新風雨順宴御墀龍顏近進膳水龍吟養老休農敞御筵瀉春

酒介耆年割羊剪韭社鼓正闐闐香粳米顆升堂拜獻此樂真堪羨

太清歌九月天開西苑宸居無逸殿講幄張筵集儒流雲蒸星炫壁

緯珠纒睹御製煥天章昭回雲漢堯天舜日民安宴御廩神倉百穀

登金輝玉粦休徵見大有豐年上清歌鳳苑宸居公桑 帝藉今方



舉躬耕蠶勸士女躬耕蠶勸士女獻羊羔升堂奏樂舞葵菽棗壺上  
珍厨 萬壽山呼開天門 幽風亭共仰吾 皇聖百穀登萬國咸寧

民康物阜禎祥應仰乾運俯坤靈○皇后親蠶宴內外命婦樂章陞

座天香鳳韶之曲春雲繚繞芳郊曙喜乾坤萬象咸舒蘭皋蕙圃迎仙馭采

柔條攀茂樹蠶宮繭館親臨御璧月珠星照太虛開筵還駐翠銷旗

萬載垂貞譽進膳沽美酒蠶禮成鳳輦停薦霞觴列雲屏宮妃世婦

仰坤寧祥雲映紫冥同祝頌耀前星回宮御鑾歌維 天啟 聖皇

君耕藉后躬桑身先田織率萬邦天清地寧民阜康百穀用成四夷

來王治化登虞唐世發禎祥東宮宴樂永樂間定樂器簫四笙四箏二樂章

一奏喜于春之曲賀聖朝開國承 天聖感極多總一統封疆閭百姓快活

萬物榮光共沐恩波仙音韻合讚昇平詠歌齊朝拜千千歲東宮滿

國春和二奏永南山之曲水僊子洪基永固海波清盛世明時禮樂興華夷

一統江山靜民通和樂太平讚東宮仁孝賢明秉鈞衡端正順乾坤泰

亨坐中華萬世昌寧奏百戲承應三奏桂枝香之曲蟾宮曲曉光融燕享春宮日朗

風和喜氣蔥蔥鎮領台樞規宏綱憲禮節至公事 聖上柔聲婉容

問安寧勤孝虔恭果斷寬洪剛健文明聖德合同奏百戲承應四奏初春曉之曲小

梁州端拱嚴宸事紮微秉運璇璣四時百物總相宜仰賴 明君德

大業勝磐石皇儲仁孝明忠義美遐方順化朝儀孝能歡慈愛心敬

篤上尊卑意禮上和和睦民鼓舞樂雍熙奏百戲承應五奏乾坤泰之曲滿庭芳春

和玳筵安邦興國欽 聖尊賢文英武烈於民便禮樂成全享大業

中唐不偏順天常節儉為先達文獻嚴儀訓典孝敬億千年奏百戲承應六

奏昌運頌之曲喜秋風文武安軍民樂宴文華會班僚五雲齊動鈞天樂賀



春宮讚皇朝

奏百戲承應七奏泰道開之曲

沽美酒布春風滿畫樓對嘉景鳳凰洲

高捧金波碧玉甌設威儀左右分品從列公侯太平令效聖上誠

心勤厚主宗器嚴備春秋諧律呂僊音齊奏欽王政皇天保佑拜舞

頓首讚祝進酒千千歲康寧福壽迎膳樂樂器戲竹二笙四笛四頭管四箏二琵琶二鼓

三拍板一杖鼓四樂章水龍吟方響笙綦鼓樂喧排寶器開玳筵鸞儀旌節錦

繡景相連簪纓趨進皆來朝見春滿文華殿陞殿還宮樂章千秋歲與前同

卷之第七十四

禮部三十二

傳制儀國初大祀天地前三日誓戒百官及遣官攝祭皆御殿傳制具儀如左誓戒儀洪武二十六年定凡大祀前三日陳設如常儀文武官各具朝服詣丹墀拜位鐘聲止儀禮司跪奏請陞殿樂作皇帝御華蓋殿具皮弁服出陞座樂止鳴鞭訖贊四拜傳制官詣御前

跪傳制由東門出至傳制位稱有制贊跪宣制云洪武某年正月某日大祀天地於南郊爾文武百官自某日為始致齋三日當敬慎之傳訖贊俯伏興樂作又四拜平身樂止奏禮畢嘉靖九年續定制曰某年十一月某日祇行大祀皇天禮於圜丘爾文武百官自今日為始致齋三日其宜精白乃心益加敬慎之哉遣祭儀洪武二十六年定凡遣官祭祀前一日陳設如常儀次日各官具朝服於丹墀北向立皇帝御華蓋殿具皮弁服鐘聲止執事官行一拜叩頭禮訖儀禮司跪奏請陞殿樂作陞殿樂止捲簾鳴鞭訖唱排班班齊百官一拜叩頭畢分東西立引禮引獻官詣拜位贊四拜平身傳制官詣御前跪奏傳制俯伏興由東門靠東出至丹墀東西向立稱有制唱跪宣制祭孔子則曰某年月日祭先師孔子大成至聖文宣王祭帝王則曰先聖歷代帝王命卿行禮贊俯伏興



樂作四拜樂止禮畢○凡傳制遣官代祀歷代帝王并旗纛孔子等廟前一日沐浴更衣處於齋宮次日還宮嘉靖間更定祭孔子制云某年某月某日祭至聖先師孔子命卿行禮每三年遣道士齋祝文香帛詣所在陵寢致祭制云某年某月某日祭先聖歷代帝王遣爾等齋捧祝文香帛詣陵寢致祭命所在有司行禮傳制樂與朝賀同樂章典祀之曲氤氳滿庭香八音絲竹弄笙簧金石音韻彰匏土革木度鏗鏘高捧降明香吾皇誠念詣神方神不佞禍淫福善理之常進春儀有司鞭春儀附○凡進春先期數日奏聞欽天監遣官至順天府候氣屆期奏進舊儀與見行微有不同備列於左洪武二十六年定是日早文武百官各具朝服於丹墀北向立應天府官置春案於丹墀中道之東引禮引府縣官就拜位贊鞠躬樂作四拜平身樂止典儀唱

進春引府縣官舉春案樂作由東階陞跪置於丹墀中道俯伏興平身樂作又四拜禮畢鳴贊唱排班引禮引文武官北向立贊班齊致詞官詣中道之東跪奏云新春吉辰禮當慶賀贊鞠躬樂作贊五拜三叩頭訖樂止儀禮司奏禮畢萬曆八年定先一日鴻臚寺執事官設春案一張於皇極殿外東王門簷下是日文武百官各具朝服侍班執事官先詣中極殿行禮如常儀鴻臚寺堂上官跪奏請陞殿導駕官前導教坊司樂作上御皇極殿陞座樂止錦衣衛傳鳴鞭引人序班引順天府等官先就拜位鳴贊贊鞠躬樂作四拜興平身樂止內贊立於東王門外贊進春引人序班引順天府府尹至東王門外鴻臚寺堂上官招呼起案樂作擡案序班舉春案至正門外簷下置定樂止引人序班引府尹至案前立內贊隨至簷下立贊跪鴻臚



寺堂上官傳跪外贊亦贊跪內贊贊進春府尹奏臣某等謹進某年  
春又奏 皇太后陛下春中宮殿下春某王殿下春俱在午門外伺  
候請命司禮監官捧進請旨承旨畢內贊贊俯伏鴻臚寺堂上官傳  
俯伏外贊亦贊俯伏樂作與平身樂止引入序班將府尹引下鴻臚  
寺堂上官招呼起案擡案序班舉春案至原處置定府尹仍入原班  
立外贊贊鞠躬樂作四拜與平身樂止順天府等官退下侍立對贊  
贊排班班齊文武百官入班立定鳴贊贊跪鴻臚寺堂上官一員於  
丹陛中道跪致詞云新春吉辰禮當慶賀致畢起身一躬由東邊門  
入殿內侍立鳴贊贊俯伏樂作與五拜叩頭與平身樂止鴻臚寺堂  
上官殿內跪奏禮畢傳贊禮畢鳴鞭駕興百官退進春樂與朝賀同有司  
鞭春儀永樂中定每歲有司預期塑造春牛并芒神立春前一日各

官常服與迎至府州縣門外土牛南向芒神在東西向至日清晨陳  
設香燭酒果各官俱朝服贊排班班齊贊鞠躬四拜與平身班首詣  
前跪眾官皆跪贊奠酒三奠酒訖贊俯伏興復位又四拜畢各官執  
采杖排立於土牛兩傍贊長官擊鼓三聲播鼓贊鞭春各官環擊土  
牛者三贊禮畢頒誥勅官員受誥封贈并焚黃儀附近制文武官誥勅於常朝日  
皇極門頒給頒誥勅官具朝服行五拜三叩頭禮與洪武間所定不  
同今仍載舊儀備考洪武二十六年定陳設如常儀至日 皇帝陛  
殿鳴鞭百官一拜叩頭畢引禮引受誥官詣拜位執事官舉誥案於  
丹墀中道或吏部或兵部官奏訖贊鞠躬樂作四拜平身樂止執事  
官舉誥案置於丹墀中道贊跪俯伏興樂作又四拜樂止禮畢頒誥  
樂與朝賀同官員受誥封贈并焚黃儀洪武中定凡受誥前一日本家設



誥案於正廳中設香案於誥案之南其日綵亭鼓樂送

如無綵亭用盤袱一人捧

前受誥官前行誥將至受封者即出大門外迎接命婦服冠服迎於

門內候誥輿即綵亭入門隨至廳前各就拜位執事者於輿內捧誥置

於案贊禮者贊鞠躬五拜三叩頭如命婦則捧誥入受封贈并受誥不必叩頭

官具香燭等物詣家廟或祠堂告知四拜訖受誥官并命婦於父母

前行四拜禮八年令官員祖父母父母受封迎誥至家祖父母父母

則與子孫各具服拜受男子受於正廳婦人受於中堂如不存者子

孫拜受擇日焚黃○凡焚黃前一日受誥於本家祠堂中設案卓一

於中間設香燭卓一於案前置祝文於案至日清晨孝子捧封贈誥

命置祠堂中案上者能寫人以黃紙一副依誥命一般謄抄置於案

卓執事者陳設祭物於案前孝子等各就拜位從祭子女列於後贊

禮者贊鞠躬拜興拜興平身至香案前贊跪上香祭酒亞祭酒三祭

酒讀祝執事者取祝文跪於右讀訖贊宣誥宣誥者立於東宣訖贊

俯伏興平身贊焚黃讀祝者取祝文宣誥者取黃俱至焚所焚燒孝

子酌酒禮畢祝文式維洪武某年歲次某甲子某月某朔某日孝子孫

致祭顯其考散官之靈 若靈在寫之靈若已除 某妣夫人之靈 靈入祠堂則寫神主追念音容不勝感

慕茲者欽蒙 聖恩追封顯某考散官 某妣夫人謹於今日行焚黃禮特備牲

醴告祭尚享開讀儀 迎接詔赦 等儀附朝廷頒命四方有詔書有赦書有勅

符丹符有制諭手詔詔赦先於闕廷宣讀然後頒行勅符等項則使

者齋付所授官員秘不敢發開讀迎接儀各不同具列於後洪武二

十六年定前期一日尚寶司設御座於奉天殿設寶案於殿東錦衣

衛設雲蓋於奉天門教坊司陳中和韶樂於殿內禮部設宣讀案於



承天門上西南向其日清晨陳設如常儀教坊司設大樂於午門外  
承天門外東西相向儀禮司設百官拜位於承天門外橋南校尉四  
人擎雲蓋於殿內簾前鼓初嚴文武百官各具朝服鼓次嚴引禮引  
公侯侍班於午門外東西相向鐘聲止儀禮司跪奏請陞殿 皇帝  
服皮弁服導駕官前導中和樂作陞座樂止鳴鞭捲簾禮部官捧詔  
書詣寶案前用寶訖捧置雲蓋中校尉擎執雲蓋由殿東門出大樂  
作自東陞降由奉天門至金水橋南午門外樂作公侯前導迎至承  
天門上鳴贊唱排班引禮引文武官就拜位唱班齊鞠躬樂作贊四  
拜樂止宣讀展讀官陞案稱有制贊衆官皆跪禮部官捧詔書授宣  
讀官宣讀官受詔書唱宣讀宣讀官宣訖禮部官捧詔置雲蓋中贊  
禮唱俯伏興樂作四拜樂止唱搢笏鞠躬三舞蹈唱山呼百官拱手

加額曰萬歲唱山呼百官拱手加額曰萬歲唱再山呼百官拱手加  
額曰萬萬歲凡呼萬歲樂工軍校擊鼓齊聲應之唱出笏俯伏興樂  
作四拜興平身樂止序班卽報儀禮司跪奏禮畢禮部官捧詔書分  
授使者畢駕興中和樂作鳴鞭樂止百官以次退嘉靖六年續定前  
期一日鴻臚寺官設詔案錦衣衛設雲蓋雲盤於奉天殿內東別設  
雲盤於承天門上設綵輿於午門外鴻臚寺官設宣讀案於承天門  
上西南向教坊司設中和樂及設大樂如常儀鴻臚寺官列百官班  
次於承天門外橋南是日錦衣衛設鹵簿駕百官各具朝服入丹墀  
內侍立 上具冕服御華蓋殿鴻臚寺官引執事官進至華蓋殿就  
次行五拜三叩頭禮贊各供事鴻臚寺官奏請陞殿樂作導駕官導  
上陞座翰林院官先捧詔書於華蓋殿從至御座前東立西向樂止



鳴鞭報時鷄唱定時鼓訖唱排班文武百官入班鴻臚寺官贊四拜樂作與樂止百官出至承天門外伺候鴻臚寺官舉詔案於殿中贊頒詔翰林院官捧詔書授禮部官禮部官捧詔書置於雲盤案上校尉擎雲蓋俱從殿左門出

隆慶六年儀注詔從殿左門出至皇極門鴻臚寺即奏禮畢駕興

至午門

外禮部官捧詔置綵輿內樂作公侯伯三品以上官前導迎至承天門上樂止鳴贊唱排班引禮引文武百官就拜位樂作贊四拜樂止唱宣讀展詔官陞案稱有制贊眾官皆跪禮部官捧詔書授宣讀官宣讀訖禮部官捧詔書置雲盤中贊俯伏與樂作四拜樂止搢笏鞠躬三舞蹈唱山呼萬歲者三唱出笏俯伏與樂作四拜與平身樂止序班報鴻臚寺官跪奏禮畢駕興百官以次出禮部官捧詔書授錦衣衛官置雲匣中以綵索繫於龍竿頒降禮部官捧詔書置於龍亭

內鼓樂迎至禮部授使者頒行天下開讀樂與朝賀同迎接詔赦儀洪武

中定○凡朝廷遣使各處開讀詔赦如至開讀所本處官員具龍亭

綵輿儀仗鼓樂出郭迎接朝使下馬取詔書置龍亭中南向朝使立於龍亭之東本處官員朝服北面行五拜禮眾官及鼓樂前導引朝使上馬在龍亭後行至公廨門外眾官先入文武官分東西序立候龍亭至公庭中朝使立於龍亭之東西向如有出使官員贊者先唱曰出使官行禮禮生引出使官於公庭露臺上行五拜禮畢於露臺之上東向立贊眾官排班有武官處文東武西排班如無武官處文官依次左右排班班齊樂作贊四拜禮朝使捧詔授展讀官展讀官跪受詣開讀案宣讀出使官於露臺北向跪眾官皆跪宣讀訖開讀官捧詔授朝使朝使捧詔置龍亭中眾官俯伏與四拜三舞蹈跪山



呼者三俯伏興四拜禮畢本處官班首詣龍亭前跪問 聖躬萬福  
朝使鞠躬答曰 聖躬萬福眾官乃退易服而見朝使行兩拜禮朝  
使答禮禮畢本處官復具鼓樂送詔於官亭○凡遇有詔書禮部差  
人齎往各處開讀所差人員必先教其捧詔進退禮儀○凡使者  
欽齎詔書至各處開讀預期一日報知本處官司照依已降儀式迎  
接行禮○凡使者欽齎詔書至總兵官處近營十里先令人報知總  
兵官設香案於營內南向列金鼓旗仗率領諸將出營迎接見使者  
下馬立於道傍俟詔書過總兵官并眾官上馬後從至營門外各下  
馬使者前行總兵官并眾官後從至營內使者捧詔書以授宣讀官  
眾官皆跪宣讀畢以授使者復置於案眾官皆俯伏興平身行四拜  
禮禮畢使者東立西向總兵官西立東向行兩拜相見禮畢使者居  
東總兵居西相向敘坐○凡遇詔赦經過道路官員軍民人等卽於  
道傍俯伏候詔赦過畢方起○凡出使在如遇詔赦到各處出迎郊  
外與本處官一同隨班行五拜三叩頭禮有職者隨品序列無職差  
使人便服隨具服班之後不許攙越行禮畢同本處官導龍亭至衙  
門中隨大班依上項班次行禮

迎接詔赦官班儀仗行次圖

橫瓜鉞斧瓜槌劍令旗鼓樂文官耆儒甲士鼓角金鼓旗

天丁 天丁 天丁

龍亭 香案

天丁 天丁 天丁

橫瓜鉞斧瓜槌劍令旗鼓樂武官耆儒甲士鼓角金鼓旗



開讀詔赦文武官拜位圖式

橫瓜鉞斧爪槌劍令旗鼓樂丹墀

鼓角金鼓旗  
儒僧道甲士  
生員吏典者

傘

龍亭

橫瓜斧鉞爪槌劍令旗鼓樂丹墀

千戶總小  
旗甲士鼓角  
金鼓旗

迎接勅符制諭儀洪武間定○凡使者欽齋勅符丹符到處多係機  
密重事不許先期報知亦不許本處官司迎接使者與眾官直至本  
衙門開看置勅符於案使者立於案東眾官四拜使者取符宣讀訖  
復置於案眾官再行四拜禮畢本處官遂與使者行禮若與一二人  
止於本家接符從便安放使者以符授本官本官叩頭開看畢乃與

使者行禮○凡使者欽齋制諭勅符手詔至總兵官處干係機密軍  
務經過去處不許報知本處官司亦不許迎接徑至總兵官營外先  
密遣人報知總兵官設香案於兵幕南向總兵官親出營迎接使者  
下馬捧制諭勅符前行總兵官後從至兵幕使者取制諭勅符置於  
案使者立於案東西向總兵官行五拜禮禮畢悉令屏去左右使者  
取制諭勅符親授總兵官開看畢即收卷復置於案使者東立西向  
總兵官西立東向行兩拜相見禮畢使者居東總兵官居西相向敘  
坐○凡總兵官奉命征討遇使者齋到制諭勅符手詔依儀行禮即  
便依 旨奉行如有應合復奏事理隨時具奏請 旨不許遲延方  
命違則如律進書儀進書儀惟實錄最重 上具袞冕百官朝服進  
表稱賀其餘纂修書成則以表進重錄書及玉牒止捧進儀各列於



後進實錄儀永樂元年定前一日設香案於奉天殿丹陛之中表案於丹陛之東錦衣衛設鹵簿駕教坊司設中和韶樂及大樂如常儀設寶輿於奉天門是日早史官捧實錄置其中上御華蓋殿具袞冕鴻臚寺官奏執事官行禮贊五拜奏請陛殿導駕官前導樂作上御奉天殿樂止文武官各具朝服詣丹墀分左右侍班鴻臚寺官導引寶輿至丹陛上史官舉實錄置於案史官入班鴻臚寺官奏進實錄序班舉實錄案以次由殿中門入班首由左門入上興序班以實錄案置於殿中班首跪於案前贊史官皆跪序班并內侍官舉實錄案入謹身殿置於中上復座贊俯伏班首俯伏興復位贊四拜贊進表序班舉表案由左門入置於殿中贊宣表贊眾官皆跪宣訖贊俯伏興贊四拜興進實錄官退於東班侍立文武百官入班鴻

臚寺官奏某官臣某同文武百官恭遇太祖聖神文武欽明啟運俊德成功統天大孝高皇帝孝慈昭憲至仁文德承天順聖高皇后實錄纂成羣臣懽懽禮當慶賀宜訖各官四拜興贊有制史官仍入班贊跪宣制云太祖聖神文武欽明啟運俊德成功統天大孝高皇帝孝慈昭憲至仁文德承天順聖高皇后功德光華纂述詳實朕心懽慶與卿等同之宜訖俯伏興三舞蹈山呼又四拜禮畢萬曆五年續定前一日設表案於皇極殿丹陛之東設實錄案於丹墀中教坊司設中和韶樂及大樂如常儀設寶輿香亭表亭於史館前是日早錦衣衛設鹵簿駕上御中極殿具袞冕服文武百官具朝服侍班監修總裁纂修等官具朝服至館前監修官捧表置表亭中纂修官捧實錄置寶輿中鴻臚寺官導迎實錄寶輿香亭用鼓樂繖蓋由



會極門下階至橋南由中道行表亭監修總裁等官後隨由二橋行至皇極門實錄寶輿香亭由中門入表亭監修總裁等官由左門入至丹墀案前監修官捧表由東王階陞置於表案由東北邊下纂修官捧實錄置於案樂作寶輿香亭鼓樂繖蓋俱退監修總裁等官侍立於石墀東內殿鴻臚寺官奏執事官行禮贊五拜三叩頭訖奏請陞殿導駕官前導樂作 上御皇極殿樂止鳴鞭監修總裁等官入班班列石墀上鴻臚寺官奏進實錄樂作序班舉實錄案以次由中道陞至殿門外 上興序班舉實錄案由中門入置於殿中樂止班首由東北邊階陞自東邊門入跪於案前贊總裁等官皆跪樂作內侍官舉實錄案入內殿置於中 上復座樂止贊俯伏班首及總裁等官皆俯伏樂作興平身樂止班首復位贊鞠躬樂作贊四拜興平

身樂止贊進表樂作序班舉表案置於殿中樂止贊宣表贊眾官皆跪鴻臚寺官展表宣訖贊俯伏興樂作贊鞠躬四拜平身樂止進實錄官退於石墀東侍立贊排班文武百官入班贊班齊贊跪鴻臚寺官致詞云文武百官某官某等恭惟 世宗肅皇帝神功聖德纂述成書光華萬世羣臣權下禮當慶賀贊俯伏興贊鞠躬樂作贊四拜興平身樂止贊有制進實錄官仍入百官班贊跪宣制云 世宗肅皇帝功德配天紀述詳實朕心懽慶與卿等同之宣訖贊俯伏樂作興平身樂止贊搢笏鞠躬三舞蹈贊跪山呼萬歲三贊出笏贊俯伏興樂作贊鞠躬四拜興平身樂止禮畢次日司禮監官自內殿送實錄下殿仍置寶輿中用繖蓋與監修總裁副總裁官同送至 皇

更殘尊藏進重書訓錄儀嘉靖十五年定前一日鴻臚寺設寶訓實



錄案於丹墀中設寶輿香亭於史館前教坊司設中和韶樂及大樂如常儀是日早錦衣衛設鹵簿駕史官具朝服至館捧寶訓實錄置寶輿中鴻臚寺官導迎寶訓實錄寶輿用鼓樂繖蓋從東廊北行由左順門外引由橋南中道行史官後隨由二橋行至奉天門階下由左門入至丹墀案前捧寶訓實錄置於案樂作候香亭寶輿退上御華蓋殿鴻臚寺官奏執事官行禮贊五拜奏請陞殿導駕官前導樂作上御奉天殿樂止鳴鞭文武百官各具朝服侍班史官入班贊四拜樂作興平身樂止鴻臚寺官奏進寶訓實錄樂作序班舉寶訓實錄案以次由中道陞班首官由左階陞至殿門外上興序班內侍官舉寶訓實錄案入華蓋殿上復座贊俯伏班首及史官皆

俯伏興平身樂止班首復位贊鞠躬樂作贊四拜興平身樂止史官退於東班待立文武百官入班贊五拜三叩頭興平身樂止禮畢次日早鴻臚寺官詣華蓋殿請寶訓實錄於寶輿內執事者舉輿由殿中門出鼓樂前導監錄等官并司禮監及各監內侍官後從由奉天門左順門東華門至皇史宬門外欽遣官以次捧太祖高皇帝訓錄及捧列聖訓錄各尊藏於金櫃內不掩恭候上親臨閱視闔固畢各官以次列階下行叩頭禮進玉牒儀弘治三年定前一日內執事官設御案於文華殿內稍東是日早朝退上御文華殿鴻臚寺官設玉牒案於左順門內當中翰林院官捧玉牒置於案序班二員舉案鳴贊二員前導錦衣衛官設傘蓋隨案行由文華門中門入翰林院進玉牒官後隨從二門入至丹陛上進玉牒官序列於前



序班舉玉牒案由殿中門入置於殿中出鳴贊贊四拜畢序班從左門入舉御案進 上前出進玉牒官一員從右門入捧玉牒展於御案俟 上覽畢仍捧玉牒置於前案出就班序班由左門入徹御案仍置殿內稍東出鳴贊贊四拜禮畢退內執事官收所進玉牒修玉牒起於正統年進玉牒舊於文華殿至正德以後改於奉天殿萬曆四年仍復舊制云 纂修書籍進呈儀前一日內執事官設御案於文華殿內稍東至日早朝退 上御文華殿鴻臚寺官設表案一書案一於左順門內當中纂修官捧表并書各置於案鴻臚寺官四員舉案二員前導錦衣衛設傘蓋二俱隨案行由文華門中門入纂修官後隨從二門入至丹陛上鴻臚寺官舉表與書案由中門入置於殿內正中出贊四拜禮畢鴻臚寺官二員從左門入舉御案進 上前出贊進表纂修官一員從右門入取表進上前

展表俟 上覽畢收表置於前案贊進書纂修官取書進 上前展書俟 上覽畢收書置於前案出就班鴻臚寺官六員由左門入二員徹御案四員徹表與書案各置於殿內東西贊四拜禮畢退內執事官收所進表并書

卷之第七十五

禮部三十三

表箋儀式國初定制凡進賀表箋親王於 天子前自稱曰第幾子某王某稱天子曰 父皇陛下稱 皇后曰母后殿下若孫則自稱曰第幾孫某封某稱 天子曰 祖父皇帝陛下稱 皇后曰 祖母皇后殿下若 天子之弟則自稱曰第幾弟某封某稱 天子曰大兄皇帝陛下稱 皇后曰 尊嫂皇后殿下若 天子之姪則自稱曰第幾姪某封某稱 天子曰 伯父皇帝陛下 叔父皇帝陛下



下稱 皇后曰 伯母皇后殿下 叔母皇后殿下若封王者其分  
居伯叔及伯叔祖之尊則自稱曰某封臣某稱 天子曰 皇帝陛  
下稱 皇后曰 皇后殿下若從孫再從孫三從孫自稱曰從孫某  
封某再從孫某封某三從孫某封某稱 皇帝曰 伯祖皇帝陛下  
叔祖皇帝陛下稱 皇后曰 伯祖母皇后殿下 叔祖母皇后殿  
下至嘉靖間始令各王府進賀表箋但用聖號不許用家人禮至今  
遵行 表箋有定式進表箋有儀具列於後進表箋儀王府進表箋儀見王國禮  
洪武間定○凡在外衙門進賀表箋前期一日結采於公廨及街衢  
文武官各齋沐於本衙門內宿歇其日清晨設龍亭於庭中設儀仗  
於庭外露臺上之東西設鼓樂於露臺南之東西北向設表箋案於  
龍亭前設香案於表箋案前設進表箋官位於龍亭之東鼓初嚴各  
官具服鼓次嚴引禮引班首具服詣香案前滌印用印訖以表箋置  
於案班首退於幕次鼓三嚴各官入班贊禮唱班齊鞠躬樂作四拜  
平身樂止唱進表引禮引班首由東階陞詣香案前贊跪傳贊衆官  
皆跪唱搯笏班首搯笏執事者以表箋跪授班首班首跪授進表箋  
官進表箋官跪受表箋置龍亭中贊內外官俯伏興班首復位贊禮  
唱鞠躬樂作四拜平身樂止唱搯笏鞠躬三舞蹈跪山呼者三唱出  
笏俯伏興樂作四拜平身樂止金鼓儀仗鼓樂百官具服前導進表  
箋官在龍亭後靠東行至郊外置龍亭南向儀仗鼓樂陳列如前儀  
文武官東西侍立班首取表箋授進表官進表官就於馬上受表即  
行百官以次退○凡進表箋洪武二十六年定 天壽聖節在外五  
品以上衙門止進表文一通正旦冬至拜進 皇帝表文 中宮箋



文東宮箋文各一通在外各王府并各布政司按察司及直隸府州表箋俱各差官齋進禮部各州表箋進於各府各府進於布政司其餘五品以上衙門隸布政司者亦進於布政司差官類進禮部其各都司及直隸衛所差官齋進五軍都督府至日禮部官以各處所進表箋目通類奏聞正統間令天下諸司進賀表箋非職官不得遣萬壽聖節三司堂上官自進冬至等節許差本司首領官及所屬府州衛所佐貳官進弘治十七年奏准今後天下都布按三司慶賀表箋除萬壽聖節照例差委堂上官齋進外其餘冬至等節如果堂上官差古照例於本司首領官及所屬府縣衛所佐貳官員內差委不許濫差雜職官員齋進嘉靖四年奏准遼東苑馬寺係裁減衙門萬壽聖節等表文只差主簿等官齋進表箋式聖節正旦

冬至親王上表洪武間定第某子某王某今作某王臣某誠懼誠忤稽首

首上言伏以皇天眷命統馭萬方聖治神功臣民懼戴恭惟

皇帝陛下續承列聖奉天勤民是以本支繁盛而宗社永安也

某恪守藩邦忻逢聖旦正旦長至心馳遙賀敬仰紫宸祝聖壽於萬

年同天長而地久無任瞻天仰聖激切屏營之至謹奉表稱賀以

聞太皇太后壽旦正旦冬至親王上表弘治初定伏以天祐皇明

衍慶源於萬世位高宸極溥德澤於八紘臣庶懼忻華夷仰戴恭惟

聖慈仁壽太皇太后陛下睿知聰明齊莊中正同任姒之至聖輔文

武之治功德化昭明謀謨廣大是以宗社尊安本支隆盛而建家國

天下悠久之福也臣某叨守外邦茲逢聖旦正旦長至謹秉誠心馳遙

賀於九重祝齊天之萬壽無任瞻天仰聖激切屏營之至謹奉表



稱賀以聞皇太后壽旦正旦冬至親王上表羣臣同弘治初定伏以景

運弘開重熙累洽實資坤德之懿允開邦本之隆海內臣民不勝懽

戴恭惟皇太后陛下聰明端淑恭儉慈祥夙贊理於宮闈克迓承

於天眷遂啟嗣統之瑞聿興致治之光是以誕膺徽號而享盛福於

悠久也臣某親王叨守外邦忻逢令旦正旦仰九重而拜賀祝萬

壽以維期無任瞻仰激切屏營之至謹奉表稱賀以聞聖節正旦冬

至羣臣上表洪武間定某衙門某官臣某等誠懽誠忭稽首頓首上

言伏以天祐下民四時序而風雨時五穀熟而人民育恭惟皇帝

陛下承天受命君師宇內相以奠之和以安之是以克享天心永膺

寶曆大一統文明之治開萬載太平之基後改為溥仁恩於四海建太平於萬年臣某

等幸遇明時忻逢聖旦正旦布政司用職守承宣府州職在牧

鹽司都司職總戎師腹裏衛所職典戎行心馳遙賀仰紫宸而三祝

祈聖壽以齊天無任瞻天仰聖激切屏營之至謹奉表稱賀以

聞太皇太后壽旦正旦冬至羣臣上表成化間定伏以運啟皇明

德隆坤載茂行慶源之序昭宣化理之基中外騰懽臣民仰戴恭惟

聖慈仁壽太皇太后陛下齊莊貞靜中正仁慈克相先皇而續後之

功益大用興聖嗣而治平之道維新光被八紘祥開萬世是以誕

膺天下之至養而安享尊榮之多福也臣某叨守外邦忻逢聖旦

正旦仰宮闈之深遠祝聖壽於久長無任瞻仰激切屏營之至謹

奉表稱賀以聞羣臣謝恩表洪武間定某衙門某官臣某某年月日

欽蒙給賜某物謹奉表稱謝者臣某誠懽誠忭稽首頓首上言伏以

聖恩敷布廣大如天凡在臣民均霑雨露恭惟皇帝陛下聖神文



武治同百王春育海涵兆民忻戴是以天心永眷而基業愈昌也臣  
 某等深蒙恩寵補報是圖惟堅葵藿之誠上祝 萬年之壽無任瞻  
 天仰 聖激切屏營之至謹奉表稱謝以聞以上并用小字直書其  
 署名加小表文前上面貼黃帖一方如印大帖下用印黃帖上所書  
 如 聖壽寫進賀 聖壽表文正旦寫進賀正旦表文冬至寫進賀  
 冬至表文謝恩寫進上謝恩表文末後年月日上亦用印封皮上用  
 黃帖上所書如前黃帖下用印印下寫具官臣某上進謹封於上進  
 謹封字上用印副本用手本小字真書後年月日上用印黃綾表褶  
 袱匣中宮壽曰正旦冬至親王上箋羣臣同宣德間定伏以天眷 聖  
 明萬年盛業中宮正治協相洪猷敬惟 皇后殿下懋嗣徽音弘昭  
 令範仁慈施於宮壺懿德著於邦家是以前廟尊安而本支蕃衍也

臣某 宗室屬籍親 藩羣臣見前 忻逢 壽曰 正旦 長至 肅班行而敬拜祝寶算以齊天

無任瞻仰激切屏營之至謹奉箋稱賀以聞東宮千秋節正旦冬至  
 親王上箋伏以天眷 皇家茂隆大本前星協應四海歸心敬惟  
 皇太子殿下天賜英資日新聖學懋德祇承於謨烈重明翊贊於治  
 平是以宗社尊安臣民咸戴也臣某奉守藩邦忻逢誕辰 正旦 長至 仰春  
 宮而稱頌祝壽算於千秋無任瞻仰激切屏營之至謹奉箋稱賀以  
 聞東宮千秋節正旦冬至羣臣上箋伏以 皇天眷佑景運弘開大  
 本益隆臣民忻戴敬惟 皇太子殿下寬仁毓德敬謹存心嗣承萬  
 世之洪圖寅奉重熙之寶曆是以貞符協應萬邦永寧也臣某等職  
 守藩維忻逢 令旦 正旦 長至 仰望前星敬祝千秋之壽無任瞻仰激切  
 屏營之至謹奉箋稱賀以聞以上書寫署名印封皆與表同但易箋



文并紅帖紅綾袱匣○凡表箋洪武間令止作散文不許循習四六舊體務要言詞典雅不犯應合迴避凶惡字樣仍用朱筆圈點句讀表用黃紙箋用紅紙為函外用夾板夾護拜進并依見行儀式又令進表箋及一應文字若有御名廟諱合依古二名不偏諱嫌名不諱若有二字相連者必須迴避寫字之際不必缺其點畫二十九年以天下諸司所進表箋多務奇巧詞體駢儷令翰林院撰慶賀謝恩表箋成式頒於天下諸司令如式錄進正統間奏准凡表箋字畫俱用洪武正韻寫進

卷之第七十六

禮部三十四

奏啟題本格式國初定制臣民具疏上於朝廷者為奏本東宮者為啟本皆細字後以在京諸司奏本不便凡公事用題本其制比奏啟

本畧小而字稍大皆有格式列後奏本式洪武間定某衙門某官臣

姓某等謹奏為某事備事由云今將原發事由照行事理備細開

坐謹具奏聞某事云緣由畢前件事理擬議依某律科斷施行某

事云緣由畢前件云伏候 勅旨如有勾問職官或支撥錢糧

字起至某字止計右謹奏聞如一事奏請則於此下寫伏候 勅旨字若干紙幾張

謹奏洪武印年月日某衙門某官臣姓某某官臣姓某年月日下止

列見在某官臣姓僉名不得於背後書寫或有差故缺員者不必列

銜○某衙門某官臣姓某謹奏為雨澤事據某人狀呈洪武幾年幾

月幾日某時幾刻下雨至某時幾刻止入土幾分謹具奏聞以上為

雨澤事起至入土幾分止計字若干箇紙幾張右謹奏聞洪武印年

月日列銜如前式啟本同此式但奏字寫作啟字若有請則 勅旨



字寫作令旨餘皆同題本式某衙門某官等官臣某等謹題爲某事  
備事由云謹題請旨如不用請旨止用謹具題知餘同○凡啟奏  
題本事例洪武十五年定凡奏啟本內官員正面真謹僉名當該吏  
與於紙背書名畫字如有事故官員不許寫列空銜年月及正面上  
俱用印信毋致漏使○又六部等衙門凡差人有事公幹所在府州  
縣止是具奏啟本付差去人回還復命赴當該衙門發落批解官物  
者令承批人齎批徑赴該部交納不許泛濫徑申○永樂十年定凡  
諸衙門於皇太子前具啟或敬奉過事件其本內及行移文書內  
止許寫啟本敬奉令旨或止云敬依敬蒙及啟准具啟外字樣○二  
十二年令諸司有急切機務不得面陳者許具題本投進若訴私事  
巧私恩者不嘉靖八年奏准本式遵照大明律後附寫尺寸參

以近年適中式樣題本每幅六行一行二十格擡頭二字平行寫十  
八字頭行衙門官銜姓名疎密俱作一行書寫不限字數年月下疎  
密同若有連名挨次俱照六行書寫奏本每幅六行一行二十四格  
擡頭二字平行寫二十二字頭行衙門官銜或生儒史典軍民宦匠  
籍貫姓名疎密俱作一行書寫不限字數右謹奏聞四字右字平行  
謹字奏字各隔二字聞字過幅第一擡頭計紙字在右謹奏前一行  
與謹字平行差小年月下疎密同前若有連名挨次俱照六行書寫  
行移署押體式各衙門行移有式署押有式至今遵行今備書之而  
附事例於後洪武間定在京○一五軍都督府照會六部劄付各都  
指揮使司承宣布政使司并金吾前後羽林左右虎賁左府軍衛及  
府軍左右前後十衛經歷司各護衛經歷司各外衛指揮使司提刑



按察司應天府各長史司兵馬指揮司守禦千戶所其察院磨勘司  
凡有事務各府經歷司令典史抄案本司呈府施行事畢經歷司回  
牒監察御史并磨勘司○一六部咨呈五軍都督府平咨各都指揮  
使司照會承宣布政使司劄付太常寺欽天監太醫院翰林院光祿  
寺太僕寺提刑按察司應天府鹽運司各外衛指揮使司金吾前後  
羽林左右虎賁左府軍衛府軍前後左右十衛經歷司各護衛經歷  
司直隸府州各長史司兵馬指揮司國子監典簿其察院事務六部  
都吏赴院抄案磨勘司事六部令史赴司抄案呈部施行事畢主事  
回牒監察御史并磨勘司○一金吾前後羽林左右虎賁左并府軍  
衛府軍左右前後十衛俱係經歷司呈五軍都督府并六部各布政  
司平關各外衛并提刑按察司及在京三品衙門故牒兵馬指揮司

其察院事務各衛經歷司令典史抄案本司呈衛磨勘司事務各衛  
令史抄案呈衛施行事畢經歷司回關監察御史并磨勘司○一在  
京并直隸各外衛指揮使司申五軍都督府呈六部平關各衛并提刑  
按察司及在京三品衙門故牒兵馬指揮司其察院磨勘司事務俱  
係令史抄案呈衛施行事畢經歷司回關監察御史并磨勘司○一  
太常寺欽天監太醫院翰林院光祿寺太僕寺呈部平關提刑按察  
司并三品衙門其察院磨勘司事務俱係令史抄案呈本衙門施行  
事畢首領官回報監察御史并磨勘司品級相等者平關七品以下  
者牒上回報○一國子學凡有行移本學典簿呈六部平關應天府其  
察院事務典簿抄案呈學磨勘司事務令史抄案呈學施行事畢典  
簿牒呈監察御史并磨勘司

十五年改國子學爲國子監其行移六部劄付國子監國子監徑呈六部



一應天府申五軍都督府呈六部牒呈各都指揮使司布政使司平  
關提刑按察司并國子學故牒在外各府兵馬指揮使司帖下州縣其  
察院磨勘司事務本府令史抄案呈府施行事畢經歷司牒呈監察  
御史并磨勘司○一察院故牒各道提刑按察司經歷司其磨勘司  
事務察院書吏赴司抄案呈院施行事畢監察御史回關磨勘司○  
一兵馬指揮使司申五軍都督府六部牒呈金吾羽林府軍等衛并外  
衛指揮使司應天府牒上在外各府平關各州帖下各縣其察院事  
務本司首領官抄案呈司施行事畢本司回牒監察御史在外○一  
各都指揮使司呈五軍都督府平谷六部各布政使司照會提刑按  
察司故牒各衛并護衛指揮使司應天府劄付長史司各府州○一  
各處承宣布政使司呈五軍都督府咨呈六部平谷各都指揮使司

照會提刑按察司應天府劄付金吾羽林府軍等十衛經歷司長史  
司并所屬鹽運司各府州○一各護衛指揮使司凡有事務行移本  
衛經歷司轉呈五軍都督府六部并長史司平關提刑按察司并內  
外三品衙門及各衛故牒各府帖下州縣并所屬千百戶所○一各  
外衛指揮使司申五軍都督府呈六部牒呈都指揮使司平關提刑  
按察司故牒各府帖下州縣并所屬千百戶所○一各處提刑按察  
司呈五軍都督府六部牒呈都司布政司平關在京三品衙門并在  
外各衛指揮使司鹽運司故牒在內四品衙門及在外各府長史司  
帖下內外五品至七品衙門其察院事務本司經歷司牒呈回報○  
一各鹽運司申六部呈各布政司平關按察司并三品衙門故牒  
各府帖下州縣○一直隸各府申六部在外各府申都指揮使司布



政使司牒呈按察司各衛并護衛指揮使司鹽運司牒長史司故牒  
 守禦千戶所兵馬指揮司帖下所屬各州縣○一各王府長史司呈  
 五軍都督府六部及布政使司都指揮使司牒呈提刑按察司牒各  
 府帖下各護衛經歷司故牒審理所○一各處守禦千戶所直隸申  
 五軍都督府在外申都指揮使司呈各衛牒呈按察司牒上各府故  
 牒各州帖下各縣所屬百戶○一直隸各州申六部在外各州直隸  
 布政司統屬申本司係各府所屬止申本府并按察司各衛并護衛  
 指揮使司平關兵馬指揮司帖下屬縣○一各縣申府并按察司各  
 衛并護衛指揮使司及在京兵馬指揮司若係各州所屬申州故  
 牒倉庫稅課司局遞運河泊所驛壩等雜職衙門○一各處倉庫司  
 獄巡檢稅課司局遞運河泊所驛壩等雜職衙門申府如各州所

屬申州俱牒呈各縣各處雜職衙門往復平關照會式某軍都督府

為某事云 合行照會可照驗施行須至照會者照會某部洪武印年月

日 照會左都督押 同知都督押 僉都督押○六部照會各布

政使司文移同 照會尚書押侍郎押○都指揮使司照會按察

司文移同 照會都指揮使押○各布政使司照會按察司同 照

會左布政使押 左叅政押 右叅政押咨呈式某部為某事云

合行咨呈伏請照驗施行須至咨呈者右 某軍都督府洪武印年月日

尚書姓名名押 ○各布政使司咨呈六部文移同 洪武印年月日

侍郎姓名名押左布政使姓名名押 左叅政姓名名押 右叅政姓名名押平咨式某部

為某事云 合行移咨請照驗施行須至咨者右 某都指揮使司洪武印

年月日 咨尚書押侍郎押○都指揮使司咨各處文移同 咨



都指揮押 ○各布政司咨各處文移同 咨 左布政使押 左參政押

右參政押 劄付式某軍都督府為某事 云 合下仰照驗 云 須至 右布政使押

劄付者 右劄付某衛指 同知都督押 洪武 印 年月日 劄付 左都督押 同知都督押

同知都督押 ○六部劄付各衙門文移同 劄付尚書押 侍郎押

○各都指揮使司劄付各衙門文移同 劄付都指揮使押 ○各布

政使司劄付所屬衙門文移同 劄付 左布政使押 左參政押

右參政押 呈狀式某衛親軍指揮使司經歷司承奉本衛某文為某

事 云 奉此合行具呈伏乞照驗施行須至呈者 右 洪武 呈

印 年月日 經歷姓名 ○各護衛經歷司呈各衙門文移同 應天府

為某事 云 合行具呈伏乞照驗施行須至呈者 右呈 洪武 其部 年月

日府尹姓名 府丞姓名 通判姓名 推官姓名 ○太常寺欽天監太醫院翰

林院光祿寺太僕寺呈部文移同 ○提刑按察司呈五軍都督府六

部文移同 洪武 印 年月日按察姓名 副使姓名 僉事姓名 ○各都司布政

使司呈五軍都督府外衛呈六部 ○鹽運司呈布政司守禦千戶所

呈各衛同 長史司呈都府六部等衙門文移同 洪武 印 年月日

長史姓名申狀式某府為某事 云 合行申覆伏乞照驗施行須至

申者 右 洪武 印 年月日知府姓名 同知 通判姓名 推官姓名

名 ○直隸府州申六部在外府州申都司應天府申五軍都督府同

各外衛指揮使司申五軍都督府鹽運司申部文移同 洪武 印 年

月日指揮使姓名 同知姓名 僉事姓名 ○兵馬指揮司申都府六部同 守

禦千戶所申都府都指揮使司文移同 洪武 印 年月日 正千戶姓名 副千戶姓名

○各州申府按察司各衛等衙門文移同 洪武 印 年月日知州姓



名同知姓名判官姓名○各縣申府州等衙門文移同 洪武印年月日知

縣姓名縣丞姓名主簿姓名平關式某衛親軍指揮使司為某事云合行

移關請照驗施行須至關者右某衛指揮使司關洪武印年月日關指

揮使押同知押同知押兪事押○各府平關各衙門文移同關知府

押同知押通判押推官押○各州平關各衙門文移同關知州押

同知押判官押○各縣平關各衙門文移同關知縣押縣丞押主簿押牒呈式

某府為某事云合行牒呈伏請照驗施行須至牒呈者右牒呈某處提刑按察司

洪武印年月日知府姓名押同知姓名押通判姓名押推官姓名押○應天

府牒呈都司布政司各府牒呈各衛指揮使司鹽運司兵馬指揮司

牒呈各衛指揮使司應天府同按察司牒呈都指揮使司布政使

司文移同洪武年月日按察使姓名押副使姓名押兪事姓名押○長史

司及守禦千戶所牒呈按察司應天府經歷司國子監典簿牒呈察

院磨勘司同平牒式某府長史司為某事云合行移牒請照驗施

行須至牒者右牒某府洪武印年月日牒長史押○各府牒長史司文

移同牒上式某處守禦千戶所為某事云合行牒上請照驗施行

須至牒者右牒某府洪武印年月日牒正千戶押副千戶押○兵

馬指揮司牒上各外府同故牒式某衛指揮使司為某事云合行

故牒可照驗施行須至故牒者右故牒某府洪武印年月日牒指揮使

押同知押同知押兪事押○都指揮使司故牒各衛及應天府鹽運司

故牒各府應天府故牒外府并兵馬指揮司俱同下帖式某府為某

事云合下仰照驗云須至帖者右下某縣准此洪武印年月日帖知

府押同知押通判押推官押○某州為某事云合下仰照驗云須



至帖者

右下某倉庫准此

洪武<sup>年</sup>月日

帖知州押

同知押判官押

凡行移

往來事例洪武十五年定一通政司職掌出納

帝命與諸司無行

有徑行通政司者以違制論○一各王府長史凡有行移具牒宗人

府經歷司案呈本府事畢抄案回牒長史司○一五軍都督府凡有

行移令經歷司具牒宗人府經歷司案呈本府事畢抄案回報五軍

都督府經歷司其在京衛所及在外各都司各該衛并直隸衛所若

有行移俱由該府轉行○一六部凡有行移令主事廳牒呈宗人府

經歷司案呈本府事畢抄案故牒六部主事廳其太常寺應天府光

祿寺太僕寺國子監欽天監翰林院太醫院南北城兵馬指揮司儀

禮司行人司等衙門及在外各布政司并直隸府州應有行移俱由

該部轉行○一都察院凡有行移令經歷司牒呈宗人府經歷司案

呈本府事畢抄案故牒都察院經歷司其各道監察御史并在外按

察司遇有行移俱由都察院轉行○一通政司凡有行移令經歷司

呈宗人府經歷司案呈本府事畢抄案帖下各衛經歷司○一五軍

都督府有事於都察院止令經歷司互相文移轉呈本院如行六部

則經歷司與主事廳互牒其在京秩三品者則與本院並行仍故牒

在京四品在外按察司帖下在京五品以下衙門其在京四品在外

按察司牒呈本院及在京五品以下衙門行移本院俱稱具呈惟大

理審刑磨勘司止與本院經歷司行移各道監察御史亦止由本院

行移與諸司無行○一通政司與在外諸司衙門別無行移今後不

許申稟○一儀禮司并內府六科俱係近侍官員與內外衙門並無

行移今後不許申呈○一六部有事務各處必須縣申州州申府府



申布政司轉達六部不許驀越○一五軍都督府并在京各衛與在外各衛所及有司衙門勘合拘定難以互相行移除直隸衛所申都督府其在外衛所必經本處都司轉呈該府若有司與在京衛所軍民相干事理俱由合干上司轉達該部定奪不許徑自行移○一六部凡受五軍都督府照會不問有施行無施行事理俱於堂上立案官吏於年月下小字依次列銜尚書侍郎僉押郎中以下至該吏俱僉名如是錢糧刑名合送該部磨算問擬者則從堂上正官批寫送某部磨算或問擬不必判押其該部推算問擬畢官吏亦於年月下小字列銜僉名連案呈堂施行○一六部凡准各部咨文并布政司咨呈及據各衙門申呈來文其有係干具奏及應照勘回答即行在京各衙門者俱係堂上立案施行不必送該部若係類勘合回答各

布政司直隸府州事理則從堂上立案判押連送該部移付類勘合科施行其有錢糧官物磨算收支刑名應合問擬印信關領人材候到及雖有施行而不係出事公文者俱係正官於來文批寫送該部承行不必判押其該部立案則寫奉本部連送某連文云當該官吏於年月下小字列銜僉名其無施行止是立案備照如有施行者連案呈堂施行○一凡有創行事務合行各屬部遵守者則從堂上劄付各部若屬部該行事理係干放支錢糧官物等項及須經堂上定奪亦從堂上劄付各部其餘一應常行事理及各類勘合行移各布政司直隸府州者止是各部自相往復移付施行及劄付移付公文承行吏典另行置立承發勾銷簿附寫各件用使日時印記各科承受該吏於簿上書名畫字收領承行畢仍於前件項下勾銷以憑稽



考○一凡銓選官員調遣軍馬賞物物件處決重刑初立制度及爲令爲律事務所奉 聖旨必須文案上出事內欽寫其餘常行事理雖有奉到 聖旨止於文簿及案驗內欽錄不必出事開寫○一凡議擬奏准事理止於文簿內云寫奏准若欽奉 聖旨改擬仍寫欽改緣由○一凡差使人員既有所齎公文其差帖上止寫去某處公幹不必云寫 聖旨○一凡差人齎執欽依奉 聖旨公文到於各省各府須要先將公文於公廳中間置放然後與官員相見毋得收摺在懷與人講禮○一凡五府六部等衙門所奏事件各官既已親奉 旨意奏本明白批寫回本衙門自作施行其通政司入奏在外都司布政司按察司等衙門實封軍機錢糧刑名等事并鼓下受詞及各處差官徑奏事件雖有奉到 旨意奉行衙門無由會必合抄

出施行其抄寫人員將抄到 旨意齎從正門入各該官員起身迎接奉到 旨意止許本衙門明白立案不許出事行移內云寫其各科填送勘合亦不許云寫 旨意止寫某衙門爲某事奏奉某衙門如奏施行○一凡諸司文移有奉 旨施行者勿書 聖旨二字凡有陞賞差調等悉以欽字代之○十六年令刑部等衙門遇有行移判押文書及商議公事首領官引吏典就齎印信手本開具幾件於正官處親行稟覆可否從公署押定奪仍各照事件逐一附簿以憑查照相同不致違錯○十七年奏定天下諸司文移紙式凡奏本紙高一尺三寸一品二品衙門文移紙三等皆高二尺五寸長五尺爲一等四尺爲一等三尺爲一等案驗紙二等皆長二尺五寸高一尺八寸爲一等二尺爲一等三品至 五品衙門文移紙高二尺長三尺



案驗紙高一尺八寸長二尺五寸八品七品衙門文移紙高一尺八寸長二尺五寸案驗紙高一尺六寸長二尺八寸八品九品與未入流衙門文移紙高一尺六寸長二尺案驗紙高一尺四寸長一尺八寸官員任內公文皆如式者考為一最不如式者罪之

享和癸亥

